

ЎЗБЕКИСТОН РЕСПУБЛИКАСИ 22-23-сон
ҚОНУН ҲУЖЖАТЛАРИ (106-107)
ТЎПЛАМИ 2004 й.
июнь

Ўзбекистон Республикаси Қонун ҳужжатлари тўплами беш бўлимдан иборат:

тўпламнинг биринчи бўлимида Ўзбекистон Республикаси қонунлари ва Олий Мажлиснинг қарорлари эълон қилинади;

иккинчи бўлимда Ўзбекистон Республикаси Президентининг фармон ва фармойишлари эълон қилинади;

учинчи бўлимда Вазирлар Маҳкамасининг қарор ва фармойишлари эълон қилинади;

тўртинчи бўлимда Ўзбекистон Республикаси Конституциявий судининг қарорлари эълон қилинади;

тўпламнинг бешинчи бўлимида вазирликлар, давлат қўмиталари ва идораларининг Ўзбекистон Республикаси Адлия вазирлигида давлат рўйхатидан ўтказилган норматив-ҳуқуқий ҳужжатлари эълон қилинади.

МУНДАРИЖА

Иккинчи бўлим

259. «Ўзбекистон Республикаси Президентининг баъзи фармонларига ўзгартиришлар киритиш тўғрисида» Ўзбекистон Республикаси Президентининг 2004 йил 4 июндаги ПФ–3441-сон Фармони

Учинчи бўлим

260. «Товар-хом ашё биржалари фаолиятини такомиллаштиришга доир қўшимча чоратадбирлар тўғрисида» Ўзбекистон Республикаси Вазирлар Маҳкамасининг 2004 йил 31 майдаги 251-сон қарори

261. «Саноатнинг кон казиш тармоқлари айрим корхоналарининг юқори даромадига солиқ солиш тўғрисида» Ўзбекистон Республикаси Вазирлар Маҳкамасининг 2004 йил 1 июндаги 252-сон қарори

262. «Ўзбекистон Республикаси Вазирлар Маҳкамасининг «Ўзбекистон Республикаси Қишлоқ ва сув хўжалиги вазирлиги фаолиятини ташкил этишни такомиллаштириш тўғрисида» 2003 йил 28 июндаги 290-сон қарорига ўзгартириш ва қўшимчалар киритиш ҳақида» Ўзбекистон Республикаси Вазирлар Маҳкамасининг 2004 йил 4 июндаги 257-сон қарори

263. «Ўзбекистон Республикаси Ҳукуматининг айрим қарорларига ўзгартиришлар киритиш тўғрисида» Ўзбекистон Республикаси Вазирлар Маҳкамасининг 2004 йил 7 июндаги 262-сон қарори [Кўчирма]
264. «Бюджетдан ташқари Мактаб таълими жамғармасини ташкил этиш чора-тадбирлари тўғрисида» Ўзбекистон Республикаси Вазирлар Маҳкамасининг 2004 йил 7 июндаги 263-сон қарори
265. «Соғлиқни сақлаш тизимида экспериментни тугаллаш ва ислохотларни чуқурлаштириш чора-тадбирлари тўғрисида» Ўзбекистон Республикаси Вазирлар Маҳкамасининг 2004 йил 8 июндаги 264-сон қарори
266. «Ўзбекистон Республикаси Вазирлар Маҳкамаси ҳузуридаги Давлат дон инспекцияси фаолиятини ташкил этиш масалалари тўғрисида» Ўзбекистон Республикаси Вазирлар Маҳкамасининг 2004 йил 8 июндаги 269-сон қарори
267. «Ўзбекистон Республикаси Маданият ишлари вазирлиги фаолиятини ташкил этиш масалалари тўғрисида» Ўзбекистон Республикаси Вазирлар Маҳкамасининг 2004 йил 9 июндаги 272-сон қарори

Бешинчи бўлим

268. «Давлат эҳтиёжлар учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолени сотишдан тушаётган маблағларини аккумуляция қилиш тартибига ўзгартириш ва қўшимчалар киритиш тўғрисида» Ўзбекистон Республикаси Марказий банки Бошқаруви, Молия вазирлигининг 2004 йил 28 апрелдаги 111-В-3, 56-сон қарори. (*Ўзбекистон Республикаси Адлия вазирлиги томонидан 2004 йил 4 июнда 653-3-сон билан давлат рўйхатидан ўтказилди*)
269. «Кимошди савдоларида тозаланган мис, металл рух ва иккиламчи алюминийни сотиш тартиби тартиби тўғрисидаги вақтинчалик низомни тасдиқлаш ҳақида» Ўзбекистон Республикаси Иқтисодиёт вазирлиги, Давлат мулкни бошқариш ва тадбиркорликни қўллаб-қувватлаш давлат қўмитаси, Молия вазирлиги, «Олмалиқ КМК» ОАЖ, «Ўзиккиламчиранглиметалл» ОАЖ, Ўзбекистон республика товар хом ашё биржасининг 2004 йил 29 мартдаги 24, 01/24-15, 53, 948, 283-01, 42-01/142-сон қарори. (*Ўзбекистон Республикаси Адлия вазирлиги томонидан 2004 йил 4 июнда 1367-сон билан давлат рўйхатидан ўтказилди*)
270. «Ўзбекистон Республикаси ҳудудида нақд хорижий валютани қабул қилиш тартиби тўғрисидаги низомга ўзгартириш ва қўшимчалар киритиш ҳақида» Ўзбекистон Республикаси Марказий банки Бошқаруви, Молия вазирлиги, Давлат солиқ қўмитасининг 2004 йил 17 апрелдаги 222-В-1, 69, 2004-32-сон қарори. (*Ўзбекистон Республикаси Адлия вазирлиги томонидан 2004 йил 4 июнда 1165-1-сон билан давлат рўйхатидан ўтказилди*)
271. «Кимошди савдоларида пахта шроти (қунжара)ни ва пахта чигити шелухасини сотиш тартиби тўғрисидаги вақтинчалик низомни тасдиқлаш ҳақида» Ўзбекистон Республикаси Иқтисодиёт вазирлиги, Давлат мулкни бошқариш ва тадбиркорликни қўллаб-қувватлаш давлат қўмитаси, Молия вазирлиги, Ёғ-мой ва

озиқ-овқат саноати уюшмаси, Ўзбекистон республика товар хом ашё биржасининг 2004 йил 6 майдаги 32, 01/24-30, 61, 4-1-167, 42-01/245-сон қарори.
(Ўзбекистон Республикаси Адлия вазирлиги томонидан 2004 йил 7 июнда 1368-сон билан давлат рўйхатидан ўтказилди)

Вазирликлар, давлат қўмиталари ва идораларининг умумий мажбурий тусдаги меъёрий ҳужжатларини давлат рўйхатидан ўтказиш ҳолати тўғрисида 2004 йил 29 майдан 10 июнгача бўлган маълумот

ИККИНЧИ БЎЛИМ

ЎЗБЕКИСТОН РЕСПУБЛИКАСИ ПРЕЗИДЕНТИНИНГ ФАРМОНИ

259 Ўзбекистон Республикаси Президентининг баъзи фармонларига ўзгартишлар киритиш тўғрисида

«Ўзбекистон Республикасининг айрим қонун ҳужжатларига ўзгартишлар ва қўшимчалар киритиш тўғрисида» Ўзбекистон Республикасининг 2004 йил 30 апрелдаги Қонунига мувофиқ:

Ўзбекистон Республикаси Президентининг қуйидаги фармонларига ўзгартишлар киритилсин:

1. «Ўзбекистон Республикасида паспорт тизимини такомиллаштириш тўғрисида» Ўзбекистон Республикаси Президентининг 1999 йил 26 февралдаги ПФ–2240-сон Фармониغا:

4-банддаги «Давлат чегараларини ҳимоя қилиш қўмитаси раиси» деган сўзлар чиқариб ташлансин;

Фармон 1-илоvasи 34-бандининг ўнинчи хатбошидаги «Давлат чегараларини ҳимоя қилиш қўмитасининг, ички қўшинлар» ҳамда «прапоршчиклари, мичманлари ва» сўзлари чиқариб ташлансин, «муддатга қўшимча хизмат қилаётган» деган сўзлар эса «контракт бўйича хизмат қилаётган» сўзлари билан алмаштирилсин;

Фармон 1-илоvasи 34-бандининг ўн иккинчи хатбошидаги «прапоршчиклар, мичманлар» ва «Давлат чегараларини ҳимоя қилиш қўмитаси» сўзлари чиқариб ташлансин.

2. «Республика давлат бошқаруви органлари тизимини такомиллаштириш тўғрисида» Ўзбекистон Республикаси Президентининг 2003 йил 9 декабрдаги ПФ–3358-сон Фармони иловасига:

II бўлимдаги 6-банд чиқариб ташлансин;

7—11-бандлар тегишли равишда 6—10-бандлар деб ҳисоблансин.

Ўзбекистон Республикаси Президенти И. КАРИМОВ

Тошкент ш..
2004 йил 4 июнь,
ПФ–3441-сон

УЧИНЧИ БЎЛИМ

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

260 Товар-хом ашё биржалари фаолиятини такомиллаштиришга доир қўшимча чора-тадбирлар тўғрисида

Товарларни улгуржи сотишнинг бозор методларини кенгайтириш, товар-хом ашё биржалари фаолиятини замонавий талабларга мувофиқ тубдан яхшилаш, мамлакатимиз товар ишлаб чиқарувчилари маҳсулотларига нарх белгилашнинг бозор механизмини шакллантириш мақсадида Вазирлар Маҳкамаси **қарор қилади:**

1. Белгилаб қўйилсинки:

биржа товарларини электрон тизимдан фойдаланган ҳолда республиканинг бутун ҳудуди бўйича аниқ вақт режимида — биржа савдолари;

ўзига хос хусусиятларга эга бўлган товарларни — ким ошди савдолари;

товарларни, харидор томонидан товар олдиндан мажбурий кўздан кечирилишини ҳисобга олган ҳолда, биржаларнинг ихтисослаштирилган савдо майдончаларида, улар томонидан тасдиқланадиган қоидаларга биноан кўргазма-ярмарка савдолари натижаларига кўра товар-хом ашё биржалари орқали улгуржи сотиш биржа битишувлари тузиш воситасида амалга оширилади.

2. Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари қурилиш материаллари сотиладиган ихтисослаштирилган бозорларда:

биржалар томонидан қурилиш материалларининг кўргазма-ярмарка улгуржи савдосини ташкил этиш учун бепул асосда майдонлар ва хоналар;

товар-хом ашё биржалари аъзоларига — кўргазма-ярмарка савдоларида сотишга мўлжалланган товарларни сақлаш учун ижара шартларида майдонлар ва хоналар ажратсинлар.

3. Белгилаб қўйилсинки:

қурилиш материалларининг ихтисослаштирилган бозорларида улгуржи савдо қилиш ҳуқуқи бозор маъмурияти томонидан фақат товар-хом ашё биржаларининг расмий аъзоларига, уларда улгуржи савдони амалга ошириш ҳуқуқи юзасидан тегишли рухсатнома ҳужжатлари мавжуд бўлган тақдирда, белгиланган тартибда берилади;

товар-хом ашё биржалари аъзолари томонидан импорт бўйича келтирилган ҳамда сотиш учун мўлжалланган қурилиш материаллари намуналари ва гуруҳларини сотувга қўйиш фақат уларнинг республика ҳудудига белгиланган тартибда қонуний келтирилганлигини тасдиқловчи ҳужжатлар мавжуд бўлган тақдирда амалга оширилиши мумкин;

ихтисослаштирилган бозорларнинг кўргазма-ярмарка савдосини ташкил этиш учун майдонлар ва хоналар бериш бўйича харажатлари бозорлар даромадлари ҳисобига қопланади;

товар-хом ашё биржаларининг кўргазма-ярмарка савдоси ташкил этишга харажатлари сотувчилардан уларнинг ҳисоб рақамига маблағлар тушишига қараб ҳар куни тўланадиган, битишувлар суммасидан олинадиган воситачилик йиғими ҳисо-

бига, шунингдек кўргазма-ярмарка савдоси қатнашчиларига кўрсатиладиган қўшимча хизматлар (реклама, ахборот, консалтинг ва шу каби) ҳисобига қопланади.

4. Товар-хом ашё биржаларига:

биржа товарлари ишлаб чиқарувчи тадбиркорларга ўзлари ишлаб чиқарган маҳсулотларни сотувга қўйиш учун бепул асосда брокерлик ўринлари бериш;

товарларнинг кўргазма-ярмарка савдосини ташкил этиш учун, шу жумладан қурилиш материаллари ихтисослаштирилган бозорлари ҳудудларида уларнинг кўргазма-ярмарка савдосини ташкил этиш учун ихтисослаштирилган савдо майдонлари ташкил этиш ва уларни техника билан жиҳозлаш;

биржа аъзоларини биржа, кимошди ва кўргазма-ярмарка савдолари қоидаларига қасб бўйича ўқитишни ташкил қилиш тавсия этилсин.

5. Белгилансинки:

биржа котировкалари ва кимошди савдоси нархлари ихтисослаштирилган оммавий ахборот воситаларида ҳар ҳафтада камида бир марта бепул асосда эълон қилинади;

товар-хом ашё биржалари аъзолари улар томонидан кўргазма-ярмарка савдоларида сотиладиган товарлар нархларини оммавий равишда эълон қилишлари шарт.

Маълумот учун қабул қилинсинки, монополист корхоналар ўзлари ишлаб чиқарган маҳсулотларни биржа (кимошди) савдоларида Вазирлар Маҳкамасининг «Маҳсулотлар, хом ашё ва материалларнинг юқори ликвидли турларини сотишнинг бозор механизмларини жорий этишни давом эттириш тўғрисида» 2004 йил 5 февралдаги 57-сон қарори билан тасдиқланган Моддий-техника ресурслари стратегик турларини сотишнинг махсус тартиби тўғрисидаги низомга мувофиқ сотадилар.

6. 2004 йил 1 июндан бошлаб биржа фаолиятини амалга оширишда қўшимча равишда қўйидаги лицензия талаблари ва шартлари жорий этилсин:

биржа савдоларида фақат олдиндан эълон қилинадиган, маҳсулотлар истеъмолчилари ва ишлаб чиқарувчилари кенг қўламда фойдаланадиган биржа ахборотнома-сига киритилган товарларни сотиш, айни бир вақтда олдиндан эълон қилинган листингларга киритилмаган товарларни сотиш тақиқланади;

биржа ахборотномаларига фақат бир хил стандарт хоссаларга эга бўлган, улгуржи гуруҳлар билан сотиладиган ва олдиндан кўздан кечиришни талаб қилмайдиган биржа товарларини киритиш;

биржада сотилган (бепул берилган) камида 100 та брокерлик ўринлари мавжуд бўлиши;

товар-хом ашё биржалари раҳбарларига қўйиладиган малака талабларига риоя қилиш.

7. Ўзбекистон Республикаси Давлат мулки қўмитаси:

икки ҳафта муддатда товар-хом ашё биржалари билан лицензия битимларини қайтадан тузсин, бунда лицензия битимларига ушбу қарорда белгиланган лицензия талаблари ва шартлари киритилишини назарда тутсин;

бошқарув раисига, ҳисоб-китоб-клиринг палатаси раҳбарига ҳамда биржаларнинг бош мақлорига қўйиладиган малака талабларини бир ой муддатда ишлаб чиқсин ва белгиланган тартибда тасдиқласин ҳамда уларни аттестациядан ўтказсин;

биржа битишувларида қатнашувчи биржалар аъзоларини уч ой муддатда, белгиланган тартибда аттестациядан ўтказсин;

барча оммавий ахборот воситаларида кенг реклама компаниясини ва тушунтириш ишларини, шунингдек потенциал сотувчилар, харидорлар, биржалар аъзолари ўртасида товарларни биржа савдоларида сотиш ва харид қилиш қоидалари ва афзалликлари бўйича мақсадли семинарлар ва давра суҳбатлари ўтказилишини таъминласин.

8. Ўзбекистон Республикаси Молия вазирлиги ва Давлат мулки қўмитаси Ўзбекистон республика товар-хом ашё биржаси билан биргаликда икки ҳафта муддатда:

брокерлар ва брокерлик идоралари фаолиятини моддий рағбатлантириш механизмини ишлаб чиқсинлар ва белгиланган тартибда жорий қилсинлар, бунда воситачилик йиғимларининг зарур малака сифатига, брокерлик фаолиятини юритиш тажрибасига эга бўлган брокерларнинг юқори даромад олишини таъминловчи ҳамда биржа савдолари товар айланмасига қараб чекланган миқдорлари белгиланишини назарда тутсинлар;

биржа битишувларидан ундириладиган биржалар воситачилик йиғимлари чекланган миқдорларининг декларация қилинишини таъминласинлар;

Ўзбекистон Республикаси Монополиядан чиқариш ва рақобатни ривожлантириш давлат қўмитаси ҳамда Молия вазирлиги биржалар ва уларнинг аъзолари томонидан воситачилик йиғимларининг чекланган миқдорларига риоя этилишини назорат қилсинлар.

9. Ўзбекистон республика товар-хом ашё биржасининг ходимларнинг чекланган умумий сони 127 нафар бўлган 1-иловага мувофиқ ташкилий тузилмаси маъқулансин.

10. Ўзбекистон республика товар-хом ашё биржаси даромад (фойда) солиғи тўлашдан уч йил муддатга истисно тариқасида озод қилинсин, бўшайдиган маблағлар ягона электрон савдо тизими техника ва технология дастурий комплексини замонавийлаштиришга мақсадли йўналтирилсин.

11. Ҳукуматнинг 2-иловага мувофиқ айрим қарорларига ўзгартириш ва қўшимчалар киритилсин.


Ўзбекистон Республикаси Давлат мулки қўмитаси Адлия вазирлиги, Монополиядан чиқариш ва рақобатни ривожлантириш давлат қўмитаси, бошқа манфаатдор вазирликлар ва идоралар билан биргаликда бир ой муддатда қонун ҳужжатларига ушбу қарордан келиб чиқадиган ўзгартириш ва қўшимчалар тўғрисида Вазирлар Маҳкамасига таклифлар киритсин.

12. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 31 май,
251-сон

**«Ўзбекистон республика товар-хом ашё биржаси» акциядорлик жамиятининг
ташкилий тузилмаси**



Ходимларнинг чекланган умумий сони — 127 киши,
шу жумладан марказий аппарат ходимлари — 32 киши.

Вазирлар Маҳкамасининг
2004 йил 31 майдаги 251-сон қарорига
2-ИЛОВА

Ҳукуматнинг айрим қарорларига киритилаётган ўзгартириш ва қўшимчалар

1. Вазирлар Маҳкамасининг «Улгуржи ва биржа савдосини ташкил этиш тизими такомиллаштириш тўғрисида» 2001 йил 1 майдаги 198-сон қарори (Ўзбекистон Республикаси ҚТ, 2001 й., 5-сон, 24-модда) 8-бандининг тўртинчи хатбошидаги «фоизсиз қайтариш асосида» сўзлари чиқариб ташлансин, «сарфланган маблағлар 5 йил мобайнида қайтарилади» сўзлари «ажратилган маблағлар ҳисобига Ўзбекистон товар-хом ашё биржаси ҳудудий филиалларининг бинолари Давлат мулки қўмитасига берилади» сўзлари билан алмаштирилсин.

2. Ўзбекистон Республикаси Вазирлар Маҳкамасининг «Ноозиқ-овқат истеъмол товарлари билан савдо қилишни такомиллаштириш чора-тадбирлари тўғрисида» 2003 йил 28 июлдаги 330-сон қарори (Ўзбекистон Республикаси ҚТ, 2003 й., 7-сон, 68-модда) билан тасдиқланган Ўзбекистон Республикасида бозорларда савдо фаолиятини ташкил этиш қоидалари:

а) қуйидаги мазмундаги XV бўлим билан тўлдирилсин:

«XV. Қурилиш материалларининг ихтисослаштирилган бозорларида товарларни сотишга талаблар

68. Таъмирлаш (пардозлаш) ва қурилиш-монтаж ишларини амалга ошириш учун фойдаланиладиган қўшимча материаллар қурилиш материалларининг ихтисослаштирилган бозорларида сотиладиган товарларнинг асосий турлари ҳисобланади.

69. Қурилиш материалларининг ихтисослаштирилган бозорларида улгуржи нархлари декларация қилинганлиги ёки уларнинг биржа савдоларида сотиб олинганлиги тўғрисидаги ҳужжатлар мавжуд бўлганда товарларни улгуржи гуруҳлар билан сотишга йўл қўйилади.

70. Қурилиш материалларини чакана сотиш:

юридик шахслар ва якка тартибдаги тадбиркорлар томонидан — назорат-касса машиналаридан мажбурий фойдаланган ҳамда белгиланган тартибда банк муассасаларига нақд тушумни ҳар куни топширган ҳолда;

жихозланган савдо ўринларида якка тартибдаги тадбиркорлар томонидан — Даромадлар ва товар операцияларини ҳисобга олиш дафтарини мажбурий юритган ҳамда нақд тушумни банк муассасаларига ҳар куни топширган ҳолда амалга оширилади.

71. Қурилиш материалларини сотишда, сотувчи томонидан харидор номига сотилган товарнинг номи, миқдори, суммаси кўрсатилган юк хати ёзиб берилади ва қонун ҳужжатларига мувофиқ назорат-касса машинаси чеки ёки товар чеки берилади.

72. Қурилиш материалларининг ихтисослаштирилган бозорларида рухсат гувоҳномасисиз ёхуд унинг амал қилиш муддати тўхтатиб турилган ёки у қайтариб олинган даврда савдо фаолиятини амалга ошириш фаолиятни лицензиясиз амалга ошириш деб ҳисобланади ва қонун ҳужжатларига мувофиқ жавобгарлик чоралари қўлланилади.

73. Қурилиш материалларини ихтисослаштирилган бозор ҳудудидаги ажратил-

ган жойлардан ва қурилиш материаллари дўконларидан ташқарида сотишга йўл қўйилмайди.

74. Бозор маъмурияти қуйидагиларга мажбур:

сочилувчан қурилиш товарларининг айрим турларини автомобилдан сотиш учун махсус майдончалар ташкил қилиш;

брокерлар томонидан мижозларга хизмат кўрсатиш ва биржада битимлар тузиш учун алоқа воситалари, компьютер ва мебеллар билан жиҳозланган хона ажратиш;

биржадан олинган маълумотлар асосида ҳар кунги биржа савдолари натижалари бўйича шаклланаётган нархлар (котировкалар) тўғрисида харидорлар ва сотувчиларни хабардор қилиш.»;

б) XV бўлим XVI бўлим деб ҳисоблансин;

в) 68—72-бандлар тегишли равишда 75—80-бандлар деб ҳисоблансин.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

261 Саноатнинг кон қазииш тармоқлари айрим корхоналарининг юқори даромадига солиқ солиш тўғрисида

Минерал-хом ашё ресурсларидан оқилона фойдаланиш, юқори ликвидли маҳсулотларга жаҳон нархлари қулай конъюнктураси шароитларида саноатнинг кон қазииш тармоқлари корхоналарини рағбатлантириш механизмини такомиллаштириш, олинган юқори даромадни мақбул равишда тақсимлаш, шунингдек Давлат бюджети даромадларини қўпайтириш мақсадида Вазирлар Мақкамаси **қарор қилади:**

1. 2004 йил 1 июндан бошлаб саноатнинг кон қазииш тармоқлари айрим корхоналарининг юқори даромадига солиқ солиш жорий этилсин.

Белгилансинки, юқори даромади учун солиқ тўлайдиган аниқ корхоналар рўйхати, шунингдек солиқ ставкалари миқдорлари Ўзбекистон Республикаси Молия вазирлиги Иқтисодиёт вазирлиги билан биргаликда киритадиган таклифлар асосида Вазирлар Мақкамаси томонидан белгиланади.

2. Белгилаб қўйилсинки:

«Олмалик кон-металлургия комбинати» очик акциядорлик жамияти 2004 йил 1 июндан бошлаб миснинг жаҳон нархларига қараб ундириладиган юқори даромади учун солиқ тўловчи ҳисобланади;

бир тонна мис нархи 1,9 минг АҚШ долларидан ортиқ бўлганда олинган суммадан юқори даромад солиғи тўлангандан кейин комбинат ихтиёрида қоладиган маблағлар, кейинчалик Ўзбекистон Республикаси Иқтисодиёт вазирлиги билан келишилган инвестиция лойиҳаларини амалга оширишда мақсадли фойдаланиш учун «Олмалик кон-металлургия комбинати»нинг ваколатли банкдаги махсус рақамида жамланади;

махсус ҳисоб рақамида жамланган маблағлардан мақсадли фойдаланилмаган тақдирда ушбу маблағлар тўлиқ ҳажмда, қонун ҳужжатларида назарда тутилган жарима санкциялари қўлланган ҳолда давлат бюджетига олиб қўйилади.

3. Ўзбекистон Республикаси Молия вазирлиги, Давлат солиқ қўмитаси «Олмалиқ кон-металлургия комбинати» очик акциядорлик жамиятининг юқори даромадини ҳисоблаб чиқариш ва ундириш тартибини бир ҳафта муддатда ишлаб чиқсинлар ва тасдиқласинлар.

4. Ўзбекистон Республикаси Адлия вазирлиги манфаатдор вазирликлар ва идоралар билан биргаликда амалдаги қонун ҳужжатларига мазкур қарордан келиб чиқувчи ўзгартириш ва қўшимчалар тўғрисида Вазирлар Маҳкамасига таклифлар киритсин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари Р.С. Азимов зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 1 июнь,
252-сон

Вазирлар Маҳкамасининг
2004 йил 1 июндаги 252-сон қарорига
ИЛОВА

«Олмалиқ кон-металлургия комбинати» очик акциядорлик жамиятининг юқори даромади учун солиқ ставкалари

Солиқ солинадиган база миқдори	Солиқ ставкаси
Бир тонна мис нархи 1901 АҚШ долларидан 2100 АҚШ долларигача бўлганда	30 фоиз
Бир тонна мис нархи 2101 АҚШ доллари ва ундан юқори бўлганда	50 фоиз

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

262 Ўзбекистон Республикаси Вазирлар Маҳкамасининг «Ўзбекистон Республикаси Қишлоқ ва сув хўжалиги вазирлиги фаолиятини ташкил этишни такомиллаштириш тўғрисида» 2003 йил 28 июндаги 290-сон қарорига ўзгартириш ва қўшимчалар киритиш ҳақида

Вазирлар Маҳкамасининг «Ўсимликларни химоя қилиш хизмати тузилмасини такомиллаштириш ва самарадорлигини ошириш чора-тадбирлари тўғрисида» 2004 йил 29 мартдаги 148-сон қарорини бажариш юзасидан Вазирлар Маҳкамаси **қарор қилди:**

1. Ўзбекистон Республикаси Қишлоқ ва сув хўжалиги вазирлигининг ташкилий тузилмаси иловага мувофиқ тасдиқлансин.

2. Вазирлар Маҳкамасининг «Ўзбекистон Республикаси Қишлоқ ва сув хўжалиги вазирлиги фаолиятини ташкил этишни такомиллаштириш тўғрисида» 2003 йил 28 июндаги 290-сон қарорида (Ўзбекистон Республикаси ҚТ, 2003 й., 6-сон, 51-модда):

а) 1-банднинг Ўзбекистон Республикаси Қишлоқ ва сув хўжалиги вазирлигининг ташкилий тузилмасига оид иккинчи хатбоши ҳамда 1-илова ўз кучини йўқотган деб ҳисоблансин;

б) 2-илова қуйидаги мазмундаги 30-банд билан тўлдирилсин:

«30. Республика ўсимликларни химоя қилиш ва агрокимё маркази»;

в) 5-иловада:

6-банд қуйидаги мазмундаги хатбоши билан тўлдирилсин:

«қишлоқ хўжалигида ўсимликларни кимёвий ва биологик химоя қилиш, ўсимликлар касалликларининг олдини олиш ва қишлоқ хўжалиги зараркунандаларига, бегона ўтларга ва чигирткага қарши курашиш бўйича ягона техника ва технология сиёсатини ўтказиш»;

7-банд қуйидаги мазмундаги хатбошилар билан тўлдирилсин:

«комплекс тадқиқотлар амалга оширилишини ташкил этади, зараркунандалар, касалликлар ва бегона ўтлар тарқалиши имкониятларини ўрганади ва прогнозлаштиради, қишлоқ хўжалиги товар ишлаб чиқарувчиларини кимёвий ва биологик химоя воситалари, стимуляторлар билан таъминлайди;

ўсимликларни химоя қилиш соҳасида қишлоқ хўжалиги корхоналари ва аҳолини методик таъминлашни, шартнома асосида қишлоқ хўжалигига агрокимё хизматлари кўрсатиш ишлари бажарилишини ташкил этади;

қишлоқ хўжалиги экинларининг ўта хавфли зараркунандаларини кириб ташлашнинг илмий асосланган тадбирлари ўтказилишини ташкил этади;


ўсимликларни химоя қилиш соҳасида раҳбарлар ва мутахассисларни қайта тайёрлаш ва уларнинг малакасини оширишни ташкил этади».

3. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 4 июнь,
257-сон

Ўзбекистон Республикаси Қишлоқ ва сув хўжалиги вазирлигининг ташкилий тузилмаси



ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

263 Ўзбекистон Республикаси Ҳукуматининг айрим қарорларига ўзгартиришлар киритиш тўғрисида

[Кўчирма]

Ўзбекистон Республикаси Вазирлар Маҳкамаси **қарор қилади:**

1. Ўзбекистон Республикаси Ҳукуматининг айрим қарорларига иловага мувофиқ ўзгартиришлар киритилсин.

Ўзбекистон Республикасининг Бош вазири Ш. МИРЗИЁЕВ

Тошкент ш.,
2004 йил 7 июнь,
262-сон

Вазирлар Маҳкамасининг
2004 йил 7 июндаги 262-сон қарорига
ИЛОВА

Ўзбекистон Республикаси Ҳукуматининг айрим қарорларига киритилаётган ўзгартиришлар

1. Вазирлар Маҳкамасининг «Ўзбекистон Республикаси телекоммуникация тармоғини ривожлантириш (II босқич) учун Япония хорижий иқтисодий ҳамкорлик жамғармасининг имтиёзли кредитига хизмат кўрсатиш чора-тадбирлари тўғрисида» 1999 йил 6 июлдаги 331-сон қарорининг 7-банди қуйидаги таҳрирда баён қилинсин:

«7. Белгилансинки, Япония хорижий иқтисодий ҳамкорлик жамғармаси имтиёзли кредитига хизмат кўрсатиш ва уни узиш ҳамда ундан фойдаланганлик учун фоизлар билан боғлиқ 1-иловага мувофиқ сарф-харажатлар, шунингдек Кредит битими бўйича бериладиган қарз ҳажмидан ошадиган ҳар қандай молиявий харажатлар:

«Ўзбектелеком» акциядорлик компаниясининг телекоммуникациялар корхоналари томонидан уларнинг ўз маблағлари ҳисобига;

Радиоалоқа, радиоэшиттириш ва телевидение маркази томонидан ўз маблағлари ҳисобига, шу жумладан «Ўзтелерадио» компаниясига ажратиладиган мақсадли бюджет маблағлари ҳисобига, кўрсатиб ўтилган харажатлар «Ўзтелерадио» компанияси учун алоқа хизматлари тарифларига киритилмасдан амалга оширилади».

2. Вазирлар Маҳкамасининг «Тошкент телеминорасининг узатувчи радиотелевизион комплексини замонавийлаштириш ва ривожлантириш» лойиҳасини амалга ошириш чора-тадбирлари тўғрисида» 2001 йил 6 ноябрдаги 440-сон қарорининг 3-банди қуйидаги таҳрирда баён қилинсин:

«3. Белгилансинки, асосий қарзни, фоизларни, воситачилик ҳақини ва жалб этилаётган кредитга хизмат кўрсатиш билан боғлиқ бошқа харажатларни қайтариш иловага мувофиқ Радиоалоқа, радиоэшиттириш ва телевидение маркази томонидан унинг ўз маблағлари ҳисобига, шу жумладан «Ўзтелерадио» компаниясига ажратиладиган мақсадли бюджет маблағлари ҳисобига, кўрсатиб ўтилган харажатлар «Ўзтелерадио» компанияси учун алоқа хизматлари тарифларига киритилмасдан, амалга оширилади».

Ўзбекистон Республикаси Қонун ҳужжатлари тўплами, 2004 й.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

264 Бюджетдан ташқари Мактаб таълими жамғармасини ташкил этиш чора-тадбирлари тўғрисида

Маблағлар жамланишини таъминлаш, мактабларни тиклаш, уларни замонавий ўқув-лаборатория асбоб-ускуналари, компьютер техникаси, мактаб парталари ва мебеллар билан жиҳозлаш ишларини ўз вақтида молиялаштириш мақсадида Ўзбекистон Республикаси Президентининг «2004—2009 йилларда Мактаб таълимини ривожлантириш Давлат умуммиллий дастури тўғрисида» 2004 йил 21 майдаги ПФ-3431-сон Фармони билан бюджетдан ташқари Мактаб таълими жамғармаси ташкил этилганлиги маълумот учун қабул қилинсин.

Вазирлар Маҳкамаси **қарор қилади:**

1. Қуйидагилар бюджетдан ташқари Мактаб таълими жамғармасининг асосий вазибалари этиб белгилансин:

бюджет маблағларини ҳамда юридик ва жисмоний шахсларнинг ҳомийлик маблағларини, хорижий кредитлар ва грантларни уларни кейинчалик улардан 2004—2009 йилларда Мактаб таълимини ривожлантириш Давлат умуммиллий дастурини рўёбга чиқаришда мақсадли фойдаланиш учун жамлаш;

Мактаб таълимини ривожлантириш дастурида назарда тутилган бузиб ташланадиган мактаблар ўрнига янги мактаблар қуриш, мактабларни мукамал реконструкция қилиш, мукамал ва жорий таъмирлаш, уларни ўқув-лаборатория асбоб-ускуналари, компьютер техникаси, мактаб парталари ва мебеллар, спорт анжомлари билан жиҳозлаш ҳажмларини молиялаштириш;

Жамғарма маблағларидан Мактаб таълимини ривожлантириш дастурини амалга ошириш учун қатъий мақсадли фойдаланилиши устидан мониторинг олиб борилишини таъминлаш.

2. Қуйидагилар:

бюджетдан ташқари Мактаб таълими жамғармасини бошқариш кенгаши таркиби 1-иловага* мувофиқ;

Ўзбекистон Республикаси Молия вазирлиги марказий аппарати ходимлари сонини кўшимча кўпайтириш ҳисобига, бюджетдан ташқари Мактаб таълими жамғармаси Ижро этувчи дирекциясининг бошқарув ходимлари чекланган сони 10 нафар бўлган тузилмаси 2-иловага мувофиқ;

Бюджетдан ташқари Мактаб таълими жамғармаси маблағларини шакллантириш ва улардан фойдаланиш тартиби тўғрисидаги низом 3-иловага мувофиқ тасдиқлансин.

3. Белгилансинки, қуйидагилар Жамғарма маблағларини шакллантиришнинг асосий манбалари ҳисобланади:

давлат бюджетида алоҳида сатрда назарда тутилган бюджет маблағлари;

маҳаллий бюджетларнинг солиқлар ва йиғимлар бўйича прогноздан ортиқча тушумларни жалб этишдан олинган маблағлари;

ҳалқаро молия ташкилотлари ва институтларининг грантлари ва кредитлари;

Ўзбекистон Республикасининг ҳам резидентлари, ҳам норезидентлари бўлган юридик ва жисмоний шахсларнинг ҳомийлик ёрдами;

Жамғарманинг вақтинча бўш маблағларини жойлаштиришдан олинадиган даромадлар;

* 1-илова берилмайди.

қонун ҳужжатларида тақиқланмаган бошқа тушумлар.

Белгилаб қўйилсинки:

Жамғарма маблағлари Жамғарманинг бюджетдан ташқари махсус ҳисоб рақамида жамланади ҳамда ҳудудий молия органларининг бюджетдан ташқари махсус ҳисоб рақамлари бўйича тақсимланади;

Жамғарманинг вақтинча бўш маблағларини жойлаштиришдан фоишлар сифатида олинадиган даромадларга даромад (фойда) солиғи солинмайди.

4. Жамғармани бошқариш кенгаши:

хорижий инвестициялар, грантлар ва ҳомийлик маблағларини жалб этишда Жамғармага кўмаклашсин;

Жамғарма олдига қўйилган вазифаларни ҳал этишга манфаатдор давлат ташкилотларини, нодавлат ташкилотларни ва жамоат ташкилотларини жалб этсин;

Жамғарма даромадлари ва харажатларининг прогноз параметрларини тасдиқласин;

Ижро этувчи дирекция фаолияти, айниқса даромадлар манбаларини шакллантириш, ўз вақтида молиялаштириш ва Жамғарма маблағларидан мақсадли фойдаланишга доир фаолияти устидан назоратни амалга оширсин.

5. Қўйидагилар Жамғарма Ижро этувчи дирекциясининг асосий вазифалари ҳисоблансин:

Жамғарма даромадлари ва харажатлари прогнозини ва унинг бажарилиши тўғрисида ҳисобот тайёрлаш;

молия органлари, халқ таълими органларининг, шунингдек бошқа ташкилотларнинг Мактаб таълимини ривожлантириш дастурини амалга оширишга йўналтирилган биргаликдаги фаолиятини мувофиқлаштириш;

Дастурда ҳар йили асосий бўлимлар (бузиб ташланадиган мактаблар ўрнига янгиларини қуриш, мактабларни мукамал реконструкция қилиш, мукамал ва жорий таъмирлаш, уларни ўқув-лаборатория асбоб-ускуналари, компьютер техникаси, мактаб парталари ва мебеллар, спорт анжомлари билан жиҳозлаш) бўйича назарда тутилган тадбирларга Жамғарма маблағларидан фойдаланиш йўналишларини даромадлар манбалари билан боғлиқ ҳолда белгилаш;

Жамғарма маблағларидан қатъий мақсадли (йўналишлар бўйича) ва самарали фойдаланилишини таъминлаш.

Жамғарманинг Ижро этувчи дирекциясига раҳбарлик қилиш Ўзбекистон Республикаси Молия вазирининг ижтимоий масалаларга мутасадди ўринбосари зиммасига юклансин.

6. Қўйидагилар:

Ўзбекистон Республикаси Молия вазирлигининг Ижтимоий соҳани молиялаштириш бош бошқармаси тузилмасида ходимлар сони 4 нафар бўлган Мактаб таълими, Мактаб таълимини ривожлантириш дастурининг амалга оширилиши мониторинги ва назорати бўлими ташкил этилсин, Молия вазирлиги марказий аппарати ходимларининг тасдиқланган сони тегишли равишда кўпайтирилсин;

Қорақалпоғистон Республикаси Молия вазирлиги, вилоятлар ва Тошкент шаҳар молия бошқармалари тузилмасида ходимларининг белгиланган сони доирасида Мактаб таълими шўъбалари ташкил этилсин.

7. Умумтаълим мактаблари томонидан Вазирлар Маҳкамасининг «Бюджет ташкилотларини маблағ билан таъминлаш тартибини такомиллаштириш тўғрисида» 1999 йил 3 сентябрдаги 414-сон қарорига (Ўзбекистон Республикаси ҚТ, 1999 й., 9-сон, 51-модда) мувофиқ ташкил этилган бюджет ташкилотларини ривожлантириш

жамғармалари маблағларидан Мактаб таълимини ривожлантириш дастурини амалга ошириш учун фойдаланишга рухсат этилсин.

Умумтаълим мактаблари учун Вазирлар Маҳкамасининг 1999 йил 3 сентябрдаги 414-сон қарорининг 4-бандида назарда тутилган солиқ имтиёзларининг амал қилиш муддати 2010 йил 1 январгача узайтирилсин.

Умумтаълим мактабларининг бюджетдан ташқари даромадлари давлат мақсадли жамғармаларига — бюджетдан ташқари Пенсия жамғармаси ва Республика йўл жамғармасига мажбурий тўловлардан 2010 йил 1 январгача озод қилинсин.

8. Ўзбекистон Республикаси Иқтисодиёт вазирлиги ҳамда Молия вазирлиги 2005 йилдан бошлаб Инвестиция дастурида Мактаб таълимини ривожлантириш дастурида назарда тутилган ҳажмларда умумтаълим мактабларини қуриш ва мукамал реконструкция қилиш учун Жамғарма маблағлари ҳисобига марказлаштирилган ресурсларни назарда тутсинлар.

9. Ўзбекистон Республикаси Молия вазирлиги 2005 йилдан бошлаб ва кейинги йилларда Давлат бюджети параметрларида Мактаб таълимини ривожлантириш дастурига мувофиқ тадбирларни бажаришга зарур маблағларни, ушбу мақсадлар учун жалб қилинаётган хорижий инвестициялар, грантлар ва ҳомийлик маблағларини ҳисобга олган ҳолда, алоҳида сатрда назарда тутсин.

10. Вазирликлар, идоралар, корпорациялар, компаниялар, уюшмалар ва бошқа ҳўжалик бирлашмалари, Қорақалпоғистон Республикаси Вазирлар Кенгаши, вилоятлар, шаҳарлар ва туманлар ҳокимликлари Жамғарма ресурсларини шакллантиришда кенг кўламда кўмак ва ҳар томонлама ёрдам берсинлар.

Ҳомийларнинг Дастурни рўёбга чиқаришдаги иштироки Ўзбекистон Республикаси Халқ таълими вазирлиги ва Молия вазирлиги томонидан белгиланадиган тартибга мувофиқ ҳам пул шаклида, ҳам товарлар, ишлар ва хизматлар тарзида амалга оширилиши мумкинлиги маълумот учун қабул қилинсин.

11. Ўзбекистон матбуот ва ахборот агентлигига, Ўзбекистон Телерадиокомпаниясига, Ўзбекистон Миллий ахборот агентлигига, бошқа оммавий ахборот воситаларига Жамғарма фаолиятини кенг ёритиш, мамлакатимизда умумтаълим мактабларининг моддий базасини ривожлантиришдаги ижобий иш тажрибасини тарғиб қилиш, шунингдек Жамғарманинг фаол ҳомийларининг ахборот жиҳатидан қўллаб-қувватланишини, шу жумладан реклама қилинишини таъминлаш тавсия этилсин.

12. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 7 июнь,
263-сон

Вазирлар Маҳкамасининг
2004 йил 7 июндаги 263-сон қарорига
2-ИЛОВА

**Бюджетдан ташқари Мактаб таълими жамғармаси Ижро этувчи
дирекциясининг тузилмаси**



Бошқарув ходимларининг чекланган сони — 10 киши.

Вазирлар Маҳкамасининг
2004 йил 7 июндаги 263-сон қарорига
3-ИЛОВА

**Бюджетдан ташқари Мактаб таълими жамғармаси маблағларини
шакллантириш ва улардан фойдаланиш тартиби тўғрисида
НИЗОМ**

I. Умумий қоидалар

1. Мазкур Низом бюджетдан ташқари Мактаб таълими жамғармаси (кейинги ўринларда Жамғарма деб аталади) фаолиятининг мақсади ва асосий вазифаларини, Жамғармани бошқариш тартибини, унинг маблағларини шакллантириш манбаларини ва улардан фойдаланиш йўналишларини белгилайди.

2. Жамғарма Ўзбекистон Республикаси Президентининг 2004 йил 21 майдаги ПФ-3431-сон Фармониға мувофиқ 2004—2009 йилларда Мактаб таълимини ривожлантириш Давлат умуммиллий дастурини (кейинги ўринларда Дастур деб аталади) амалга ошириш мақсадида ташкил этилган.

Жамғарма маблағларни Жамғарманинг ҳамда Қорақалпоғистон Республикаси, вилоятлар ва Тошкент шаҳар, туманлар ва шаҳарлар молия органларининг бюджетдан ташқари махсус ҳисоб рақамларида жамлаш учун ташкил этилади.

3. Мулкчилик шаклларида қатъи назар, юридик шахслар, шу жумладан корхоналар, ташкилотлар, муассасалар, жамоат жамғармалари, вазирликлар, идоралар, хорижий молия ташкилотлари, шунингдек жисмоний шахслар Жамғарма маблағларини шакллантиришда ихтиёрийлик асосида қатнашишлари мумкин.

II. Жамғарманинг мақсади ва асосий вазифалари

4. Мактаб таълимини ривожлантириш дастурини амалга ошириш, шунингдек умумтаълим мактабларига уларнинг моддий-техника базасини мустаҳкамлаш бўйича маблағлар жалб этиш юзасидан қўшимча имкониятлар бериш учун молиявий ва моддий ресурсларни, Давлат бюджети, маҳаллий ўзини ўзи бошқариш органлари, юридик ва жисмоний шахслар, халқаро ташкилотлар ва институтлар маблағларини жамлаш Жамғармани ташкил этишнинг мақсади ҳисобланади.

5. Қуйидагилар Жамғарманинг асосий вазифалари ҳисобланади:

бюджет маблағларини ҳамда юридик ва жисмоний шахсларнинг ҳомийлик маблағларини, хорижий кредитлар ва грантларни уларни кейинчалик улардан 2004—2009 йилларда Мактаб таълимини ривожлантириш Давлат умуммиллий дастурини рўёбга чиқаришга мақсадли фойдаланиш учун жамлаш;

Мактаб таълимини ривожлантириш дастурида назарда тутилган бузилган мактаблар ўрнига янги мактаблар қуриш, мактабларни мукамал реконструкция қилиш, мукамал ва жорий таъмирлаш, уларни ўқув-лаборатория асбоб-ускуналари, компьютер техникаси, мактаб парталари ва мебеллар, спорт анжомлари билан жиҳозлаш ҳажмларини молиялаштириш;

Жамғарма маблағларидан Мактаб таълимини ривожлантириш дастурини амалга ошириш учун қатъий мақсадли фойдаланилиши устидан мониторинг олиб борилишини таъминлаш;

Халқ таълими вазирлиги ҳамда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан биргаликда мактабларнинг моддий-техника базаси ҳолатини мунтазам асосда доимий ўрганишни ҳамда унинг мониторингини ташкил этиш;

Жамғарма маблағлари тушиши ва сарфланишининг ҳар йиллик ва чораклик балансларини шакллантириш.

6. Қуйидагилар Жамғарманинг асосий функциялари ҳисобланади:

Дастурда назарда тутилган бузилган мактаблар ўрнига янги мактаблар қуриш, мактабларни мукамал реконструкция қилиш, мукамал ва жорий таъмирлаш, уларни ўқув-лаборатория асбоб-ускуналари, компьютер техникаси, мактаб парталари ва мебеллар, спорт анжомлари билан жиҳозлаш ҳажмларини молиялаштириш;

манбалар бўйича даромадларнинг ягона ҳисобини ҳамда Жамғарма маблағларидан йўналишлар бўйича фойдаланиш ҳисоботини таъминлаш;

Жамғарма маблағларидан мақсадли фойдаланилишини молиявий назорат қилиш.

III. Жамғармани бошқариш

7. Жамғармани бошқариш кенгаши Жамғармани бошқаришнинг юқори органи ҳисобланади, унинг таркиби Ўзбекистон Республикаси Вазирлар Маҳкамаси томо-

нидан тасдиқланади. Бошқарув кенгаши мажлислари заруриятга кўра, бироқ ҳар чоракда камида бир марта ўтказилади. Кенгаш қарорлари оддий кўпчилик овоз билан қабул қилинади, овозлар тенг бўлиб қолганда эса — бошқарув кенгаши раисининг овози ҳал қилувчи ҳисобланади.

8. Қўйидагилар Жамғарма бошқарув кенгашининг асосий вазифалари ҳисобланади:

умумтаълим мактабларини ривожлантиришга тизимли ёндошувни таъминлайдиган Мактаб таълимини ривожлантириш дастурини амалга оширишда давлат, нодавлат, жамоат ташкилотлари ва хорижий институтлар фаолиятини мувофиқлаштириш;

Жамғарманинг даромадлари (манбалар бўйича) ва харажатлари (йўналишлар бўйича) йиллик прогнозларини кўриб чиқиш ва тасдиқлаш;

барча манбалар ҳисобига Жамғарма даромадларини шакллантиришда Мактаб таълимини ривожлантириш дастурини амалга оширишга кўмаклашиш;

Жамғарма, Ижро этувчи дирекция фаолиятини ва унинг маблағларидан мақсадли фойдаланилишини назорат қилиш.

9. Жамғармани жорий бошқариш Жамғарманинг Ижро этувчи дирекцияси томонидан амалга оширилади.

Қўйидагилар Ижро этувчи дирекциянинг асосий функциялари ҳисобланади:

Ўзбекистон Республикаси Халқ таълими вазирлиги ва Иқтисодиёт вазирлиги билан биргаликда Жамғарма маблағларидан уларни ҳар қайси йил бўйича тақсимлаган ҳолда бузилган мактаблар ўрнига янги мактаблар қуриш, мактабларни мукамал реконструкция қилиш, мукамал ва жорий таъмирлаш, уларни ўқув-лаборатория асбоб-ускуналари, компьютер техникаси, мактаб парталари ва мебеллар, спорт анжомлари билан жиҳозлаш учун Мактаб таълимини ривожлантириш дастурига мувофиқ даромадлар манбалари ва ҳудудлар бўйича фойдаланишнинг асосий йўналишларини белгилаш;

Жамғарма даромадлари ва харажатлари прогнози лойиҳасини ҳамда уларнинг бажарилиши тўғрисидаги ҳисоботни тайёрлаш;

Жамғарма даромадлари ва харажатларининг минтақалар бўйича тақсимланишини тартибга солиш;

Жамғарма маблағларидан фойдаланилишини таҳлил қилиш ва умумлаштириш, Жамғарма маблағларининг мақсадли сарфланишини назорат қилиш, шунингдек молия органлари, халқ таълими органлари, шунингдек бошқа вазирликлар ва идораларнинг Дастурни амалга оширишга йўналтирилган биргаликдаги фаолиятини мувофиқлаштириш.

IV. Жамғарма маблағларини шакллантириш манбалари ва жамлаш тартиби

10. Жамғарма маблағлари қўйидаги манбалар ҳисобига шакллантирилади:

Давлат бюджетда алоҳида сатрда назарда тутилган бюджет маблағлари (шумладан Давлат бюджетини ишлаб чиқишда ҳар йили назарда тутилган ставкалар бўйича махсус солиқ тарзидаги тушумлар);

маҳаллий бюджетларнинг солиқлар ва йиғимлар бўйича прогноздан ортикча тушумларни жалб қилишдан олинган маблағлари;

халқаро ташкилотлар ва молия институтларининг грантлари ва кредитлари;

Ўзбекистон Республикасининг ҳам резидентлари, ҳам норезидентлари бўлган юридик ва жисмоний шахсларнинг ҳомийлик ёрдами;

Жамғарманинг вақтинча бўш маблағларини жойлаштиришдан олинадиган даромадлар;

конун ҳужжатларида тақиқланмаган бошқа тушумлар.

11. Жамғарма маблағлари Ўзбекистон Республикаси Молия вазирлиги ва унинг рухсати бўйича маҳаллий молия органлари томонидан очиладиган «Мактаб таълими жамғармаси маблағлари» махсус ҳисоб рақамларида жамланади.

12. Ўзбекистон Республикаси Молия вазирлиги ва маҳаллий молия органлари Ижро этувчи дирекция томонидан берилган ваколатлар доирасида Жамғарма ҳисоб рақамларини бошқаришни амалга оширадилар.

V. Жамғарма даромадлари ва харажатлари прогнозини тайёрлаш, кўриб чиқиш ва тасдиқлаш

13. Жамғарма даромадлари ва харажатлари прогнозини тайёрлаш, кўриб чиқиш ва тасдиқлаш «Бюджет тизими тўғрисида» Ўзбекистон Республикаси Қонунига ва ушбу Низомга мувофиқ Ўзбекистон Республикаси Давлат бюджетини тайёрлаш билан боғлиқ ҳолда амалга оширилади.

14. Ижро этувчи дирекция ҳар йили навбатдаги йил учун:

Давлат солиқ қўмитаси билан биргаликда Жамғармага ҳар йили Давлат бюджетини ишлаб чиқишда назарда тутиладиган ставкалар бўйича солиқ тарзидаги тушумлар, шунингдек бошқа бюджет манбалари прогнозини амалга оширади;

Ўзбекистон Республикаси Иқтисодиёт вазирлиги ва Халқ таълими вазирлиги билан биргаликда бюджетдан ташқари манбалардан, шу жумладан халқаро ташкилотлар ва молия институтларининг грантлари ва кредитларини, Ўзбекистон Республикасининг ҳам резидентлари, ҳам норезидентлари бўлган юридик ва жисмоний шахсларнинг беғараз ёрдамини жалб этишдан тушумлар прогнозларини тайёрлайди.

15. Ижро этувчи дирекция Жамғарманинг бюджет ва бюджетдан ташқари даромадлари прогнози асосида 1 июнгача Ўзбекистон Республикаси Иқтисодиёт вазирлигига ва Халқ таълими вазирлигига Жамғарма харажатлари лимитларини кейинги йил учун бюджет ва бюджетдан ташқари манбаларга тақсимлаган ҳолда етказди.

16. Ўзбекистон Республикаси Халқ таълими вазирлиги Молия вазирлиги ва Иқтисодиёт вазирлиги билан биргаликда 1 июлгача Ижро этувчи дирекцияга Қорақалпоғистон Республикаси, вилоятлар ва Тошкент шаҳри бўйича харажатларнинг барча асосий йўналишлари бўйича кейинги йил учун Жамғарма харажатлари прогнозини тақдим этади.

17. Жамғарманинг кейинги йил учун даромадлари ва харажатлари прогнозлари Ижро этувчи дирекция томонидан Жамғармани бошқариш кенгашига кўриб чиқиш ва тасдиқлаш учун киритилади.

Жамғарма даромадлари ва харажатларининг йиллик прогнозлари Ўзбекистон Республикаси Давлат бюджети параметрлари тасдиқланган вақтдан бошлаб 5 кундан ошмайдиган муддатда Жамғармани бошқариш кенгаши томонидан тасдиқланади.

Жамғарма даромадлари ва харажатларининг йиллик параметрлари тасдиқлангандан кейин Ижро этувчи дирекция 5 кун мобайнида харажатларнинг йил чораги бўйича тақсимотини Жамғарма маблағларини олувчиларга (Халқ таълими вазирлигининг ҳудудий бўлинмаларига ва жойлардаги ягона буюртмачи хизматига) етказди.

18. Жамғарма даромадлари ва харажатларининг йиллик прогнозлари Жамғармани бошқариш кенгаши томонидан тасдиқлангандан кейин 30 кун мобайнида Халқ таълими вазирлигининг ҳудудий бўлинмалари бюджет ва бюджетдан ташқари маблағларга бўлган ҳолда харажатлар сметасини (қурилиш ва мукамал реконс-

трукция қилиш харажатларидан ташқари) ишлаб чиқадилар ҳамда Ўзбекистон Республикаси Молия вазирлигига ва жойлардаги тегишли молия органларига рўйхатдан ўтказиш учун киритадилар.

19. Агар маблағлар ҳомийлар ёки грант берувчи томонидан Жамғармага улардан фойланишнинг жамғарма мақсади ва вазифаларига зид бўлмаган мақсадлари ва шартлари кўрсатилган ҳолда тақдим этилса, у ҳолда ушбу маблағлардан ҳомийлар ёки грант берувчилар кўрсатмаларига мувофиқ фойдаланилиши керак.

20. Ижро этувчи дирекция Жамғарманинг бўш маблағларини:

давлат қисқа муддатли пул мажбуриятларига;

тижорат банкларидаги депозитларга жойлаштиришга ҳақлидир.

Бундай жойлаштириш натижасида олинган даромадлар Жамғарманинг тегишли ҳисоб рақамларига ўтказилади.

VI. Жамғарма маблағларини сарфлаш тартиби

21. Жамғарма маблағлари қуйидаги йўналишлар бўйича сарфланади:

а) Ўзбекистон Республикаси Молия вазирлигидаги Жамғарманинг махсус ҳисоб рақамларидан Мактаб таълимини ривожлантириш дастурини амалга ошириш бўйича ҳар йили тасдиқланадиган харажатлар прогнозидан келиб чиқиб қуйи бюджетларга мақсадли субвенцияларга;

б) Қорақалпоғистон Республикаси, вилоятлар, Тошкент шаҳридаги Жамғарманинг махсус ҳисоб рақамларидан:

намунавий лойиҳалардан фойдаланилган ҳолда лойиҳа-смета ҳужжатлари мавжуд бўлган тақдирда фақат тасдиқланган манзилли рўйхатларга мувофиқ бузиб ташланадиган мактаблар ўрнига янги мактаблар қуришни, мактабларни мукамал реконструкция қилиш, мукамал таъмирлашни молиялаштиришга;

мактабларни замонавий ўқув-лаборатория асбоб-ускуналари ва компьютер техникаси билан жиҳозлашга;

парталар ва мактаб мебеллари сотиб олишга;

мактабларни спорт анжомлари билан жиҳозлашга;

қуйи бюджетларга мақсадли субвенцияларга;

в) туманлар ва шаҳарлардаги Жамғарманинг махсус ҳисоб рақамларидан умумтаълим мактабларини жорий таъмирлашга сарфланади.

22. Умумтаълим мактабларига Вазирлар Маҳкамасининг «Бюджет ташкилотларини маблағ билан таъминлаш тартибини такомиллаштириш тўғрисида» 1999 йил 3 сентябрдаги 414-сон қарорига мувофиқ ташкил этилган бюджет ташкилотларини ривожлантириш жамғармалари маблағларидан Дастурни амалга оширишда фойдаланишга рухсат берилади.

23. Жамғарма маблағларидан:

Қорақалпоғистон Республикаси Халқ таълими вазирлиги, вилоятлар ва Тошкент шаҳар халқ таълими бошқармалари томонидан — Қорақалпоғистон Республикаси Молия вазирлиги, вилоятлар ва Тошкент шаҳар молия бошқармалари томонидан рўйхатдан ўтказилган харажатлар сметаси асосида;

туманлар ва шаҳарлар халқ таълими бўлимлари томонидан — туманлар ва шаҳарлар молия бўлимлари томонидан рўйхатдан ўтказилган харажатлар сметаси асосида;

Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг ягона буюртмачи хизматлари томонидан танлов савдолари (тендерлар) асосида ва Ўзбекистон Республикаси Иқтисодиёт вазирлиги, Молия вазир-

лиги, Халқ таълими вазирлиги ҳамда Давлат архитектура ва қурилиш қўмитаси томонидан ишлаб чиқилган бюджетдан ташқари Мактаб таълими жамғармаси маблағлари ҳисобига амалга ошириладиган мактаблар қуриш, уларни мукаммал реконструкция қилиш ва мукаммал таъмирлашни ташкил этиш тартибига мувофиқ бузиб ташланадиган мактаблар ўрнига янги мактаблар қуриш, уларни мукаммал реконструкция қилиш ва мукаммал таъмирлашни молиялаштириш учун фойдаланилади.

24. Маблағларни тасдиқланмаган сметасиз, шунингдек Жамғарма харажатлари прогнозида назарда тутилмаган тадбирларга ёки ҳам умуман сметалар бўйича, ҳам харажатларнинг алоҳида турлари бўйича сметаларда белгиланганидан ортиқча сарфлаш тақиқланади.

25. Жамғарма ҳисоб рақамларидан маблағларни мазкур Низомда назарда тутилмаган мақсадлар учун ўтказиш ва вақтинча олиб қўйиш тақиқланади.

VII. Мактаблар қурилишини, уларни мукаммал реконструкция қилиш ва мукаммал таъмирлашни молиялаштириш тартиби

26. Бузиб ташланадиган мактаблар ўрнига янги мактаблар қуриш ва мукаммал реконструкция қилишни молиялаштириш ушбу мақсадлар учун назарда тутилган Жамғарманинг махсус ҳисоб рақамларидан маблағларни Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг ягона буюртмачи хизматларига ажратиш йўли билан жойлардаги молия органлари томонидан амалга оширилади.

27. Мактабларни мукаммал таъмирлаш Жамғарманинг махсус ҳисоб рақамларидан тегишли халқ таълими бошқармаларига маблағ ажратиш воситасида молиялаштирилади, маблағлар кейинчалик Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликларининг ягона буюртмачи хизматларига йўналтирилади.

28. Бузиб ташланадиган мактаблар ўрнига янги мактаблар қуриш ва уларни мукаммал реконструкция қилиш ва мукаммал таъмирлашни молиялаштириш буюртмачи томонидан белгиланган тартибда тасдиқланган манзилли рўйхатлар асосида қатъий равишда капитал қўйилмалар лимитлари ва бюджетдан ажратиладиган маблағлар доирасида ва тузилган шартномаларга мувофиқ объектма-объект амалга оширилади, тузилган шартномаларда қуйидагилар ҳисобга олинади:

мактаблар қуриш, уларни мукаммал реконструкция қилиш ва мукаммал таъмирлашнинг биринчи оғи мобайнида жорий йил учун ишлар қийматининг 15 фоизи миқдорида аванс тўлови ажратиш;

жорий молиялаштиришни ҳар ойда ажратилган авансни мутаносиб тарзда ушлаб қолиш ҳисобга олинган ҳолда бажарилган ишлар қийматининг 95 фоизи миқдорида амалга ошириш.

29. Қолган 5 фоизни пудратчига тўлаш шартномада қайд этилган кафолат муддати тамом бўлгандан кейин амалга оширилади.

VIII. Жамғарма маблағларини ҳисобга олиш, улар бўйича ҳисоботлар ва улардан фойдаланилишини назорат қилиш

30. Ижро этувчи дирекция Жамғарма фаолияти бўйича бухгалтерия ҳисоби юритилиши ва ҳисоботлар тузилиши учун жавоб беради.

31. Мактаб таълимини ривожлантириш дастурига киритилган умумтаълим мак-

таблари мазкур Дастурни амалга ошириш доирасида олинган пул маблағлари, товарлар, бажарилган ишлар ҳамда тегишли туман (шаҳар) халқ таълими бўлимларига кўрсатилган хизматлар тўғрисида умумлаштириш ҳамда кейинчалик туман (шаҳар) молия бўлимларига тақдим этиш учун ҳисобот ойдан кейинги ойнинг 5-кунидан кечикмай ҳисобот тақдим этадилар.

32. Туман (шаҳар) молия бўлимлари ҳамда Қорақалпоғистон Республикаси Халқ таълими вазирлиги, вилоятлар ва Тошкент шаҳар халқ таълими бошқармалари Жамғарма маблағларидан фойдаланилиши тўғрисида Қорақалпоғистон Республикаси Молия вазирлигига, вилоятлар ва Тошкент шаҳар молия бошқармаларига ҳисобот ойдан кейинги ойнинг 8-кунидан кечикмай Ўзбекистон Республикаси Молия вазирлиги томонидан ишлаб чиқилган шакл бўйича ҳисоботлар тақдим этадилар.

33. Жойлардаги ягона буюртмачи хизматлари томонидан ҳар ойда ҳисобот давридан кейинги ойнинг 8-кунидан кечикмай, бузиб ташланадиган мактаблар ўрнига янги мактаблар қуришга ва мукамал реконструкция қилишга ажратилган Жамғарма маблағларидан фойдаланиш бўйича — Қорақалпоғистон Республикаси Молия вазирлигига, вилоятлар ва Тошкент шаҳар молия бошқармаларига, мукамал таъмирлаш бўйича эса — халқ таълими ҳудудий бошқармаларига ҳисоботлар тақдим этилади.

34. Қорақалпоғистон Республикаси Молия вазирлиги, вилоятлар ва Тошкент шаҳар молия бошқармалари амалга оширилган харажатлар факти бўйича ҳар ойда ҳисобот ойдан кейинги ойнинг 10-кунидан кечикмай Ўзбекистон Республикаси Молия вазирлиги Ижтимоий соҳани молиялаштириш бош бошқармасининг мактаб таълими, мониторинг ва назорат бўлимига Ўзбекистон Республикаси Молия вазирлиги томонидан ишлаб чиқилган шакл бўйича ҳисобот тақдим этадилар.

35. Жамғарма томонидан молиялаштириладиган тадбирларни бажариши назарда тутилган вазирликлар ва идоралар ҳар чорақда, ҳисобот чорагидан кейинги ойнинг 10-кунидан кечикмай Ўзбекистон Республикаси Молия вазирлигининг мактаб таълими, мониторинг ва назорат бўлимига Ўзбекистон Республикаси Молия вазирлиги томонидан ишлаб чиқилган шакл бўйича ҳисобот тақдим этадилар.

36. Жамғарма ҳисоб рақамига маблағларнинг тўлиқ тушиши устидан назорат Жамғарманинг Ижро этувчи дирекцияси томонидан амалга оширилади.

37. Ҳар йили Давлат бюджетини ва бюджетдан ажратилган мақсадли маблағларни сарфлашни ишлаб чиқишда назарда тутиладиган ставкалар бўйича махсус солиқдан тушадиган маблағлар ҳисоби умумий белгиланган тартибда амалга оширилади.

38. Жамғарма маблағларидан мақсадли фойдаланилиши устидан молиявий назорат Молия вазирлигининг Ижтимоий соҳани молиялаштириш бош бошқармасининг мактаб таълими, мониторинг ва назорат бўлими ва Назорат-тафтиш бош бошқармаси ҳамда унинг ҳудудий бўлинмалари томонидан амалга оширилади.

39. Жамғарма маблағларидан тасдиқланган харажатлар сметаларига қатъий мувофиқ равишда мақсадли ва самарали фойдаланилиши учун жавобгарлик тасдиқланган сметаларга мувофиқ жойлардаги ягона буюртмачининг тегишли хизматлари ва маблағларни олувчи халқ таълими органлари раҳбарлари зиммасига юкланади.

IX. Жамғармани тугатиш

40. Жамғармани қайта ташкил этиш ва тугатиш Ўзбекистон Республикаси қонун ҳужжатларида белгиланган тартибда амалга оширилади.

41. Жамғарма тугатилган тақдирда унинг ҳисоб рақамларидаги маблағлар қолдиғи Ўзбекистон Республикасида таълимни давлат томонидан қўллаб-қувватлаш мақсадларига йўналтирилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

265 Соғлиқни сақлаш тизимида экспериментни тугаллаш ва ислоҳотларни чуқурлаштириш чора-тадбирлари тўғрисида

Вазирлар Маҳкамаси қайд этадики, Ўзбекистон Республикаси Президентининг «Соғлиқни сақлаш тизимини янада ислоҳ қилиш чора-тадбирлари тўғрисида» 2003 йил 26 февралдаги ПФ–3214-сон Фармониға мувофиқ республиканинг етакчи тиббиёт клиникалари негизида эксперимент тариқасида урология, жарроҳлик, кўз микрохирургияси ва кардиология бўйича тўртта Республика ихтисослаштирилган тиббиёт марказлари ташкил этилган, улар замонавий, юқори технологияли ташхис қўйиш ва даволаш тиббиёт анжомларидан фойдаланган ҳолда аҳолиға юқори малакали тиббий ёрдам кўрсатишға даъват этилган.

Аҳолиға пулли асосда юқори малакали тиббий ёрдам кўрсатиш тартиби ва тарифлари, беморларнинг имтиёзли тоифасини бепул даволаш, марказларнинг ўзини ўзи маблағ билан таъминлаш ва ўзини ўзи қоплаш принципларига босқичма-босқич ўтиши тартиби белгиланган.

Халқаро тажрибани ҳисобға олган ҳолда беморларға ташхис қўйиш сифати ва уларни даволаш стандартлари ишлаб чиқилган ва тасдиқланган, ташхис қўйиш ва аҳолиға юқори малакали ихтисослаштирилган тиббий ёрдам кўрсатишнинг замонавий усуллари жорий этилмоқда, кўрсатилаётган тиббий хизматлар сифати бирмунча ошди, тиббиёт ходимлари меҳнатига ҳақ тўлаш миқдори ўртача 1,4 барабар кўпайди.

Шу билан бирға, экспериментни амалға ошириш бўйича ишларнинг амалдаги аҳволи соғлиқни сақлаш тизимини ислоҳ қилишнинг қўйилган мақсадларига жавоб бермайди. Марказларни молиялаштиришнинг янги шарт-шароитларига тўла қўламда ўтиш ва аҳолиға юқори малакали тиббий хизматлар кўрсатиш таъминланмаган.

Экспериментнинг муҳим вазифаларидан бири — берилган имтиёзлар ва мижозларға пулли хизмат кўрсатишға ўтиш натижасида бўшаб қолган маблағларни жамлаш ва уларни, биринчи навбатда, клиникаларни энг замонавий тиббиёт анжомлари билан жиҳозлашға ҳамда врачлар ва тиббиёт ходимлари меҳнатини уларнинг беморларни даволашға қўшган шахсий ҳиссасига мувофиқ рағбатлантиришға йўналтириш ҳал этилмаяпти.

Марказлар фаолиятини тартибға солувчи амалдаги қоидалар қўпол равишда бузилмоқда. Амбулатория-поликлиника ёрдами кўрсатишнинг ордерли тизими жорий этилмаган, тиббий хизматлар кўрсатишға клиника билан беморлар ўртасида шартномаларнинг мажбурий тузилишиға доир талаблар бажарилмаяпти. Кўрсатилаётган тиббий хизматларға тарифларни тасдиқлаш масаласи ҳанузгача ишлаб чиқилмаган.

Аҳолиға ҳам пулли асосда кўрсатилган хизматлар, ҳам имтиёзли тоифаға кўрсатилган хизматлар бўйича ҳисобға олиш ва ҳисобот ишлари зарур даражада олиб борилмаяпти. Кўп ҳолларда бу борада субъектив ёндашувлар намоён бўлмоқда, бюджет квотаси миқдори ошириб юборилмоқда.

Натижада, Марказларнинг ўзини ўзи маблағ билан таъминлаш принципларига ўтишиға қарамай, худди илгаригидек бюджетдан ажратиладиган маблағлар ва солиқ имтиёзлари берилиши муносабати билан бўшаб қоладиган маблағлар молиялаштиришнинг асосий манбаи бўлиб қолмоқда.

Экспериментни тугаллаш ва аниқланган камчиликларни бартараф этиш, соғлиқ-

ни сақлашда тиббий хизматнинг сифатини яхшилашга, тиббиёт ходимларини рағбатлантириш ва улар меҳнатига ҳақ тўлашни ошириш учун тиббиёт марказларининг ўз даромадларини кўпайтиришга ҳамда Марказларнинг моддий-техника базасини ривожлантиришга йўналтирилган ислохотларни янада чуқурлаштириш мақсадида Вазирлар Маҳкамаси **қарор қилади:**

1. Соғлиқни сақлаш вазири Ф. Назировга, Молия вазири М. Нурмуродовга Ўзбекистон Республикаси Президентининг 2003 йил 26 февралдаги ПФ-3214-сон Фармонида қўйилган соғлиқни сақлаш тизимини ислоҳ қилишнинг иккинчи босқичи вазифаларини тўлиқ ҳажмда бажариш юзасидан улар томонидан зарур чора-тадбирлар кўрилмаганлиги ва эксперимент давомида Республика ихтисослаштирилган тиббиёт марказлари фаолиятини пухта мувофиқлаштириш таъминланмаганлиги кўрсатиб ўтилсин.

Республика ихтисослаштирилган тиббиёт марказлари раҳбарлари аниқланган камчиликларнинг бартараф этилиши ҳамда марказлар фаолиятини ташкил этиш, уларнинг ўзини ўзи молиялаштириш ва ўз харажатларини ўзи қоплашга ўтиши бўйича Ўзбекистон Республикаси Президентининг 2003 йил 26 февралдаги ПФ-3214-сон Фармони ва Ҳукумат қарорларида белгиланган вазифалар, қоидалар ва нормаларнинг сўзсиз бажарилиши учун шахсан жавобгар эканликлари тўғрисида қатъий огоҳлантирилсин.

Вазирлар Маҳкамасининг Ижтимоий комплекси (А.А. Азизхўжаев) соғлиқни сақлашни ислоҳ қилишнинг иккинчи босқичи амалга оширилиши юзасидан олиб борилаётган ишлар тўғрисида Марказларнинг раҳбарлари, Соғлиқни сақлаш вазирлиги ва Молия вазирлигининг ҳисоботларини йилнинг ҳар чорагида кўриб чиқсин ва натижалари тўғрисида Вазирлар Маҳкамасига ахборот берсин.

2. Белгилансинки, Республика ихтисослаштирилган тиббиёт марказлари:

республика аҳолисининг барча тоифаларига ташҳис қўйиш ва даволаш сифатининг тасдиқланган стандартларига мажбурий риоя қилган ҳолда белгиланган тарифларга мувофиқ пулли асосда тиббий ёрдамнинг барча турларини кўрсатадилар;

Ўзбекистон Республикаси Президентининг 2003 йил 26 февралдаги ПФ-3214-сон Фармонига 2-иловада белгиланган шахсларнинг фақат имтиёзли тоифасига республика соғлиқни сақлаш органлари томонидан белгиланган тартибда берилган ордерлар асосида мавжуд ўрин фондининг, унинг айланишининг ва поликлиникаларнинг беморларни қабул қилиш қувватининг 20 фоизигача миқдорда давлат бюджети маблағлари ҳисобига истисно тариқасида бепул, юқори малакали, ихтисослаштирилган тиббий ёрдам кўрсатадилар;

Ўзбекистон Республикаси норезидентларига фақат пулли асосда тиббий ёрдам кўрсатадилар;

пулли асосда ва давлат бюджети маблағлари ҳисобига кўрсатилган тиббий ёрдам учун даромадлар ва харажатлар бўйича алоҳида бухгалтерия ҳисоби ва ҳисоботни юритишга мажбурдирлар.

3. Республика ихтисослаштирилган тиббиёт марказларига ташҳис қўйиш ва даволаш сифатининг тасдиқланган стандартларига мувофиқ кўрсатиладиган пулли тиббий хизматларнинг барча турларига тарифларни мустақил равишда тасдиқлаш ҳуқуқи берилсин.

Ўзбекистон Республикаси Молия вазирлиги, Соғлиқни сақлаш вазирлиги, Монополиядан чиқариш ва рақобатни ривожлантириш давлат қўмитаси Республика ихтисослаштирилган тиббиёт марказлари билан биргаликда пулли асосда кўрсатиладиган тиббий хизматларга тарифларни шакллантиришнинг умумий қоидалари ва методикасини бир ҳафта муддатда ишлаб чиқсинлар ва тасдиқласинлар.

4. Молия вазирлиги, Соғлиқни сақлаш вазирлиги ҳамда Республика ихтисослаштирилган тиббиёт марказлари раҳбарларининг улар томонидан Марказларнинг ўзини ўзи маблағ билан таъминлаш ва ўз харажатларини ўзи қоплашга ўтишининг келишилган жадвали қабул қилинганлиги тўғрисидаги баёноти маълумот учун қабул қилинсин, унга кўра 2005 йилдан бошлаб Республика кўз микрохирургияси маркази, 2006 йилдан — Кардиология маркази, 2008 йилдан бошлаб эса — Урология маркази ва Академик В. Воҳидов номидаги жарроҳлик маркази ушбу принципга ўтади.

Ўзбекистон Республикаси Молия вазирлиги Давлат бюджети параметрларини шакллантиришда Марказларнинг жадвалда мўлжалланган муддатларда ўзини ўзи маблағ билан таъминлашга ва ўз харажатларини ўзи қоплашга ўтишга эришишини ҳисобга олган ҳолда, уларнинг жорий млоиявий таъминотига бюджет маблағлари ажратишни ҳар йили камайтириб боришни назарда тутсин.

5. Ўзбекистон Республикаси Молия вазирлиги ҳамда Соғлиқни сақлаш вазирлиги томонидан ишлаб чиқилган:

Республика ихтисослаштирилган тиббиёт марказлари томонидан ташҳис қўйиш ва даволаш сифати стандартларига риоя қилган ҳолда аҳолига пулли асосда юқори малакали ихтисослаштирилган тиббий ёрдам кўрсатиш Қоидалари 1-иловага мувофиқ;

Имтиёзли тоифага кирувчи беморларга ордер бериш, уларни шифохонага жойлаштириш ва давлат бюджети маблағлари ҳисобига даволаш қийматини тўлаш Тартиби 2-иловага мувофиқ;

Шошилинч тиббий ёрдамга муҳтож беморларни шифохонага жойлаштириш тўғрисидаги Низом 3-иловага мувофиқ;

Республика ихтисослаштирилган тиббиёт марказлари даромадларини шакллантиришнинг асосий манбалари ва улар фаолиятини молиялаштириш тартиби тўғрисидаги Низом 4-иловага мувофиқ тасдиқлансин.

6. Ўзбекистон Республикаси Соғлиқни сақлаш вазирлиги бир ой муддатда:

касалликларнинг оғирлиги даражасини ҳисобга олган ҳолда ташҳис қўйиш ва даволаш сифати мезонларини танқидий қайта кўриб чиқсин ҳамда Республика ихтисослаштирилган тиббиёт марказлари учун уларни ишлаб чиқиш ва риоя этилишини назорат қилишнинг ягона методикасини тасдиқласин;

хорижий етакчи клиникалар негизда юқори технологияли даволаш методларини ўзлаштириш учун Республика ихтисослаштирилган тиббиёт марказларининг кадрларини тайёрлаш ва қайта тайёрлаш дастурини ишлаб чиқсин ва белгиланган тартибда тасдиқласин.

7. Ўзбекистон Республикаси Соғлиқни сақлаш вазирлиги Иқтисодиёт вазирлиги, Молия вазирлиги билан биргаликда тасдиқланган нормативлар асосида Республика ихтисослаштирилган тиббиёт марказларининг замонавий ташҳис қўйиш ва даволаш асбоб-усқуналари, тиббиёт анжомлари билан 5-иловага* мувофиқ жадвалга биноан қўшимча жиҳозланишини таъминласин.

Ўзбекистон Республикаси Иқтисодиёт вазирлиги, Ташқи иқтисодий алоқалар агентлиги, Вазирлар Маҳкамасининг Ташқи иқтисодий алоқалар ва хорижий инвестициялар департаменти 2004 йил мобайнида халқаро молия институтлари ва хорижий банклар билан марказларни замонавий юқори технологияли даволаш-ташҳис қўйиш асбоб-усқуналари билан жиҳозлашга кўмаклашиш учун имтиёзли кредитларни жалб қилиш масаласини ишлаб чиқсинлар.

8. Тижорат банкларига ва лизинг компанияларига Республика ихтисослаштирилган тиббиёт марказларига тиббиёт асбоб-усқуналари билан жиҳозлаш ва улар-

* 5-илова берилмайди.

нинг моддий-техника базасини ривожлантириш учун узоқ муддатли имтиёзли кредитлар бериш тавсия этилсин.

Тижорат банклари ва лизинг компаниялари 2004 йил 1 июндан 2012 йил 31 декабргача Республика ихтисослаштирилган тиббиёт марказларига лизингга бериш мақсадида харид қилиб олиб келинаётган тиббиёт асбоб-ускуналари ва асбоблари учун божхона тўловлари тўлашдан (божхонада расмийлаштириш йиғимларидан ташқари) озод қилинсин.

9. Республика ихтисослаштирилган тиббиёт марказлари 2004 йил 1 июндан 2012 йил 31 декабргача ўз эҳтиёжлари учун олиб келинаётган доривор воситалар ва тиббиёт буюмлари, шу жумладан протез ва сарфланадиган материаллар учун қўшилган қиймат солиғи ва бошқа божхона тўловлари тўлашдан (божхонада расмийлаштириш йиғимларидан ташқари) озод қилинсин, бўшайдиган маблағлар Марказларни ривожлантириш ва жиҳозлашга мақсадли йўналтирилсин.

10. Вазирлар Маҳкамасининг «Республика ихтисослаштирилган тиббиёт марказлари фаолиятини ташкил этиш масалалари тўғрисида» 2003 йил 17 мартдаги 140-сон қарорининг 5-банди, қарорга 6, 7 ва 8-иловалар ўз кучини йўқотган деб ҳисоблансин.

11. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосарлари Р.С. Азимов ва А.А. Азизхўжаев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 8 июнь,
264-сон

Вазирлар Маҳкамасининг
2004 йил 8 июндаги 264-сон қарорига
1-ИЛОВА

Республика ихтисослаштирилган тиббиёт марказлари томонидан ташҳис қўйиш ва даволаш сифати стандартларига риоя қилган ҳолда аҳолига пулли асосда юқори малакали ихтисослаштирилган тиббий ёрдам кўрсатиш қоидалари

Мазкур Қоидалар Ўзбекистон Республикаси Президентининг «Соғлиқни сақлаш тизимини янада ислоҳ қилиш чора-тадбирлари тўғрисида» 2003 йил 26 февралдаги ПФ–3214-сон Фармониға мувофиқ ишлаб чиқилган ва республика ихтисослаштирилган тиббиёт марказлари (кейинги ўринларда Марказлар деб аталади) томонидан аҳолиға пулли асосда юқори малакали ихтисослаштирилган тиббий ёрдам кўрсатиш тартиби ва шартларини белгилайди.

I. Умумий қоидалар

1. Ушбу Қоидалар фақат Ўзбекистон Республикаси Президентининг «Соғлиқни сақлаш тизимини янада ислоҳ қилиш чора-тадбирлари тўғрисида» 2003 йил 26 февралдаги ПФ–3214-сон Фармониға мувофиқ ташкил қилинган Марказларға татбиқ этилади.

2. Марказлар томонидан аҳолига тиббий ёрдам ташҳис қўйиш ва даволашнинг Ўзбекистон Республикаси Соғлиқни сақлаш вазирлиги тасдиқлаган, юксак жаҳон талабларига жавоб берадиган стандартларига мувофиқ, пулли асосда кўрсатилади.

3. Марказлар миждозларни қабул қилади ва юқори малакали ихтисослаштирилган тиббий ёрдамга муҳтож беморларни замонавий ташҳис қўйиш ва даволаш асбоб-анжомларидан фойдаланган ҳолда даволайди.

4. Марказлар қуйидаги асосий йўналишлар бўйича тиббий ёрдам кўрсатади:

аҳолини маслаҳат бериш учун қабул қилиш;

лаборатория-ташҳис хизматлари кўрсатиш;

амбулаторияда ёрдам кўрсатиш;

стационарда ёрдам кўрсатиш;

реабилитация ёрдами кўрсатиш.

Тиббий ёрдамнинг юқорида қайд этилган турларини кўрсатиш вақтида қўшимча тиббий сервис хизматлари ҳам кўрсатилиши мумкин.

5. Марказлар ихтисослашувига ва малакали кадрлар, моддий-техника базаси, замонавий, юқори технологияли ташҳис қўйиш ҳамда даволаш анжомлари билан таъминланганлик даражасига кўра тиббий хизматларнинг аниқ рўйхатини, қийматини ва кўрсатилиш шарт-шароитларини белгиланган тартибда мустақил равишда белгилайдилар.

II. Миждозларни қабул қилиш ва беморларни даволаш тартиби

6. Аҳоли Марказларнинг маслаҳат поликлиникалари томонидан қабул қилинади, уларнинг рўйхатга олиш бўлимлари фуқароларни бепул, тушунарли ва ишончли ахборотлар билан таъминлаши шарт, ахборотларда шифохонанинг жойлашган жойи, иш тартиби, тиббий хизматларнинг қиймати кўрсатилган рўйхати, ушбу хизматларни кўрсатиш ва улардан фойдаланиш шартлари, шунингдек мутахассис шифокорларнинг малакаси тўғрисидаги маълумотлар мавжуд бўлади.

7. Миждозларни қабул қилишни рўйхатдан ўтказиш Марказларнинг маслаҳат поликлиникалари рўйхатга олиш бўлимларида амалга оширилади, бу ерда ҳар бир миждозга паспорти маълумотлари асосида амбулатория картаси очилади.

8. Тиббий рўйхатга олувчилар биринчи марта келган шахсларни ва амбулатория шароитида тўлиқ даволанишга келган миждозларни алоҳида-алоҳида рўйхатдан ўтказиши керак.

9. Марказларга амбулатория шароитида тўлиқ даволанишга келган шахслар тиббий рўйхатга олувчи томонидан миждознинг амбулатория картасидаги ёзувларга мувофиқ бевосита даволовчи мутахассис шифокорга юборилади.

10. Марказларга биринчи марта келган шахслар белгиланган прејскурант бўйича тиббий рўйхатга олувчи томонидан ёзиб берилган счёт-фактурани тўлагандан кейин маслаҳат олиш учун мутахассис шифокорга юборилади.

Счёт-фактурани тўлаш банк муассасасида ёки Марказларда, назорат-касса аппаратлари қўлланган ва қатъий ҳисобот ҳужжатлари ҳисобланадиган бланкалардан фойдаланган ҳолда амалга оширилади. Миждоз банк томонидан тасдиқланган тўлов топшириқномаси нусхасини ёки чекни (нақд пул билан тўланган тақдирда) рўйхатга олиш бўлимига топширади.

11. Маслоҳат бериш вақтида мутахассис шифокор миждозни дастлабки ташҳисдан ўтишга юборади, ташҳис натижаларига кўра касалликни ва амбулатория ёки стационар шароитида даволаш курсини белгилайди, зарурат бўлганда эса, миждозга

тасдиқланган ташҳис қўйиш ва даволаш стандартларига мувофиқ қўшимча ташҳис тартиботини белгилайди.

12. Амбулаторияда ёки стационарда даволаш курсини амалга оширишга қарор қилингандан кейин маслаҳат берувчи мутахассис шифокор миждознинг амбулатория картасини ва ташҳис текширувлари натижаларини рўйхатга олиш бўлими орқали тегишли равишда амбулаторияда даволаш учун Марказ поликлиникасига ёки Марказнинг стационар бўлимига беради.

13. Марказ поликлиникасининг ёки стационар бўлимининг даволовчи мутахассис шифокори маслаҳат берган шифокордан олинган маълумотлар асосида даволаш курсини белгилайди, уни миждознинг амбулатория картасига батафсил ёзади ва пулли тиббий ёрдам кўрсатиш юзасидан шартномани расмийлаштириш учун рўйхатга олиш бўлимига беради.

14. Пулли тиббий ёрдам кўрсатиш юзасидан шартнома ушбу Қоидаларга иловага мувофиқ шакл бўйича икки ёхуд уч нусхада тузилади, уларни миждоз, унинг ҳомийси (у мавжуд бўлганда) ва Марказ директори ёки мазкур функциялар меҳнат вазифаларига мувофиқ зиммасига юкланган ваколатли шахс имзолайди, шартномалар бир нусхадан миждозга ва унинг ҳомийсига (у мавжуд бўлганда), шунингдек Марказнинг ҳужжатлар йиғма жилдларида сақлаш учун берилади.

Бу ҳолда, фақат юридик шахс — иш берувчи ёки беморни даволаш қийматини мурувват тариқасида тўлаган бошқа ташкилот ҳомий бўлиши мумкин. Бюджет ташкилотлари ўз ходимларининг даволаниш қийматини бюджет маблағлари ҳисобига тўлаши тақиқланади.

15. Миждозга амбулаторияда ёки стационарда тиббий ёрдам ташҳис қўйиш ва даволаш сифатининг тасдиқланган стандартларига мувофиқ кўрсатилади.

16. Ташҳис қўйиш ва даволаш сифатининг тасдиқланган стандартларида назарда тутилмаган қўшимча даволаш ва ташҳис тартиботлари:

миждозда қўшимча касалликлар топилганда, уларнинг ташҳис қўйиш ва даволаш харажатлари келишувга кўра ҳамда миждоз ёхуд унинг ҳомийси ҳисобига қопланганда;

Марказ томонидан кўрсатилган тиббий ёрдам натижасида ёки Марказ мутахассисларининг нотўғри ташҳиси ва хатти-ҳаракатлари туфайли пайдо бўлган, даволаш харажатлари Марказнинг ўз маблағлари ҳисобига қопланадиган асоратлар келиб чиққанда амалга оширилади.

17. Миждоз ёки унинг ҳомийси миждозда қўшимча касалликлар аниқланганлиги туфайли кўрсатилиши зарур бўлган қўшимча тиббий ёрдам ҳажми учун тўловни рад этган тақдирда, миждоз ташҳис қўйиш ва даволаш сифати стандартларига мувофиқ назарда тутилган ва қиймати тўланган тиббий ёрдамни тўлиқ ҳажмда олгандан кейин, Марказ томонидан миждозни шифохонадан чиқариш ёки уни яшаш жойидаги соғлиқни сақлаш муассасасига ўтказиш масаласи қўйилади.

III. Тиббий ёрдам қийматини тўлаш тартиби

18. Марказлар томонидан кўрсатиладиган тиббий ёрдам учун олдиндан тўлиқ тўлаш шартларида, ташҳис ва даволаш сифатининг тасдиқланган тарифлари ва стандартларидан келиб чиққан ҳолда, ҳам нақд маблағлар билан Марказ кассасига, ҳам пул маблағларини Марказнинг бюджетдан ташқари депозит ҳисоб рақамига ўтказиш йўли билан ҳақ тўланади.

19. Аҳолидан нақд маблағларни қабул қилиб олиш бўйича касса операциялари

Марказ томонидан Ўзбекистон Республикаси қонун ҳужжатларига мувофиқ амалга оширилади.

20. Ўзбекистон Республикаси норезидентлари кўрсатилган тиббий хизматлар учун ҳақни белгиланган тартибда тасдиқланган тарифлардан 20 фоизга оширилган ҳолда, миллий валюта «сўм»да ёки тўлов кунда Ўзбекистон Республикаси Марказий банкининг курси бўйича эркин муомаладаги валютада тўлайдилар.

IV. Мижозлар тўғрисидаги маълумотларни рўйхатга олиш тартиби

21. Тиббий рўйхатга олувчи мижозларнинг амбулатория карталарини алфавит тартибда (фамилиялар бўйича), мижозларнинг туғилган йили бўйича ажратган ҳолда сақлаши керак.

22. Тиббий рўйхатга олувчи томонидан мижозлардан (уларнинг ҳомийларидан) қабул қилиб олинган тўлов ҳужжатлари нусхалари иш куни давомида Марказнинг бош бухгалтерига топширилади. Марказнинг бош бухгалтери тиббий рўйхатга олувчига белгиланган тартибда рўйхатга олиш бўлимида сақланиши керак бўлган қабул қилиб олинган тўлов ҳужжатлари квитанциялари нусхасини беради, шунингдек ҳар ҳафтада тиббий рўйхатга олувчи, назорат-касса аппарати маълумотлари билан нақд пулсиз ҳисоб-китоб бўйича Марказнинг бюджетдан ташқари махсус ҳисоб рақамига тушган маблағларни таққослайди.

23. Марказ кўрсатилган пулли тиббий хизматлар натижаларининг статистик ва бухгалтерия ҳисобини юритиши шарт, у талаб қилинадиган ҳисоботни тузади ва уни амалдаги қонун ҳужжатларида белгиланган тартибда ва муддатларда тақдим этади.

V. Истеъмолчининг ҳуқуқлари ва Марказнинг жавобгарлиги

24. Мижозларнинг сифатли тиббий ёрдам олиш ҳуқуқлари «Истеъмолчиларнинг ҳуқуқларини ҳимоя қилиш тўғрисида»ги Ўзбекистон Республикаси Қонуни ва бошқа норматив-ҳуқуқий ҳужжатлар билан ҳимоя қилинади.

25. Тиббий ёрдам кўрсатиш юзасидан тузилган шартномага кўра хизматларни бажариш муддатлари ва сифати бўйича мажбуриятлар Марказ томонидан бажарилмаган тақдирда мижоз ўз танловига кўра:

хизматлар кўрсатишнинг янги муддатини белгилашни талаб қилишга;

хизматларнинг бошқа мутахассислар томонидан бажарилишини талаб қилишга;

шартномани бекор қилишга ва кўрилган зарарларнинг қопланишини талаб қилишга ҳақлидир.

26. Мижозлар билан Марказ ўртасида пайдо бўладиган эътирозлар ва низолар томонларнинг келишувига кўра ёки Ўзбекистон Республикасининг амалдаги қонун ҳужжатларига мувофиқ суд тартибда ҳал қилинади.

27. Ташҳис қўйиш ва даволаш сифатининг тасдиқланган стандартларига Марказ томонидан амал қилиниши Ўзбекистон Республикаси Соғлиқни сақлаш вазирлиги томонидан даврий ҳисоботларни таҳлил қилиш ва жойларда режали текширишлар ўтказиш йўли билан назорат қилинади.

28. Марказ директори ва ходимлари ўзларининг айби билан мижозлар ҳаёти саломатлигига етказилган зиён учун амалдаги қонун ҳужжатларига мувофиқ интизомий, фуқаролик-ҳуқуқий, маъмурий ва жиноий жавобгарликка тортиладилар.

Республика ихтисослаштирилган тиббиёт
марказлари томонидан ташҳис қўйиш ва
даволаш сифати стандартларига риоя
қилган ҳолда аҳолига пулли асосда юқори
малакали ихтисослаштирилган тиббий
ёрдам кўрсатиш Қоидаларига
ИЛОВА

Пулли тиббий ёрдам кўрсатиш тўғрисида ШАРТНОМА

Тошкент шаҳри _____ й. «___» _____

Республика ихтисослаштирилган _____ маркази номидан Марказ уста-
тави асосида иш кўрувчи, кейинчалик «Бажарувчи» деб юритилувчи, Марказ ди-
ректори _____ бир томондан,
(Ф.И.О.)

_____ да яшовчи, кейинчалик
«Мижоз» деб юритилувчи фуқаро _____

(Ф.И.О., паспорт серияси ва рақами, берилган санаси ва жойи)

иккинчи томондан, _____
(мазкур Шартнома бўйича ҳақ тўловчи юридик шахснинг номи)

_____ номидан _____ асосида иш кўрувчи
(Устав, Низом, ишончнома)

кейинчалик «Ҳомий» деб юритилувчи _____
(Ф.И.О., лавозими)

учинчи томондан мазкур Шартномани қўйидагилар тўғрисида туздилар.

I. Шартнома мавзуси

1.1. Мазкур Шартнома бўйича Бажарувчи Мижозга қўйида кўрсатилган ҳажм-
да ва муддатда тиббий хизматлар кўрсатади, Мижоз/Ҳомий (зарур бўлмагани чи-
зилсин) эса мазкур Шартнома барча томонлар томонидан имзоланган пайтдан бош-
лаб _____ кун мобайнида ушбу хизматларга белгиланган тарифлар бўйича олдиндан
ҳақ тўлаш шартларида Бажарувчининг кассасига ёхуд Бажарувчининг _____
_____ даги _____-сон депозит ҳисоб рақамига ҳақ тўлайди.

Тиббий хизматлар рўйхати	Тиббий ходимнинг номи ва илмий даражаси	Бирликлар сони	Бирлик қиймати	Умумий қиймати	Хизматларни бажариш муддатлари
1.					
2.					
Жами:		X	X		

1.2. Хизматлар Бажарувчи ва Мижоз томонидан хизматларни қабул қилиш-
топшириш далолатномаси имзолангандан кейин кўрсатилган деб ҳисобланади.

II . Томонларнинг ҳуқуқ ва мажбуриятлари

2.1. Бажарувчи қўйидагиларга мажбур:

- а) мазкур Шартноманинг 1.1-бандида кўрсатилган тиббий хизматларни мазкур Шартномада белгиланган ҳажмлар ва муддатлар доирасида тиббиёт амалиёти, технология ва касб этикасининг юксак даражасида кўрсатиш;
- б) счёт-фактура билан расмийлаштирилган амалдаги харажатлар натижалари бўйича фойдаланилмай қолган маблағларни Мижозга/Ҳомийга (зарур бўлмагани чизилсин) қайтариш;
- в) Мижозга амалда кўрсатилган тиббий хизматлар, фойдаланилган дори-дармонлар ва овқат учун счёт-фактурани Мижозга/Ҳомийга бериш;
- г) хизматларни қабул қилиш-топшириш далолатномасини ўз вақтида тузиш ва имзолаш;
- д) Мижоз соғлигининг ҳолати тўғрисидаги врач сирини ошкор қилмаслик;
- е) зарурият бўлганда ёки Мижознинг талабига кўра Мижоз/Ҳомий томонидан қўшимча ҳақ тўланмасдан врачлар консилиумини чақариш;
- ж) агар хизматларни кўрсатиш жараёнида Бажарувчи мазкур Шартнома шартларидан хизматлар сифатини ёмонлаштирувчи чекинишларга йўл қўйган бўлса, аниқланган барча нуксонларни Мижознинг талабига кўра ___ кун мобайнида текин тузатиш;
- з) Бажарувчининг ёки Бажарувчи ходимларининг айби билан Мижознинг соғлиғига етказилган зиённи, шунингдек бундай зиён етказилиши натижасида келиб чиққан зарарларни тўлиқ ҳажмда қоплаш;
- и) Мижоз ва Ҳомийнинг ҳуқуқларига риоя қилиш.

2.2. Бажарувчи қўйидаги ҳуқуқларга эга:

- а) Мижоздан Бажарувчининг ички тартиб-қоидаларига, даволаш режимига, Бажарувчининг тиббий ходимлари кўрсатмалари ва тайинлашларига риоя қилишни талаб этиш;
- б) мазкур Шартноманинг 1.1-бандида назарда тутилган кўрсатиладиган хизматлар қийматини тўлаш шартларига риоя этилмаган тақдирда мазкур Шартномани бир томонлама бекор қилиш;
- в) Мижознинг айби билан Бажарувчининг мол-мулки ва ходимларига етказилган зиён ва зарарлар тўлиқ ҳажмда қопланишини талаб қилиш ва Мижоздан олиш.

2.3. Мижоз қўйидагиларга мажбур:

- а) Бажарувчининг ички тартиб-қоидаларига, даволаш режимига, Бажарувчининг тиббий ходимлари кўрсатмалари ва тайинлашларига риоя қилиш;
- б) мазкур Шартноманинг 1.1-бандида назарда тутилган шартларда хизматларнинг тўлиқ қийматини Бажарувчига ўз вақтида тўлаш (агар бу мазкур Шартнома бўйича Ҳомийнинг мажбурияти ҳисобланмаса);
- в) хизматларни қабул қилиш-топшириш далолатномасини ўз вақтида имзолаш;
- г) ўзининг айби билан Бажарувчининг мол-мулки ва ходимларига етказилган зиён ва зарарларни тўлиқ ҳажмда қоплаш.

2.4. Мижоз қуйидаги ҳуқуқларга эга:

а) мазкур Шартноманинг 1.1-бандида кўрсатилган тиббий хизматларни мазкур Шартномада белгиланган ҳажмлар ва муддатлар доирасида тиббиёт амалиёти, технология ва касб этикасининг юқори даражасида олиш;

б) тиббий ёрдам кўрсатишнинг тасдиқланган тартиб-қоидалари, ташҳис қўйиш ва даволаш стандартлари, тарифлар билан танишиш;

в) счё-фактура билан расмийлаштирилган амалдаги харажатлар натижалари бўйича фойдаланилмай қолган маблағлар қайтарилишини талаб қилиш ва олиш;

г) ўзига амалда кўрсатилган тиббий хизматлар учун счё-фактурани, шунингдек хизматларни қабул қилиш-топшириш далолатномаларининг бир нусхасини олиш;

д) хизматларни қабул қилиш-топшириш далолатномаси мазмунига рози бўлмаган тақдирда, ушбу далолатномани мавжуд мулоҳазаларни ёзма равишда кўрсатган ҳолда имзолаш;

е) ўз соғлигининг ҳолати тўғрисидаги врач сирини ошкор қилмаслик;

ж) қўшимча ҳақ тўламасдан врачлар консилиумини чақиришни талаб қилиш;

з) агар хизматлар кўрсатиш жараёнида Бажарувчи мазкур Шартнома шартларидан хизматлар сифатини ёмонлаштирувчи чекинишга йўл қўйган бўлса, Бажарувчидан барча аниқланган нуқсонларни ____кун мобайнида текин тузатишни талаб қилиш;

и) Бажарувчининг ёки Бажарувчи ходимларининг айби билан Мижознинг соғлиғига етказилган зиён, шунингдек бундай зиён етказилиши натижасида келиб чиққан барча зарарлар тўлиқ ҳажмда қопланишини талаб қилиш ва Бажарувчидан олиш;

к) Бажарувчини ____кун олдин ёзма равишда огоҳлантириб, мазкур Шартномани бир томонлама бекор қилиш.

2.5. **Ҳомий** мазкур Шартноманинг 1.1-банди шартларига мувофиқ хизматларнинг тўлиқ қийматини Бажарувчига ўз вақтида тўлаши **шарт**.

2.6. Ҳомий қуйидаги ҳуқуқларга эга:

а) Мижозга амалда кўрсатилган тиббий хизматлар учун счё-фактурани, шунингдек хизматларни қабул қилиш-топшириш далолатномаларининг бир нусхасини олиш;

б) тиббий ёрдам кўрсатишнинг тасдиқланган тартиб-қоидалари, ташҳис қўйиш ва даволаш стандартлари, тарифлар билан танишиш;

в) агар Бажарувчи томонидан қўшимча тиббий хизматлар ва бошқа хизматлар тайинланган тақдирда, Ҳомийнинг маблағлари ҳисобига бошқа тиббиёт муассасалари томонидан қўшимча маслаҳатлашувлар ўтказилишини талаб қилиш;

г) счё-фактуралар ва хизматларни қабул қилиш-топшириш далолатномалари билан расмийлаштирилган амалдаги харажатлар натижалари бўйича фойдаланилмай қолган маблағлар қайтарилишини талаб қилиш ва олиш;

д) мазкур Шартнома шартлари Бажарувчининг ёки Бажарувчи ходимларининг айби билан бузилган тақдирда, ____кун олдин Бажарувчини ёзма равишда огоҳлантириб, шартномани бир томонлама бекор қилиш ва тўланган маблағлар қайтарилишини Бажарувчидан талаб қилиш.

III. Томонларнинг жавобгарлиги

3.1. Мазкур Шартнома шартлари бажарилмаганлиги ёхуд зарур даражада бажарилмаганлиги учун томонлар бир-бирининг олдида Ўзбекистон Республикасининг қонун ҳужжатларида назарда тутилган тартибда жавоб берадилар.

3.2. Хизматлар кўрсатишнинг Шартномада белгиланган муддатлари бузилганлиги учун «Истеъмолчиларнинг ҳуқуқларини ҳимоя қилиш тўғрисида»ги Ўзбекистон Республикаси Қонунида белгиланган тартибда ва миқдорда Мижозга муддати ўтказиб юборилганлиги учун жарима тўланади.

3.3. Томонларнинг келишувига кўра муддати ўтказиб юборилганлиги учун тўланадиган жарима Бажарувчи томонидан Мижозга қўшимча хизматлар кўрсатилиши ҳисобига бажарилиши мумкин.

3.4. Муддати ўтказиб юборилганлиги учун жарима тўланиши томонларни мазкур Шартнома бўйича мажбуриятлар бажарилишидан ёки ушбу мажбуриятларнинг улар томонидан йўл қўйилган бузилишларини бартараф этиш мажбуриятидан озод қилмайди.

3.5. Томонларнинг ҳар бири, агар бажармаслик ёки зарур даражада бажармаслик енгиб бўлмайдиган куч оқибатида ёки мазкур Шартномада назарда тутилган ўз мажбуриятлари бошқа томон томонидан бажарилмаслиги ёки ноҳалол бажарилиши сабабли юз берганлигини исбот қилса, мазкур Шартнома бўйича ўз мажбуриятлари бажарилмаганлиги ёки зарур даражада бажарилмаганлиги учун жавобгарликдан озод қилинади.

IV. Шартноманинг бошқа шартлари

4.1. Бажарувчи томонидан тиббий хизмат кўрсатилиши ёки Бажарувчи ходимларининг нотўғри ташҳиси ва хулосалари туфайли салбий оқибатлар пайдо бўлган тақдирда, Бажарувчи Мижоз учун қўшимча ташҳис қўйиш ва даволаш ёрдами, дори-дармонлар ва овқат қийматини ўз маблағлари ҳисобидан тўлайди.

4.2. Мижозда қўшимча касалликлар аниқланган тақдирда, Мижозга қўшимча ташҳис қўйиш ва даволаш ёрдами кўрсатиш, дори-дармонлар ва овқат қиймати мазкур Шартномага қўшимча битим асосида Мижоз/Ҳомий томонидан тўланади.

4.3. Мазкур Шартномада тартибга солинмаган масалалар бўйича томонлар Ўзбекистон Республикаси қонун ҳужжатларига амал қиладилар.

V. Низоларни ҳал этиш тартиби

5.1. Мазкур Шартномани бажаришда пайдо бўлиши мумкин бўлган низолар ва келишмовчиликлар имкони борича томонлар ўртасидаги музокаралар йўли билан ҳал этилади.

5.2. Низоларни музокаралар йўли билан ҳал этиш мумкин бўлмаган тақдирда, улар Ўзбекистон Республикаси қонун ҳужжатларига мувофиқ судда кўриб чиқиши керак.

VI. Яқуний қоидалар

6.1. Мазкур Шартномага ҳар қандай ўзгартириш ва қўшимчалар, агар улар ёзма шаклда тузилган бўлса ва томонларнинг бунга вакил қилинган вакиллари томони-

дан имзоланган бўлса, ҳақиқий ва мазкур Шартноманинг ажралмас қисми ҳисобланади.

6.2. Мазкур Шартнома уни барча томонлар имзолаган пайдан бошлаб кучга киради.

6.3. Мазкур Шартнома ҳар бир томон учун бир нусхадан икки/уч нусхада тузилди. Барча нусхалар ўхшаш ва бир хил юридик кучга эгадир.

VII. Томонларнинг юридик манзиллари ва имзолари

БАЖАРУВЧИ Республика ихтисослаштирилган маркази	МИЖОЗ	ҲОМИЙ
_____	_____	_____
_____	_____	_____
(тўлиқ номи, манзили)	(Ф.И.О.)	(тўлиқ номи, манзили)
_____	_____	х/р № МФО
х/р №	(паспорт рақами ва серияси, ким томонидан ва қачон берилган)	СИР
МФО _____	_____	Раҳбар _____
СИР _____	_____	(Ф.И.О.)
Директор _____	_____	_____
(Ф.И.О.)	_____	_____
М.Ў. _____ имзо	(Яшаш жойи)	М.Ў. _____ имзо

Вазирлар Маҳкамасининг
2004 йил 8 июндаги 264-сон қарорига
2-ИЛОВА

Имтиёзли тоифага кировчи беморларга ордер бериш, уларни шифохонага жойлаштириш ва давлат бюджети маблағлари ҳисобига даволаш қийматини тўлаш тартиби

Ушбу Тартиб Ўзбекистон Республикаси Президентининг «Соғлиқни сақлаш тизимини янада ислоҳ қилиш чора-тадбирлари тўғрисида» 2003 йил 26 февралдаги ПФ-3214-сон Фармонида мувофиқ ишлаб чиқилган ва Республика ихтисослаштирилган тиббий марказлари (кейинги ўринларда Марказлар деб аталади) томонидан тиббий ёрдам кўрсатиш, ордер бериш, жойлаштириш ҳамда имтиёзли тоифага кировчи шахсларга давлат бюджети ҳисобига кўрсатиладиган тиббий хизматлар қийматини тўлаш масалаларини тартибга солади.

I. Умумий қоидалар

1. Ушбу Тартибнинг амал қилиши фақат:

Ўзбекистон Республикаси Президентининг «Соғлиқни сақлаш тизимини янада ислоҳ қилиш чора-тадбирлари тўғрисида» 2003 йил 26 февралдаги ПФ-3214-сон Фармонида мувофиқ ташкил этилган Марказларга;

Ўзбекистон Республикаси Қонун ҳужжатлари тўплами, 2004 й.

Ўзбекистон Республикаси Президентининг юқорида қайд этилган Фармонига 2-иловада келтирилган, замонавий, юқори технологияли ташҳис ва даволаш асбоб-анжомлари қўлланилган ҳолда юқори малакали ихтисослаштирилган тиббий ёрдам кўрсатиладиган имтиёзли тоифадаги шахсларга татбиқ этилади.

II. Бепул даволанишга ордерлар бериш қоидалари

2. Ўзбекистон Республикаси Соғлиқни сақлаш вазирлиги томонидан йилнинг ҳар чорагида ҳар бир Марказ учун алоҳида мавжуд ўрин фондининг, унинг айланишининг ва поликлиникаларнинг беморларни қабул қилиш қувватининг 20 фоизигача миқдорда имтиёзли бепул тиббий хизматлар кўрсатишга квоталар белгиланади. Минтақалар бўйича квоталарни тақсимлаш соғлиқни сақлаш ҳудудий органларининг буюртманомаларини кўриб чиқиш йўли билан амалга оширилади.

3. Қорақалпоғистон Республикаси Соғлиқни сақлаш вазирлиги, Тошкент шаҳар соғлиқни сақлаш бош бошқармаси ва вилоятлар соғлиқни сақлаш бошқармалари йилнинг ҳар чорагида Ўзбекистон Республикаси Соғлиқни сақлаш вазирлигига кейинги чоракнинг 5-қунидан кечикмай ордерлардан фойдаланилиши тўғрисида ҳисобот тақдим этадилар.

4. Имтиёзли тоифага бепул даволаниш учун ордерлар Ўзбекистон Республикаси Соғлиқни сақлаш вазирлиги, Қорақалпоғистон Республикаси Соғлиқни сақлаш вазирлиги, Тошкент шаҳар соғлиқни сақлаш бош бошқармаси, соғлиқни сақлаш вилоят бошқармалари ҳузуридаги врач-танлаш комиссиясининг ҳулосаси асосида берилди.

Тегишли врач-танлаш комиссияларининг таркиби қуйидаги мутахассислардан тузилади:

Ўзбекистон Республикаси Соғлиқни сақлаш вазирлигида — даволаш бош бошқармасининг бошлиғи (раис) ихтисос бўйича вазирликнинг бош мутахассиси ва вазирликнинг даволаш бошқармаси бош мутахассиси;

Қорақалпоғистон Республикаси Соғлиқни сақлаш вазирлигида — вазир ўринбосари (раис), ихтисос бўйича вазирликнинг бош мутахассиси ва вазирликнинг даволаш бошқармаси бош мутахассиси;

Тошкент шаҳар соғлиқни сақлаш бош бошқармасида ва соғлиқни сақлаш вилоят бошқармаларида — бошлиқларнинг биринчи ўринбосарлари (раислар), ихтисос бўйича бошқармаларнинг бош мутахассислари ва ихтисос бўйича даволаш муассасаларининг бош врачлари.

5. Соғлиқни сақлаш органлари беморларнинг имтиёзли тоифасига йўлланмалар (ордерлар)ни асосан республиканинг бошқа тиббиёт муассасаларида кўрсатилиши мумкин бўлмаган ихтисослаштирилган юқори технологияли (қиммат турадиган) тиббий ёрдам олиш учун берадилар.

6. Врач-танлаш комиссияси фақат қуйидаги тиббий ҳужжатлар мавжуд бўлган тақдирда беморларнинг имтиёзли тоифасини бепул даволашга ордерлар бериш тўғрисидаги масалани кўриб чиқади:

тиббий ёрдам беришнинг бирламчи муассасасининг йўлланмаси асосида вилоят (республика, шаҳар) даволаш-профилактика муассасаси томонидан берилган мазкур беморнинг Республика ихтисослаштирилган тиббиёт марказида даволаниши мақсадга мувофиқлиги тўғрисидаги ҳулоса;

беморнинг аҳволи тўғрисидаги тиббий ҳулоса (беморнинг Ф.И.О., ташҳис, бир ойдан ортиқ бўлмаган муддатда олинган лаборатория ва инструментал текшириш натижалари);

имтиёз ҳуқуқини тасдиқловчи ҳужжат (пенсия дафтарчаси, ногирон гувоҳномаси, ўзини ўзи бошқариш органининг маълумотномаси).

7. Юқорида кўрсатиб ўтилган ҳужжатларнинг нусхалари касаллик тури бўйича ихтисослаштирилган марказда бепул даволанишга ордер ажратиш зарурлиги тўғрисидаги масалани ҳал этиш учун врач-танлаш комиссиясига тақдим этилади. Ҳужжатларнинг асл нусхалари кейинчалик Марказга тақдим этиш учун беморда қолади.

8. Врач-танлаш комиссияси ордер бериш тўғрисида қарор қабул қилган тақдирда ордер бланкаси врач-танлаш комиссияси таркибига кирадиган масъул шахс томонидан тўлдирилади, врач-танлаш комиссияси раиси томонидан имзоланади ва муҳр билан тасдиқланади. Киритилган ўзгартириш ва қўшимчалар муҳр билан тасдиқланиши керак.

9. Марказларда тиббий ёрдам олиш учун ордер қатъий ҳисобда турадиган ҳужжат ҳисобланади, унинг шакли Ўзбекистон Республикаси Соғлиқни сақлаш вазирлиги томонидан тасдиқланади.

III. Беморларнинг имтиёзли тоифасини шифохонага жойлаштириш ва тиббий ёрдам кўрсатиш тартиби

10. Шахсларнинг имтиёзли тоифасини қабул қилиш соғлиқни сақлашни бошқаришнинг ҳудудий органлари, Ўзбекистон Республикаси Соғлиқни сақлаш вазирлиги томонидан берилган йўлланмалар (ордерлар) асосида Марказларнинг маслаҳат берувчи поликлиникалари томонидан амалга оширилади.

Йўлланмалар (ордерлар)дан ташқари имтиёзли тоифага кирувчи шахслар шунингдек касаллик тарихидан кўчирмани (амбулатория картаси) ҳамда уларнинг шахсини ва имтиёзли тоифага кирувчи шахсларга мансублигини тасдиқловчи ҳужжатларни ҳам тақдим этадилар.

Кўрсатиб ўтилган ҳужжатлар белгиланган намунадаги касаллик тарихини очиш учун асос ҳисобланади.

11. Имтиёзли тоифага кирадиган шахсларга тиббий ёрдам кўрсатиш тартиби ташҳис қўйиш ва даволаш сифатининг тасдиқланган стандартларига риоя қилинган ҳолда Республика марказлари томонидан аҳолига юқори малакали ихтисослаштирилган тиббий ёрдам кўрсатиш қондаларига мувофиқ келади.

12. Имтиёзли тоифага кирувчи шахсларни стационар даволаш учун Республика ихтисослаштирилган тиббиёт марказларида алоҳида палаталар ажратилади. Имтиёзли тоифага кирувчи шахсларни пулли асосда тиббий хизматлардан фойдаланувчи шахслар билан биргаликда шифохонага ётқизишга йўл қўйилмайди.

13. Имтиёзли тоифага кирувчи шахсларга тиббий ёрдам Марказ билан мижоз ўртасида тузиладиган мазкур тартибга иловага мувофиқ шакл бўйича шартнома асосида бюджет маблағлари ҳисобига кўрсатилади.

14. Шошилиш ёрдам кўрсатилишига муҳтож беморлар Марказ Директорининг билдиришномаси билан, у бўлмаганда, Марказнинг масъул навбатчи врачининг билдиришномаси билан қабул қилинади. Шошилиш тиббий ёрдам Марказлар томонидан Шошилиш тиббий ёрдам марказларида беморларни даволашнинг белгиланган чекланган муддатларига мувофиқ кўрсатилади ва кейинчалик шифохонада ётқизиш Ўзбекистон Республикаси Соғлиқни сақлаш вазирлигида белгиланган тартибда расмийлаштирилади.

15. Ихтисослаштирилган тиббиёт Марказларига бепул даволанишга йўлланма-

сиз (ордерсиз) мурожаат қилган шахсларга тиббий ёрдам белгиланган тартибда пулли асосда кўрсатилади.

IV. Бюджет маблағларининг режадаги миқдорини аниқлаш тартиби

16. Давлат бюджети маблағларини олиш учун Марказ томонидан навбатдаги молия йили учун бюджет маблағлари олишга буюртманома тузилади, у қуйидагилардан келиб чиққан ҳолда ҳисоблаб чиқилади:

имтиёзли тоифага кирувчи беморлар поликлиникаларнинг мавжуд ўрин фонди ва қабул қилиш қувватининг 20 фоизига қадар ҳажмда бўлиши;

ташхис қўйиш ва даволаш сифатининг белгиланган тартибда тасдиқланган стандартлари, Марказ томонидан кўрсатиладиган тиббий ёрдамга белгиланган тарифлар, шу жумладан тиббий ёрдамнинг айрим мураккаб, юқори технологияли (қиммат турадиган) турларига белгиланган имтиёзли тарифлар — бундай тиббий ёрдам турлари рўйхати ва уларнинг сарф-харажатларини қоплаш миқдорлари Ўзбекистон Республикаси Молия вазирлиги билан келишилган ҳолда Соғлиқни сақлаш вазирлиги томонидан белгиланади;

имтиёзли тоифага кирувчи бир нафар беморни ҳам амбулаторияда, ҳам стационар шароитда даволаш харажатлари;

барча турдаги солиқлар ва божхона тўловларини (божхона расмийлаштируви йиғимларидан ташқари) ҳисоблаш ва давлат бюджетига тўламаслик натижасида бўшайдиган маблағлар ҳажмининг прогноз ҳисоб-китоблари, шунингдек бўшайдиган мазкур маблағларни Марказни ривожлантириш ва замонавий тиббий асбоб-анжомлар билан жиҳозлашга йўналтириш.

17. Навбатдаги йил учун бюджет буюртманомаси Марказ томонидан Ўзбекистон Республикаси Соғлиқни сақлаш вазирлигига жорий йилнинг 1 июнидан кечикмай тақдим этилади. Ўзбекистон Республикаси Соғлиқни сақлаш вазирлиги республика бюджетидан таъминланадиган соғлиқни сақлаш муассасаларининг бюджет буюртманомаларини кўриб чиққандан ва умумлаштиригандан кейин навбатдаги йил учун Марказлар бўйича йиғма бюджет буюртманомасини, Марказлар бўйича харажатларни алоҳида параграф билан ажратган ҳолда, жорий йилнинг 1 июлидан кечикмай Ўзбекистон Республикаси Молия вазирлигига тақдим этади.

18. Ўзбекистон Республикаси Молия вазирлиги навбатдаги молия йили учун давлат бюджети параметрлари қонун ҳужжатларида белгиланган тартибда тасдиқлангандан кейин бир ҳафта муддатда, Марказлар учун бюджет маблағлари ҳажмини ҳар бир Марказ бўйича тақсимлаган ҳолда алоҳида сатр билан Ўзбекистон Республикаси Соғлиқни сақлаш вазирлигига етказилади.

Ўзбекистон Республикаси Соғлиқни сақлаш вазирлиги бюджет маблағлари ҳажмларини, Марказларнинг имтиёзли тоифадаги беморларга (поликлиникаларнинг мавжуд ўрин фонди ва қабул қилиш қувватининг 20 фоизига қадар ҳажмда) бепул тиббий хизмат кўрсатиш бўйича харажатларини қоплашга ҳамда аҳолига имтиёзли тарифлар бўйича тиббий хизматлар кўрсатиш харажатларини қоплашга мақсадли маблағларни алоҳида сатр билан ажратган ҳолда Марказларга етказилади.

19. Марказ ажратилган бюджет маблағлари ва ўз даромадлари доирасида мустақил равишда:

келгуси йил учун бизнес-режани ҳамда даромадлар ва харажатлар сметасини ишлаб чиқади ва тасдиқлайди;

Марказ ходимлари меҳнатига ҳақ тўлаш ва уларни моддий рағбатлантириш тўғрисидаги низомни ишлаб чиқади ва тасдиқлайди;

штат жадвалини тасдиқлайди ҳамда Ягона тариф сеткаси бўйича базавий лавозим маошларидан ва миқдори чекланмайдиган устама ҳақдан келиб чиққан ҳолда лавозим маошларини белгилайди.

V. Марказ харажатларини қоплашга бюджет маблағлари ажратиш тартиби

20. Давлат бюджети маблағлари Ўзбекистон Республикаси Соғлиқни сақлаш вазирлиги томонидан Марказларга ҳар ойда, қуйидаги сатрлар бўйича тақсимлаган ҳолда:

имтиёзли тоифага кирувчи шахсларга поликлиникаларнинг мавжуд ўрни ва қабул қилиш қувватининг 20 фоизига қадар ҳажмда бепул асосда, юқори малакали ихтисослаштирилган тиббий ёрдам кўрсатиш бўйича Марказ харажатларини қоплашга; тиббий ёрдамнинг айрим мураккаб, юқори технологияли (қиммат турадиган) турларига Ўзбекистон Республикаси Соғлиқни сақлаш вазирлиги томонидан Молия вазирлиги билан келишган ҳолда белгиланган имтиёзли тарифлар бўйича аҳолига тиббий хизматлар кўрсатиш бўйича Марказ харажатларини қоплашга ажратилади.

Бунда Ўзбекистон Республикаси Соғлиқни сақлаш вазирлиги Марказ томонидан тасдиқланган стандартлар ва тарифларга риоя қилмасдан асоссиз равишда сўраётган деб ҳисоблаган суммани ушлаб қолиши мумкин.

Бюджет маблағлари Марказга хизмат кўрсатувчи банк муассасасидаги махсус бюджет ҳисоб рақамига ўтказилади.

21. Даволанган имтиёзли тоифага кирувчи шахслар ва имтиёзли тарифлар бўйича даволанган аҳолининг ҳақиқий сони учун Марказ ва Ўзбекистон Республикаси Соғлиқни сақлаш вазирлиги ўртасидаги ўзаро ҳисоб-китобларни амалга оширишда амбулаторияда ва стационарда кўрсатилган тиббий ёрдам қиймати ташҳис ва даволаш сифатининг тасдиқланган стандартларидан, амалдаги тарифлардан келиб чиққан ҳолда белгиланади.

22. Ташҳис қўйиш ва даволаш сифатининг тасдиқланган стандартларида назарда тутилмаган қўшимча даволаш ва ташҳис қўйиш тартиботлари, агар уларни амалга ошириш зарурияти мижозда қўшимча касалликлар топилиши туфайли пайдо бўлса, давлат бюджети маблағлари ҳисобига молиялаштирилади. Бунда мижознинг қиймати давлат бюджети маблағлари ҳисобига тўланадиган даволанишда бўлишининг чекланган муддати ташҳис ва даволаш сифатининг белгиланган стандартларида белгиланган муддатдан 3 кундан ошмаслиги керак.

Қўшимча даволаш ва ташҳис қўйиш ишлари Марказ томонидан кўрсатилган тиббий ёрдам асорати ёки Марказ ходимларининг нотўғри ташҳиси ва хатти-ҳаракати сабабли кўрсатилган тақдирда қўшимча харажатлар Марказнинг ўз маблағлари ҳисобига қопланади.

23. Молия йили охирида бюджет маблағларининг фойдаланилмай қолган суммаси бюджетга олиб қўйилмайди ва Марказ ихтиёрида қолади, улардан келгуси молия йилида:

имтиёзли тоифага кирувчи шахсларга поликлиникаларнинг мавжуд ўрин фонди ва қабул қилиш қувватининг 20 фоизига қадар ҳажмда бепул асосда, юқори малакали ихтисослаштирилган тиббий ёрдам кўрсатиш;

тиббий ёрдамнинг айрим мураккаб, юқори технологияли (қиммат турадиган) турлари тарифларини арзонлаштириш;

Марказни ривожлантириш ва жиҳозлаш учун фойдаланиш мумкин.

VI. Ҳисоб ва ҳисобот

24. Марказлар имтиёзли тоифага кирувчи касалларга қилинган харажатларнинг (шу жумладан имтиёзли тарифлар бўйича хизматларнинг юқори технологияли мураккаб турларига харажатларнинг) таҳлилий ҳисоб-китобини олиб боришлари шарт, унинг шакли Ўзбекистон Республикаси Соғлиқни сақлаш вазирлиги томонидан Ўзбекистон Республикаси Молия вазирлиги билан келишган ҳолда тасдиқланади.

25. Марказ ҳар чоракда, ҳисобот давридан кейинги ойнинг 25-кунидан кечикмай Ўзбекистон Республикаси Соғлиқни сақлаш вазирлигига ва Молия вазирлигига бажарилган тиббий хизматлар ҳажми тўғрисида, беморларни пулли ва имтиёзли тоифалар бўйича ажратган ҳолда ҳисобот тақдим этади.

Имтиёзли тоифага кирувчи беморларга
ордер бериш, уларни шифохонага жойлаш-
тириш ва давлат бюджети маблағлари
ҳисобига даволаш қийматини тўлаш
тартибига
ИЛОВА

Имтиёзли тоифага кирувчи беморга давлат бюджети мблағлари ҳисобига тиббий ёрдам кўрсатиш тўғрисида ШАРТНОМА

Тошкент шаҳри

__ й. «__» _____

Республика ихтисослаштирилган _____ маркази номидан Марказ утави асосида иш кўрувчи, кейинчалик «Бажарувчи» деб юритилувчи Марказ директори _____ бир томондан,

(Ф.И.О.)

_____ да яшовчи, кейинчалик «Мижоз» деб юритилувчи фуқаро _____

Ф.И.О., паспорт серияси ва рақами,

_____ иккинчи томондан, мазкур Шартномани
берилган санаси ва жойи)

қуйидагилар тўғрисида туздилар.

I. Шартнома мавзуси

1.1. Мазкур Шартнома бўйича Бажарувчи Мижозга қуйида кўрсатилган ҳажмда ва муддатларда тиббий хизматлар кўрсатади, ушбу тиббий хизматлар учун Бажарувчига давлат бюджети маблағлари ҳисобидан ҳақ тўланади.

Тиббий хизматлар рўйхати	Тиббий ходимнинг номи ва илмий даражаси	Бирликлар сони	Бирлик қиймати	Умумий қиймати	Хизматларни бажариш муддатлари
1.					
2.					
Жами:		X	X		

1.2. Хизматлар Бажарувчи ва Мижоз томонидан хизматларни қабул қилиш-топшириш далолатномаси имзолангандан кейин кўрсатилган деб ҳисобланади.

Ўзбекистон Республикаси Қонун ҳужжатлари тўплами, 2004 й.

II. Томонларнинг ҳуқуқ ва мажбуриятлари

2.1. Бажарувчи қўйидагиларга мажбур:

а) Мазкур Шартноманинг 1.1-бандида кўрсатилган тиббий хизматларни мазкур Шартномада белгиланган ҳажмлар ва муддатлар доирасида тиббиёт амалиёти, технология ва касб этикасининг юксак даражасида кўрсатиш;

б) хизматларни қабул қилиш-топшириш далолатномасини ўз вақтида тузиш ва имзолаш;

в) Мижоз соғлиғининг ҳолати тўғрисидаги врач сирини ошкор қилмаслик;

г) зарурият бўлганда ёки Мижознинг талабига кўра врачлар консилиумини чақириш;

д) агар хизматларни кўрсатиш жараёнида Бажарувчи мазкур Шартнома шартларидан хизматлар сифатини ёмонлаштирувчи чекинишларга йўл қўйган бўлса, аниқланган барча нуқсонларни Мижознинг талабига кўра ___ кун мобайнида текин тузатиш;

е) Бажарувчининг ёки Бажарувчи ходимларининг айби билан Мижознинг соғлиғига етказилган зиённи, шунингдек бундай зиён етказилиши натижасида келиб чиққан зарарларни тўлиқ ҳажмда қоплаш;

ж) Мижознинг ҳуқуқларига риоя қилиш.

2.2. Бажарувчи қўйидаги ҳуқуқларга эга:

а) Мижоздан Бажарувчининг ички тартиб-қоидаларига, даволаш режимига, Бажарувчининг тиббий ходимлари кўрсатмалари ва тайинлашларига риоя қилишни талаб этиш;

б) Мижознинг айби билан Бажарувчининг мол-мулки ва ходимларига етказилган зиён ва зарарлар тўлиқ ҳажмда қопланишини талаб қилиш ва Мижоздан олиш.

2.3. Мижоз қўйидагиларга мажбур:

а) Бажарувчининг ички тартиб-қоидаларига, даволаш режимига, Бажарувчининг тиббий ходимлари кўрсатмалари ва тайинлашларига риоя қилиш;

б) хизматларни қабул қилиш-топшириш далолатномасини ўз вақтида имзолаш;

в) ўзининг айби билан Бажарувчининг мол-мулки ва ходимларига етказилган зиён ва зарарларни тўлиқ ҳажмда қоплаш.

2.4. Мижоз қўйидаги ҳуқуқларга эга:

а) мазкур Шартноманинг 1.1-бандида кўрсатилган тиббий хизматларни мазкур Шартномада белгиланган ҳажмлар ва муддатлар доирасида тиббиёт амалиёти, технология ва касб этикасининг юқори даражасида олиш;

б) тиббий ёрдам кўрсатишнинг тасдиқланган тартиб-қоидалари, ташҳис қўйиш ва даволаш стандартлари ва тарифлар билан танишиш;

в) хизматларни қабул қилиш-топшириш далолатномаси мазмунига рози бўлмаган тақдирда, ушбу далолатномани мавжуд мулоҳазаларни ёзма равишда кўрсатган ҳолда имзолаш;

г) ўз соғлиғининг ҳолати тўғрисидаги врач сирини ошкор қилмаслик;

- д) врачлар консилиумини чақиришни талаб қилиш;
- е) агар хизматлар кўрсатиш жараёнида Бажарувчи мазкур Шартнома шартларидан хизматлар сифатини ёмонлаштирувчи чекинишга йўл қўйган бўлса, Бажарувчидан барча аниқланган нуқсонларни ____ кун мобайнида текин тузатишни талаб қилиш;
- ж) Бажарувчининг ёки Бажарувчи ходимларининг айби билан Мижознинг соғлиғига етказилган зиён, шунингдек бундай зиён етказилиши натижасида келиб чиққан барча зарарлар тўлиқ ҳажмда қопланишини талаб қилиш ва Бажарувчидан олиш;
- з) Бажарувчини ____ кун олдин ёзма равишда огоҳлантириб, мазкур Шартномани бир томонлама тартибда бекор қилиш.

III. Томонларнинг жавобгарлиги

3.1. Мазкур Шартнома шартлари бажарилмаганлиги ёхуд зарур даражада бажарилмаганлиги учун томонлар бир-бирининг олдида Ўзбекистон Республикасининг қонун ҳужжатларида назарда тутилган тартибда жавоб берадилар.

3.2. Хизматлар кўрсатишнинг шартномада белгиланган муддатлари бузилганлиги учун Мижозга «Истеъмомчиларнинг ҳуқуқларини ҳимоя қилиш тўғрисида»ги Ўзбекистон Республикаси Қонунида белгиланган тартибда ва миқдорларда муддати ўтказиб юборилганлиги учун жарима тўланади.

3.3. Томонларнинг келишувига кўра муддати ўтказиб юборилганлиги учун жарима Бажарувчи томонидан Мижозга қўшимча хизматлар кўрсатилиши ҳисобига бажарилиши мумкин.

3.4. Муддати ўтказиб юборилганлиги учун жарима тўланиши томонларни мазкур Шартнома бўйича мажбуриятлар бажарилишидан ёки ушбу мажбуриятларнинг улар томонидан йўл қўйилган бузилишларини бартараф этиш мажбуриятидан озод қилмайди.

3.5. Томонларнинг ҳар бири, агар бажармаслик ёки зарур даражада бажармаслик енгиб бўлмайдиган куч оқибатида ёки мазкур Шартномада назарда тутилган ўз мажбуриятлари бошқа томон томонидан бажарилмаслиги ёки ноҳалол бажарилиши сабабли юз берганлигини исбот қилса, мазкур Шартнома бўйича ўз мажбуриятлари бажарилмаганлиги ёки зарур даражада бажарилмаганлиги учун жавоббарликдан озод қилинади.

IV. Шартноманинг бошқа шартлари

4.1. Мижоз учун қўшимча ташҳис қўйиш ва даволаш ёрдами кўрсатиш, агар санаб ўтилганлар Бажарувчи томонидан тиббий хизмат кўрсатилиши туфайли пайдо бўлган асоратлар ёки Бажарувчи ходимларининг нотўғри ташҳис қўйиши ва хатти-ҳаракатлари муносабати билан талаб этилса, уларнинг қийматини Бажарувчи ўз маблағлари ҳисобидан тўлайди.

4.2. Мижоз учун қўшимча ташҳис қўйиш ва даволаш ёрдами кўрсатиш қиймати, агар юқорида санаб ўтилганлар Мижозда қўшимча касалликлар аниқланиши муносабати билан талаб этилса, мазкур Шартномага қўшимча битим асосида Марказга ажратилган бюджет маблағлари доирасида бюджет маблағлари ҳисобига тўланади.

4.3. Мазкур Шартномада тартибга солинмаган масалалар бўйича томонлар Ўзбекистон Республикаси қонун ҳужжатларига амал қиладилар.

V. Низоларни ҳал этиш тартиби

5.1. Мазкур Шартномани бажаришда пайдо бўлиши мумкин бўлган низолар ва келишмовчиликлар имкони борича томонлар ўртасидаги музокаралар йўли билан ҳал этилади.

5.2. Низоларни музокаралар йўли билан ҳал этиш мумкин бўлмаган тақдирда, улар Ўзбекистон Республикаси қонун ҳужжатларига мувофиқ судда кўриб чиқиши керак.

VI. Яқуний қоидалар

6.1. Мазкур Шартномага ҳар қандай ўзгартириш ва қўшимчалар, фақат улар ёзма шаклда тузилган бўлса ва томонларнинг бунга вакил қилинган вакиллари томонидан имзоланган бўлса, ҳақиқий ва мазкур Шартноманинг ажралмас қисми ҳисобланади.

6.2. Мазкур Шартнома уни томонлар имзолаган пайтдан бошлаб кучга киради.

6.3. Мазкур Шартнома ҳар бир томон учун бир нусхадан икки нусхада тузилди. Барча нусхалар ўхшаш ва бир хил юридик кучга эгадир.

VII. Томонларнинг юридик манзиллари ва имзолари

БАЖАРУВЧИ	МИЖОЗ
Республика	
ихтисослаштирилган маркази	
_____	_____
_____	(Ф.И.О.)
_____	_____
(тўлиқ номи, манзили)	(паспорт рақами ва серияси, ким томонидан ва қачон берилган)
х/р № _____	_____
МФО _____	_____
СИР _____	_____
Директор _____	(йўлланманинг рақами ва санаси, йўлланмани берган орган)
(Ф.И.О.)	_____
М.Ў. _____	_____
Имзо	_____
_____	(шахснинг имтиёзли тоифага тегишлилигини тасдиқловчи ҳужжатнинг рақами ва берилган санаси)
_____	_____
_____	(Яшаш жойи)

Вазирлар Маҳкамасининг
2004 йил 8 июндаги 264-сон қарорига
3-ИЛОВА

Шошинч тиббий ёрдамга муҳтож беморларни шифохонага ётқизиш тўғрисида НИЗОМ

Мазкур Низом Ўзбекистон Республикаси Президентининг «Соғлиқни сақлаш тизимини янада ислох қилиш чора-тадбирлари тўғрисида» 2003 йил 26 февралдаги ПФ-3214-сон Фармонига мувофиқ ишлаб чиқилган ва шошинч тиббий ёрдамга муҳтож беморларни республика ихтисослаштирилган тиббиёт марказларига (кейинги ўринларда Марказлар деб аталади) жойлаштириш масалаларини тартибга солиди.

Ушбу Низом фақат юқорида кўрсатилган Фармонга мувофиқ ташкил қилинган Марказларга татбиқ этилади.

I. Оғир беморларни қабул қилиш тартиби

1. Тез тиббий ёрдам орқали ёки мустақил равишда Марказнинг қабулхонасига оғир аҳволда келган беморлар шифокор томонидан, тунги вақтларда эса масъул навбатчи шифокор томонидан текширувдан ўтказилади. Зарур ҳолларда ташхис қўйиш текширувлари ўтказилади ва зарур тиббий ёрдам кўрсатилади.

Аниқ ташхис қўйиш учун тегишли мутахассислар чақирилиши мумкин ва консилиум ўтказилади.

2. Оғир аҳволда келган бемор тўғрисида Марказ директориغا, унинг ўз жойида бўлмаган пайтларида эса — Марказ бўйича масъул навбатчи шифокорга хабар берилади.

3. Агар оғир аҳволда келган беморларнинг аҳоли мазкур Низомга иловада келтирилган ҳолатлар рўйхати бўйича ихтисослашган бўлса, улар Марказга ётқизиши мумкин.

Агар беморнинг аҳоли иловада кўрсатилган тез ёрдам кўрсатиш ҳолатлари рўйхатига тегишли бўлмаса, у ҳолда бемор белгиланган тартибда тегишли даволаш муассасаларига жўнатилади.

Рўйхатдан ўтказиш дафтариغا беморнинг фамилияси, исми ва отасининг исми, келиб тушган вақти, уни Марказга транспортда олиб келиниши, ётқизилиши рад этилганлигининг сабаби ёзилади ва унда Марказ бўйича масъул навбатчи шифокорнинг имзоси бўлади. Бундан ташқари, беморга белгиланган тартибда хулоса берилади.

4. Қабулхона шифокори томонидан беморда юқумли касаллик аниқланганда, Ўзбекистон Республикаси Соғлиқни сақлаш вазирлигининг Алоҳида юқумли ва паразитар касалликларни ҳисобга олиш бўйича Йўриқномасига мувофиқ чоралар кўрилади.

II. Оғир беморларни даволашга квоталарни белгилаш ва харажатларни қоплаш тартиби

5. Марказларга шошинч тарзда келган беморларнинг чекланган йўл қўйиладиган сони нисбати поликлиникаларнинг қабул қилиш қуввати ва ўрин фондидан келиб чиққан ҳолда белгиланади:

Урология маркази бўйича — 2 фоиз;

Кўз микрохирургияси маркази бўйича — 3 фоиз;

Кардиология маркази бўйича — 5 фоиз;

Академик В. Воҳидов номидаги жарроҳлик маркази бўйича — 8 фоиз.

Марказга белгиланган квоталардан ортиқ ётқизилган оғир беморларга қилинган харажатлар Марказларнинг ўз маблағлари ҳисобидан қопланади.

6. Имтиёзли тоифага кирувчи беморларга Марказ томонидан беморларни шошилиш тиббий ёрдам марказларида даволашнинг белгиланган чекланган муддатларига мувофиқ ҳамда кейинчалик ётқизилишини белгиланган тартибда Ўзбекистон Республикаси Соғлиқни сақлаш вазирлигида расмийлаштирган ҳолда шошилиш тиббий ёрдам кўрсатилади.

7. Имтиёзли тоифага кирувчи беморларга шошилиш тиббий ёрдам кўрсатиш харажатлари Имтиёзли тоифага кирувчи беморларга ордер бериш, шифохонага жойлаштириш ва давлат бюджети маблағлари ҳисобига даволаш қийматини тўлаш Тартибига мувофиқ давлат бюджети маблағлари ҳисобидан тўланади.

8. Имтиёзли тоифага кирмайдиган беморлар шошилиш тартибда юқори технологияли (қиммат турадиган) операция қилинганда даволаш қиймати белгиланган тартибда тўланади.

III. Назорат ва ҳисобот

9. Марказлар оғир аҳволда келган беморларнинг ва уларни даволаш билан боғлиқ харажатларнинг ҳисобини алоҳида юритадилар.

10. Марказнинг шошилиш тиббий ёрдамга муҳтож беморларни жойлаштиришга оид фаолиятини Ўзбекистон Республикаси Соғлиқни сақлаш вазирлиги назорат қилади.

Шошилиш тиббий ёрдамга муҳтож
беморларни шифохонага ётқизиш
тўғрисидаги низомга
ИЛОВА

Республика ихтисослаштирилган тиббиёт марказларига шошилиш ётқизилиши талаб қилинадиган беморларнинг ҳолатлари рўйхати

I. Академик В.Воҳидов номидаги Республика ихтисослаштирилган жарроҳлик маркази

1. Тўлиқ AV блокада синдроми
2. Юрак тампонлаш синдроми
3. Туғма юрак илллати бор беморларнинг нафас қисиш-цианли хуружлари
4. Юрак илллати бўлганда шишиш ҳолатлари ва ўпканинг шишиши
5. Зудлик билан реконструктив аралашув талаб этиладиган магистрал томирларнинг травматик шикастланиши ва аневризмлари
6. Ўткир миокард инфаркти, юрак ва магистрал томирларнинг ғайритабiiй та-начаси, магистрал томирларнинг тромбозлари

7. Нафас йўлларининг ўткир обструкция синдроми ва ошқозон-ичак тракти ғайритабиий таначаси
8. Қизилўнгачнинг травматик шикастланиши
9. Профуз ўпка, қизилўнгач ва ошқозон-ичакдан қон кетиши
10. Перитонит
11. Жигар фаолиятидаги етишмовчилик синдроми фонидаги механик сариқ касали
12. Паренхиматоз органларининг травматик шикастланиши
13. Ўз-ўзидан юзага келадиган пневмоторакс

II. Республика ихтисослаштирилган урология маркази

1. Шок ҳолати асоратида ва беморни олиб юриш имкони бўлмаган урологик касалликлар

III. Республика ихтисослаштирилган кардиология маркази

1. Кардиоген шоки, ҳаёт учун хавfli аритмиялар, ўпка шиши асоратида ўткир миокард инфаркти
2. Энцефалопатия, мия инсулти, ўпка шиши орқали ўтувчи гипертоник кризислар
3. Оғир юрак фаолиятидаги етишмовчилик (III даражаси) ва ҳаётга хавф солувчи аритмиялар асоратида дилатацион кардиомиопатия.

IV. Республика ихтисослаштирилган кўз микрохирургияси маркази

1. Глаукоманинг ўткир хуружи
2. Глаукоманинг факоморфик хуружи
3. Глаукоманинг факолитик хуружи
4. Глаукоманинг факотопик хуружи
5. Операциядан кейинги (икки ҳафтагача) асоратлар натижасида беморнинг айбисиз пайдо бўлган яралар:
Кўзга рангли парда тушиши
операция тикувларининг операциядан кейин ёрилиши ва айрилиши
қолган хрустал массаларнинг ювилиб кетиши
томир қобиғининг чўкиши ва жарроҳлик аралашуви талаб қилинадиган бошқа ҳолатлар.

Вазирлар Маҳкамасининг
2004 йил 8 июндаги 264-сон қарорига
4-ИЛОВА

**Республика ихтисослаштирилган марказлари даромадларини
шакллантиришнинг асосий манбалари ва улар фаолиятини
молиялаштириш тартиби тўғрисида
НИЗОМ**

Мазкур Низом Ўзбекистон Республикаси Президентининг «Соғлиқни сақлаш тизимини янада ислох қилиш чора-тадбирлари тўғрисида» 2003 йил 26 февралдаги ПФ-3214-сон Фармонига мувофиқ ишлаб чиқилган ва республика ихтисослаштирилган тиббиёт марказлари (кейинги ўринларда Марказлар деб аталади) даромадларини шакллантиришнинг асосий манбаларини ҳамда уларнинг фаолиятини молиялаштириш тартибини белгилайди.

Ушбу Низомнинг амал қилиши юқорида кўрсатилган Фармонга мувофиқ ташкил қилинган Марказларга татбиқ этилади.

I. Марказ даромадларини шакллантириш манбалари

1. Қуйидагилар Марказлар даромадларини шакллантиришнинг асосий манбалари ҳисобланади:

Марказларнинг ўз даромадлари;

Давлат бюджети ва бюджетдан ташқари жамғармалар маблағлари;

Марказлар ихтиёрига юридик ва жисмоний шахслар томонидан пул ва бошқа маблағларнинг беғараз берилиши;

банк ва молиявий муассасаларнинг, бошқа юридик шахсларнинг кредитлари;

Ўзбекистон Республикасининг қонун ҳужжатларига зид бўлмаган тартибда жалб қилинган бошқа даромадлар.

2. Марказларнинг ўз даромадлари:

тасдиқланган ташҳис қўйиш ва даволаш сифати стандартларига мувофиқ пулли асосда аҳолига тиббий хизматлар кўрсатиш;

Марказларнинг илмий ва ўқув базасида бошқа тиббиёт муассасаларининг соҳа мутахассисларини пулли асосда тайёрлаш;

тиббий дори-дармонлар, физик эритмалар ва қон дори-дармонлари ишлаб чиқариш ҳамда сотиш;

илмий-тадқиқот ишлари натижаларини сотиш;

Марказларнинг фойдаланилмаётган мол-мулкни қонун ҳужжатларида белги-ланган тартибда ижарага бериш;

Ўзбекистон Республикаси қонун ҳужжатлари билан тақиқланмаган бошқа манбалар ҳисобига шакллантирилади.

3. Давлат бюджети маблағлари:

имтиёзли тоифага кирувчи беморларга бепул асосда юқори малакали ихтисослаштирилган тиббий ёрдам кўрсатилганлиги учун Марказларнинг харажатларини қоплашга;

Соғлиқни сақлаш вазирлиги томонидан Ўзбекистон Республикаси Молия вазирлиги ва Ўзбекистон Республикаси Монополиядан чиқариш ва рақобатни ривожлантириш давлат қўмитаси билан келишилган ҳолда белгиланган имтиёзли тарифлар бўйича аҳолига ихтисослаштирилган ва юқори технологияли (қиммат туради-ган) тиббий хизмат турлари кўрсатилганлиги учун харажатларни қоплашга;

Марказларни Ўзбекистон Республикаси соғлиқни сақлаш тизимини ислоҳ қилиш давлат дастури ҳамда ҳар йил тасдиқланадиган инвестиция дастурлари доирасида замонавий, юқори технологияли ташҳис қўйиш тиббиёт асбоб-анжомлари ва техникаси билан тўлиқ жиҳозлашга;

Марказларни мукамал реконструкция қилиш ва таъмирлашга;
илмий-тадқиқот фаолиятига илмий грантлар тарзида ажратилади.

4. Давлат бюджетидан маблағлар Марказларнинг 2008 йилдан кечикмай ўзини ўзи маблағ билан таъминлашга ва ўз харажатларини ўзи қоплашга эришган ҳолда маблағларни босқичма-босқич қисқартиришни ҳисобга олиб ажратилади.

5. Молия муассасаларининг кредит маблағларини Марказнинг мол-мулкни гаровга қўйган ҳолда жалб этиш кредит лойиҳасининг техник иқтисодий асослашлари фақат Молия вазирлиги, Соғлиқни сақлаш вазирлиги ва Ўзбекистон Республикаси Давлат мулкни бошқариш ва тадбиркорликни қўллаб-қувватлаш давлат қўмитаси билан келишгандан кейин амалга оширилиши мумкин.

6. Марказлар давлат бюджетига барча турдаги солиқлар ва ўз эҳтиёжлари учун келтирилмаган тиббий ускуналар ва анжомлар, доривор воситалар ва тиббиёт буюмлари учун божхона тўловлари (божхона расмийлаштируви йиғимларидан ташқари) тўлашдан озод этилиши муносабати билан шаклланадиган даромадларининг ҳисобини, кейинчалик уларни ҳар чоракда банкдаги алоҳида ҳисоб рақамида жамлаган ҳолда алоҳида юритадилар.

II. Марказнинг ўз даромадларидан фойдаланиш тартиби

7. Марказларнинг мазкур Низомнинг 2-бандида белгиланган манбалардан жалб қилинган ўз даромадлари Марказларнинг хизмат кўрсатувчи тижорат банкларидаги бюджетдан ташқари депозит ҳисоб рақамларига ўтказилади ҳамда:

Марказларнинг жорий таъминотиغا;

Марказларни ривожлантириш ва уларнинг моддий-техника базасини мустаҳкамлаш, уларни энг замонавий ташҳис қўйиш ва даволаш ускуналари, тиббий анжомлар билан жиҳозлаш тадбирларига;

Марказлар шифокорлари ва тиббий ходимларининг беморларни даволашга қўшган ҳиссаларига мувофиқ улар меҳнатини моддий рағбатлантиришга, шунингдек ижтимоий ривожлантиришга;

Марказлар мутахассисларини тайёрлаш, қайта тайёрлашга ва уларнинг малакасини оширишга;

пулли асосда кўрсатилган тиббий хизматлар, товарлар ва ишларни бажариш ва сотиш бўйича жами харажатларни қоплашга;

мавжуд кредиторлик қарзларни тўлашга;

Марказлар фаолиятини таъминлаш билан боғлиқ бошқа мақсадларга фойдаланилади.

8. Марказларнинг тўлов муддати ўтган кредиторлик қарзлари мавжуд бўлган тақдирда, Марказларнинг ўз даромадлари (товарлар, ишлар ва хизматларни бажариш ва сотиш бўйича жами харажатлар ўрнини тўлдиргандан кейин) мавжуд қарзларни тўлашга сарфланади.

9. Агар кредиторлик қарзлар имтиёзли тоифага кирувчи шахсларнинг белгиланган режадаги сони учун тасдиқланган бюджет ажратмалари лимитидан кўпроқ сарфлар билан тиббий хизмат кўрсатиш сабабли юзага келган тақдирда, бюджетдан ташқари маблағлар (товарлар, ишлар ва хизматларни бажариш ва сотиш бўйи-

ча харажатлар ўрнини тўлдиргандан кейин) кредиторлик қарзларни тўлашга давлат бюджети маблағларидан қопламаган ҳолда йўналтирилади.

10. Юридик ва жисмоний шахслардан Марказ томонидан олинган пул ва бошқа шаклдаги беғараз ёрдам маблағлари уларнинг моддий-техник базасини мустаҳкамлашга сарфланади.

11. Давлат бюджетига барча турдаги солиқлар ва ўз эҳтиёжлари учун келтирилладиган тиббий ускуналар ва асбоблар, доривор воситалар ва тиббиёт буюмлари учун божхона тўловлари (божхона расмийлаштируви йиғимларидан ташқари) тўлашдан озод этилиши муносабати билан шаклландиган даромадлари:

Марказларни даволаш ва ташҳис қўйиш ускуналари, тиббий асбоблар билан жиҳозланиш нормативлари асосида тўлиқ жиҳозлаш;

Марказларнинг тиббий ходимларини, шу жумладан чет элларда, тайёрлаш, қайта тайёрлаш ва уларнинг малакасини ошириш учун сарфланади.

12. Банклар кредитлари Марказ томонидан фақат инвестиция мақсадлари учун Марказнинг даромадлари ҳисобига 7 йилдан кўп бўлмаган муддатда уларни қайтариш шarti билан жалб қилиниши мумкин.

III. Марказларни бюджет маблағлари ҳисобига молиялаштириш тартиби

13. Марказларни Давлат бюджети маблағларидан молиялаштириш мақсадида, Марказлар томонидан кейинги молиявий йил учун бюджет ажратмаларини олиш учун қуйидагилардан келиб чиққан ҳолда, белгиланган тартибда буюртманомалар тузилади:

маслаҳат поликлиникаларининг мавжуд ўринлари, уларнинг айланиб туриши ва қабул қилиш қувватининг 20 фоизига қадар ҳажмда бепул асосда, юқори малакали ихтисослаштирилган тиббий ёрдам кўрсатилладиган имтиёзли тоифага кирувчи шахсларнинг белгиланган режадаги сони;

Ўзбекистон Республикаси Соғлиқни сақлаш вазирлиги томонидан Молия вазирлиги ҳамда Монополиядан чиқариш ва рақобатни ривожлантириш давлат қўмитаси билан келишган ҳолда белгиланган имтиёзли тарифлар бўйича тиббий ёрданинг мураккаб, юқори технологияли (қиммат турадиган) турлари кўрсатилладиган имтиёзли тоифага кирувчи шахсларнинг белгиланган режадаги сони;

битта беморни стационар ва алоҳида амбулатория шароитида, бепул асосда имтиёзли тоифага кирувчи шахсларни ҳам, даволашнинг имтиёзли тарифлари бўйича даволанган шахсларни ҳам даволашга ҳисобланган ўртача харажатлар ставкаси;

Ўзбекистон Республикаси Вазирлар Маҳкамаси томонидан тасдиқланган Марказни даволаш ва ташҳис қўйиш ускуналари, тиббий асбоблар билан жиҳозланиш нормативларига мувофиқ тўлиқ жиҳозлаш учун инвестиция харажатларининг техник-иқтисодий асослашлари;

Марказларни мукамал реконструкция қилиш ва таъмирлашни амалга ошириш учун техник-иқтисодий ҳисоб-китоблар.

14. Ўзбекистон Республикаси Соғлиқни сақлаш вазирлигига Марказлар томонидан бюджет буюртманомалари жорий йилнинг 1 июнидан кечикмасдан тақдим этилади, Вазирлик республика бюджетидан молиялаштирилладиган соғлиқни сақлаш муассасаларининг бюджет буюртманомалари кўриб чиқилган ва умумлаштирилгандан кейин, Ўзбекистон Республикаси Молия вазирлигига Марказлар бўйича харажатларни алоҳида параграф билан ажратган ҳолда, жорий йилнинг 1 июлидан кечикмасдан йиғма бюджет буюртманомаларини тақдим этади.

15. Ўзбекистон Республикаси Молия вазирлиги навбатдаги молиявий йил учун давлат бюджети параметрлари қонун ҳужжатларида белгиланган тартибда тасдиқлангандан кейин бир ҳафта муддатда Ўзбекистон Республикаси Соғлиқни сақлаш вазирлигига бюджет ажратмалари ҳажмини, Марказлар учун алоҳида сатрда ҳар бир Марказга тақсимланган ҳолда етказилади.

16. Марказларнинг навбатдаги молиявий йил учун харажатлар сметаси Марказлар томонидан ишлаб чиқилади, Соғлиқни сақлаш вазирлиги томонидан тасдиқланади ва Молия вазирлиги томонидан қабул қилинган бюджет буюртманомаларига мувофиқ ҳамда навбатдаги молиявий йил учун тасдиқланган давлат параметрлари доирасида Ўзбекистон Республикаси Молия вазирлигида рўйхатдан ўтказилади.

17. Ўзбекистон Республикаси Соғлиқни сақлаш вазирлигига давлат бюджети маблағлари Марказларни молиялаштириш учун ҳар ойда йиллик бюджет суммасининг 1/12 миқдоридан, бошқа харажатлар таркибидан (хизмат кўрсатувчи тижорат банкларидаги махсус бюджет ҳисоб рақамларига ўтказган ҳолда) харажат моддалари бўйича бўлмасдан:

имтиёзли тоифага кирувчи беморларга юқори малакали ихтисослаштирилган тиббий ёрдам кўрсатиш бўйича харажатларни қоплашга;

Соғлиқни сақлаш вазирлиги томонидан Ўзбекистон Республикаси Молия вазирлиги ҳамда Монополиядан чиқариш ва рақобатни ривожлантириш давлат қўмитаси билан келишган ҳолда белгиланган имтиёзли тарифлар бўйича имтиёзли тоифага кирувчи шахсларга юқори технологияли ихтисослаштирилган (қиммат турадиган) тиббий хизматлар кўрсатиш бўйича Марказларнинг харажатларини қоплашга ажратилади.

Бюджет ажратмаларининг ушбу турлари, ўз харажатларини ўзи қоплашга ва ўзини ўзи маблағ билан таъминлашга ўтаётганда уларнинг даромадларига кейинчалик киритган ҳолда, Марказларнинг хўжалик фаолиятдан тушган ўз маблағлари деб ҳисобга олинади.

18. Марказлар Ўзбекистон Республикаси Вазирлар Маҳкамаси ҳузуридаги Фан ва технологиялар маркази билан тузилган контрактларга мувофиқ олиб бориладиган илмий-тадқиқот ишларини молиялаштиришга грантлар тарзида бюджет маблағлари олиш ҳуқуқига эгадир.

19. Ўзбекистон Республикаси соғлиқни сақлаш тизимини ислоҳ қилиш давлат дастури ҳамда Марказларни мукамал реконструкция қилиш ва таъмирлашни амалга оширишга, шунингдек замонавий тиббий асбоб-усқуналар ва техникалар билан жиҳозлашга ҳар йилги инвестиция дастурлари доирасида Марказларга бюджет ажратмалари ажратилиши мумкин.

20. Ҳисобот йили охиридаги фойдаланилмаган бюджет маблағлари суммаси кейинги молиявий йилга ўтади ва улардан белгиланган тартибда фойдаланилади.

IV. Ҳисобга олиш, ҳисобот ва назорат қилиш

21. Марказлар қонун ҳужжатларида белгиланган тартибда:

пулли асосда ва Давлат бюджети маблағлари ҳисобидан кўрсатилган тиббий ёрдам учун даромадлар ва харажатлар бўйича алоҳида бухгалтерия ҳисоби ва ҳисоботини юритадилар;

Ўзбекистон Республикаси Молия вазирлиги ва Соғлиқни сақлаш вазирлигига зарур смета-молия ҳужжатларини тақдим этадилар;

ҳужжатларнинг сақланиши ва уларнинг келишилган рўйхатга мувофиқ давлат томонидан сақлашга берилиши учун жавоб берадилар.

22. Марказлар битта беморни стационар ва алоҳида амбулатория шароитида даволаш, бепул асосда имтиёзли тоифага кирувчи шахсларни ҳам, пулли асосда даволанган шахсларни ҳам даволашга, шунингдек даволашнинг имтиёзли тарифлари бўйича юқори технологияли, ихтисослаштирилган (қиммат турадиган) тиббий ёрдам кўрсатиш турлари бўйича харажатларнинг алоҳида ҳисобини юритадилар.

23. Марказларнинг даромадларини шакллантириш ва уларни мақсадли сарфлашнинг белгиланган тартибига риоя қилиниши юзасидан назорат Ўзбекистон Республикаси Молия вазирлигининг Назорат-тафтиш бош бошқармаси ҳамда Ўзбекистон Республикаси Монополиядан чиқариш ва рақобатни ривожлантириш давлат қўмитаси томонидан амалга оширилади.

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

266 Ўзбекистон Республикаси Вазирлар Маҳкамаси ҳузуридаги Давлат дон инспекцияси фаолиятини ташкил этиш масалалари тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ–3358-сон Фармонида мувофиқ ҳамда доннинг сифатини, сақланишини, дон ва уни қайта ишлаш маҳсулотларидан оқилона фойдаланилишини назорат қилиш даражасини ошириш мақсадида Вазирлар Маҳкамаси **қарор қилади:**

1. Қуйидагилар Ўзбекистон Республикаси Вазирлар Маҳкамаси ҳузуридаги Давлат дон инспекциясининг асосий вазифалари этиб белгилансин:

дон етиштириш, донни қабул қилиш ва қайта ишлаш корхоналарида дон ва донни қайта ишлаш маҳсулотларининг давлат ресурсларидан белгиланган мақсадда оқилона фойдаланилишини, уларнинг сифатли сақланиши ҳамда нобуд бўлишини қисқартириш таъминланиши устидан давлат назоратини амалга ошириш;

дон ва донни қайта ишлаш маҳсулотларига норматив-техник ҳужжатлар ҳамда техник шартлар талабларига, шунингдек қабул қилиш, сақлаш, қайта ишлаш ва экспорт-импорт операцияларида уларнинг сифатини синаш методларига риоя қилинишини мунтазам назорат қилиб бориш;

дон етиштирувчиларга ва донни сақлаш ҳамда қайта ишлаш корхоналарига донни ўриб-йиғиб олиш, тозалаш, қуритиш, ишлов бериш, қабул қилиш, сақлаш ва қайта ишлашга оид норматив-ҳужжатларни, илғор технологияларни жорий этиш масалалари бўйича услубий ва амалий ёрдам кўрсатиш.

2. Қуйидагилар:

Ўзбекистон Республикаси Вазирлар Маҳкамаси ҳузуридаги Давлат дон инспекциясининг ташкилий тузилмаси ва марказий аппарати тузилмаси 1 ва 2-иловаларга мувофиқ;

Ўзбекистон Республикаси Вазирлар Маҳкамаси ҳузуридаги Давлат дон инспекцияси тўғрисидаги Низом 3-иловага мувофиқ тасдиқлансин.

3. Ўзбекистон Республикаси Вазирлар Маҳкамаси ҳузуридаги Давлат дон инс-

пекцияси ходимларининг чекланган умумий сони 81 нафар, шу жумладан бошқарув ходимлари сони 39 нафар, улардан марказий аппаратда тегишли равишда 11 ва 8 нафардан иборат этиб белгилансин.

Ўзбекистон Республикаси Вазирлар Маҳкамаси ҳузуридаги Давлат дон инспекцияси бошлиғига зарурат бўлганда «Ўздавдонинспекция» тузилмасига ходимларнинг белгиланган умумий сони доирасида ўзгартиришлар киритиш ҳуқуқи берилсин.


4. Ўзбекистон Республикаси Ҳукуматининг 4-иловага мувофиқ айрим қарорларига ўзгартиришлар киритилсин.

5. Мазкур қарорнинг бажарилишини назорат қилиш Ўзбекистон Республикасининг Бош вазири Ш.М. Мирзиёев зиммасига юклансин.

Вазирлар Маҳкамасининг Раиси И. КАРИМОВ

Тошкент ш.,
2004 йил 8 июнь,
269-сон


**Ўзбекистон Республикаси Вазирлар Маҳкамаси ҳузуридаги Давлат дон
инспекциясининг ташкилий тузилмаси**



Ходимларнинг чекланган умумий сони – 81 киши, шу жумладан бош қарув ходимлари – 39 киши (улардан марказий аппаратда – 8 киши ва ҳудудий бўлинмаларда – 31 киши).

Вазирлар Маҳкамасининг
2004 йил 8 июндаги 269-сон қарорига
2-ИЛОВА

Ўзбекистон Республикаси Вазирлар Маҳкамаси ҳузуридаги Давлат дон инспекцияси марказий аппаратининг тузилмаси



Марказий аппарат ходимларининг чекланган умумий сони — 11 киши, шу жумладан бошқарув ходимлари — 8 киши.

Вазирлар Маҳкамасининг
2004 йил 8 июндаги 269-сон қарорига
3-ИЛОВА

Ўзбекистон Республикаси Вазирлар Маҳкамаси ҳузуридаги Давлат дон инспекцияси тўғрисида НИЗОМ

І. Умумий қоидалар

1. Ўзбекистон Республикаси Вазирлар Маҳкамаси ҳузуридаги Давлат дон инспекцияси («Ўздавдонинспекция») дон, мойли экинлар, уларнинг уруғлари, шунингдек ун, ёрма, кепак, қўшимча маҳсулотлар, чиқиндилар, омухта озукаларнинг (кейинги ўринларда дон ва донни қайта ишлаш маҳсулотлари деб аталади) давлат ресурсининг сифати, сақланиши ва оқилона фойдаланилиши устидан давлат назорати соҳасида махсус ваколатли давлат бошқаруви органи ҳисобланади.

2. Ўзбекистон Республикаси Вазирлар Маҳкамаси ҳузуридаги Давлат дон инспекцияси тизимига ҳудудий бўлинмалар, марказий ва минтақавий лабораториялар киради.

Худудий бўлинмалар, марказий ва минтақавий лабораториялар маҳаллий давлат ҳокимияти органларидан мустақилдир ва бевосита «Ўздавдонинспекция»га ҳисоб беришади.

3. «Ўздавдонинспекция» ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлисининг қарорлари ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек ушбу Низомга амал қилади.

4. «Ўздавдонинспекция» ва унинг худудий бўлинмалари давлат бошқаруви бошқа органлари, ҳуқуқни муҳофаза қилиш органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорлик қилдилар.

5. «Ўздавдонинспекция», унинг худудий бўлинмалари, марказий ва минтақавий лабораторияларининг моддий-техника таъминоти, шунингдек инспекция тизими ходимлари меҳнатига ҳақ тўлаш «Ўздавдонинспекция»га ажратиладиган маблағлар доирасида давлат бюджети маблағлари ҳамда хўжалик фаолиятдан олинадиган маблағлар ҳисобига амалга оширилади.

6. «Ўздавдонинспекция» юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

II. Инспекциянинг вазифалари ва функциялари

7. Қуйидагилар «Ўздавдонинспекция»нинг асосий вазифалари ҳисобланади:

дон етиштириш, донни қабул қилиш ва қайта ишлаш корхоналарида дон ва донни қайта ишлаш маҳсулотларининг давлат ресурсларидан белгиланган мақсадда оқилона фойдаланилиши, уларнинг сифатли сақланиши ҳамда нобуд бўлишини қисқартириш таъминланиши устидан назоратни амалга ошириш;

дон ва донни қайта ишлаш маҳсулотларига норматив-техник ҳужжатлар ҳамда техник шартлар талабларига, шунингдек қабул қилиш, сақлаш, қайта ишлаш ва экспорт-импорт операцияларида уларнинг сифатини синаш методларига риоя қилинишини мунтазам назорат қилиб бориш;

дон ва донни қайта ишлаш маҳсулотлари сифатини ошириш масалалари бўйича давлат сиёсатини шакллантириш учун таклифлар ишлаб чиқиш;

дон етиштирувчиларга ва донни сақлаш ҳамда қайта ишлаш корхоналарига донни ўриб-йиғиб олиш, тозалаш, қуритиш, ишлов бериш, қабул қилиш, сақлаш ва қайта ишлашга оид норматив-техник ҳужжатларни, илғор технологияларни жорий этиш масалалари бўйича услубий ва амалий ёрдам кўрсатиш.

8. «Ўздавдонинспекция» ўзига юкланган вазифаларни бажариш учун қуйидаги функцияларни амалга оширади:

дон ва донни қайта ишлаш маҳсулотлари сифати, сақланиши, улардан оқилона фойдаланилиши, уларни жойлаштириш, ишлаб тайёрлаш, қайта ишлаш, сотишнинг зарур тартибига риоя қилиниши, уларни миқдори ва сифати бўйича ҳисобга олишнинг тўғрилиги, дон ва донни қайта ишлаш маҳсулотларининг давлат ресурсларидан фойдаланувчи корхоналарда уларни сақлашда табиий нобуд бўлиш нормалари қўлланишининг асосланганлиги устидан давлат назоратини амалга оширади;

республика худудида хўжалик юритувчи субъектлар ўртасида пайдо бўладиган баҳсли ҳолларда, шунингдек экспорт-импорт операцияларида ўз ваколатлари доирасида дон ва донни қайта ишлаш маҳсулотлари сифати бўйича синовлар ўтказиши ҳамда жисмоний ва юридик шахслар учун мажбурий бўлган хулосалар беради.

«Ўздавдонинспекция»нинг дон маҳсулотлари сифати бўйича хулосаси узил-кесил ҳисобланади;

Вазирлар Маҳкамасининг топшириқларига биноан озиқ-овқат балансларини тузишда қатнашади, харид қилиш мўлжалланаётган дон сифати бўйича, шу жумладан импорт бўйича, шунингдек уни экспорт қилишда, таклифлар киритади;

давлат ресурсларидаги донни сақлаш ва қайта ишлаш билан шуғулланувчи корхоналар ва ташкилотлар раҳбарларининг доннинг сифати, сақланиши ва ундан оқилона фойдаланилиши масалалари бўйича ҳисоботларини эшитади;

дон ва донни қайта ишлаш маҳсулотлари сифати, сақланиши, улардан оқилона фойдаланиш, уларнинг ҳисобини юритиш, улардан фойдаланиш билан боғлиқ технологик жараёнларни амалга ошириш, шу жумладан ташиш ва сақлаш вақтида уларнинг табиий нобуд бўлиши нормаларини аниқлаш масалалари бўйича норматив-техник ҳужжатларни ишлаб чиқади, белгиланган тартибда тасдиқлайди ва келишиб олади;

бош давлат дон инспекторлари иш тартибини тартибга солувчи текшириш қоидаларини, шунингдек дон ва донни қайта ишлаш маҳсулотлари сифати тўғрисидаги сертификатлар шаклини ишлаб чиқади ва белгиланган тартибда тасдиқлайди;

дон ва донни қайта ишлаш маҳсулотлари сифатини ошириш ҳамда улардан оқилона фойдаланиш давлат дастурларини тайёрлашда қатнашади;

давлат ресурсидаги дон сифатининг ёмонлашиши, нобуд бўлиши ҳоллари ва сабабларини аниқлайди, зарурат бўлганда уларни бартараф этиш бўйича ёзма буйруқлар беради ва Ўзбекистон Республикаси Вазирлар Маҳкамасини, маҳаллий давлат ҳокимияти органларини дон ва донни қайта ишлаш маҳсулотлари давлат ресурсининг сақланиши ва улардан фойдаланиш ишларининг ахволи тўғрисида хабардор қилади;

харид қилишда, экспорт-импорт операцияларида, республика ичида ташишда дон ва донни қайта ишлаш маҳсулотларини давлат томонидан мажбурий назорат қилишни амалга оширади;

дон қабул қилиш ва донни қайта ишлаш корхоналари билан биргаликда давлат ресурсларига харид қилинадиган янги ҳосил дони сифатини ҳар йили текширувдан ўтказиши, унинг технологик тавсифларини таҳлил қилади.

9. «Ўздавдонинспекция» ўзига юкланган вазифалар ва функцияларни бевосита, шунингдек ўзининг ҳудудий бўлинмалари, марказий ва минтақавий лабораториялари орқали ҳал қилади.

III. Инспекциянинг ҳуқуқлари ва жавобгарлиги

10. «Ўздавдонинспекция» ўзига юкланган вазифалар ва функцияларни бажариш учун қуйидаги ҳуқуқларга эга:

дон ва донни қайта ишлаш маҳсулотларини ишлаб чиқарувчи, сақловчи, қайта ишловчи ва давлат ресурсларига сотувчи корхоналар ва ташкилотларни белгиланган тартибда текшириш;

текширилаётган корхоналар ва ташкилотларнинг текшириш билан боғлиқ масалалар бўйича ҳужжатлари билан танишиш;

ўз ваколатлари доирасида юридик ва жисмоний шахслар учун бажариш мажбурий бўлган қарорлар қабул қилиш, белгиланган тартибда маъмурий жазолар белгилаш, шунингдек дон ва донни қайта ишлаш маҳсулотлари сифатини баҳолаш, қабул қилиб олиш, жойлаштириш, сақлаш ва қайта ишлаш қоидаларининг аниқ-

ланган бузилишларини белгиланган муддатда бартараф этиш тўғрисида ёзма буйруқлар бериш;

корхоналардан дон ва донни қайта ишлаш маҳсулотлари намунасини белгиланган тартибда олиш, текширишлар ўтказиш учун уларнинг лабораторияларидан фойдаланиш ҳамда зарур ҳолларда текшириш билан боғлиқ ишларни бажариш учун корхоналар мутахассисларини жалб қилиш, зарурат бўлганда дон ва донни қайта ишлаш маҳсулотлари намуналарини қўшимча тадқиқ қилиш учун тегишли лабораторияларга жўнатиш;

зарурат бўлганда дон қабул қилиш ва донни қайта ишлаш корхоналарида давлат ресурсларига мўлжалланган дон ва донни қайта ишлаш маҳсулотларининг келтириладиган ва автомобиль ҳамда темир йўл транспортида юклаб жўнатиладиган партияларини, шунингдек давлат ресурсларидаги донни тарозида қайта тартиб кўриш;

дон ва маҳсулотлар қолдиқлари тўғрисидаги маълумотларнинг ишончлилиги асоси равишда шубҳа туғдирган ҳолларда дон ва донни қайта ишлаш маҳсулотлари давлат ресурслари қолдиқларини тарозида қайта тартиб кўрган ёки стандарт масса бўйича қопларга жойлаштирилган маҳсулотни қайта ҳисоблаб чиққан ҳолда навбатдан ташқари хатловдан ўтказишни тайинлаш;

дон ва донни қайта ишлаш маҳсулотларини сақлаш учун яроқсиз бўлган омборларга жойлаштиришни тақиқлаш, технология ва санитария тартибларининг қўпол равишда бузилиши аниқланган ҳолларда айрим ишлаб чиқаришлар, цехлар ва корхоналар ишини, шунингдек норматив ва техник ҳужжатлар талабларига жавоб бермайдиган дон ва донни қайта ишлаш маҳсулотларини белгиланган мақсадда сотишни ушбу тартиб бузилишлари бартараф этилгунга қадар тўхтатиб туриш;

хўжалик юритувчи субъектларга, бирлашмаларга ва бошқа товар ишлаб чиқарувчиларга шартнома асосида дон ва донни қайта ишлаш маҳсулотлари сифатини баҳолаш бўйича хизматлар, шунингдек ўз ваколатлари доирасида бошқа турдаги хизматлар кўрсатиш.

«Ўздавдонинспекция» Ўзбекистон Республикаси қонун ҳужжатларига мувофиқ бошқа ҳуқуқларга ҳам эга бўлиши мумкин.

11. «Ўздавдонинспекция» ўзига юкланган вазифаларнинг самарали бажарилиши учун жавоб беради.

«Ўздавдонинспекция» ва ҳудудий бўлинмалар мансабдор шахсларининг маъмурий жазо чораларини қўлланиш бўйича хатти-ҳаракатлари юзасидан шикоят бериш қонун ҳужжатларига мувофиқ амалга оширилади.

12. «Ўздавдонинспекция» ва унинг ҳудудий бўлинмалари мансабдор шахслари ўз хизмат вазифаларини зарур даражада бажармаганлиги, шунингдек текшириладиган корхона ва ташкилотларнинг давлат ва тижорат сирларини ошкор этганликлари учун қонун ҳужжатларида белгиланган тартибда жавоб берадилар.

IV. Инспекция фаолиятини ташкил этиш

13. «Ўздавдонинспекция»ни қонун ҳужжатларида белгиланган тартибда лавозимга тайинладиган ва лавозимдан озод қилинадиган бошлиқ бошқаради.

«Ўздавдонинспекция» бошлигининг қонун ҳужжатларида белгиланган тартибда лавозимга тайинладиган ва лавозимдан озод қилинадиган бир нафар ўринбосари бўлади.

«Ўздавдонинспекция» бошлиғи мақомига кўра вазирнинг биринчи ўринбосарига, бошлиқ ўринбосари — вазир ўринбосарига тенглаштирилади.

«Ўздавдонинспекция» марказий лабораторияси мудир бевосита Давлат дон инспекцияси бошлиғига бўйсунди.

Минтақавий лабораториялар мудирлари ўз жорий ишларини жойлашган жойидаги ҳудудий бўлинма бош давлат инспектори раҳбарлигида ва марказий лабораториянинг методик ёрдамида амалга оширади.

14. «Ўздавдонинспекция» бошлиғи:

«Ўздавдонинспекция» фаолиятига умумий раҳбарликни яқка бошчилик асосида амалга оширади ҳамда «Ўздавдонинспекция»га юкланган вазифалар ва функцияларнинг бажарилиши учун шахсан жавоб беради;

«Ўздавдонинспекция» марказий аппарати тузилмасига ўзгартиришлар киритади, ходимларнинг белгиланган умумий сони доирасида штатлар жадвалини, шунингдек «Ўздавдонинспекция» марказий аппарати, ҳудудий бўлинмалар харажатлари сметасини тасдиқлайди;

«Ўздавдонинспекция»нинг таркибий ва ҳудудий бўлинмалари тўғрисидаги низомларни белгиланган тартибда тасдиқлайди;

«Ўздавдонинспекция» марказий аппарати ходимларини, «Ўздавдонинспекция»нинг ҳудудий бўлинмалари, марказий ва минтақавий лабораториялари раҳбарлари ҳамда ходимларини белгиланган тартибда лавозимга тайинлайди ва лавозимдан озод қилади.

Бошлиқ қонун ҳужжатларига мувофиқ бошқа ваколатларни амалга оширади.

15. Ҳудудий бўлинмалар ўз фаолиятини «Ўздавдонинспекция» томонидан тасдиқланадиган низомга мувофиқ амалга оширадилар.

16. «Ўздавдонинспекция»ни тугатиш ва қайта ташкил этиш қонун ҳужжатларида белгиланган тартибда амалга оширилади.

Вазирлар Маҳкамасининг
2004 йил 8 июндаги 269-сон қарорига
4-ИЛОВА

Ўзбекистон Республикаси Ҳукуматининг айрим қарорларига киритилаётган ўзгартиришлар

1. Вазирлар Маҳкамасининг «Ўзбекистон Республикаси Вазирлар Маҳкамаси ҳузурида Давлат дон инспекциясини ташкил қилиш тўғрисида» 1996 йил 4 ноябрдаги 377-сон қарорининг 2, 3-бандлари, 4-бандининг биринчи ва иккинчи хатбоши, 5, 6 ва 11-бандлари, шунингдек қарорга 1 ва 2-иловалар ҳамда Вазирлар Маҳкамасининг «Дон ва донни қайта ишлаш маҳсулотлари билан операциялар ҳисобини юритиш ва расмийлаштириш бўйича йўриқномани тасдиқлаш тўғрисида» 2001 йил 20 мартдаги 137-сон қарорининг 3-банди ўз кучини йўқотган деб ҳисоблансин.

2. Вазирлар Маҳкамасининг 2001 йил 20 мартдаги 137-сон қарори билан тасдиқланган Дон ва донни қайта ишлаш маҳсулотлари билан операциялар ҳисобини юритиш ва расмийлаштириш бўйича йўриқноманинг 1-бандига қуйидаги мазмундаги тўртинчи хатбоши қўшилсин:

«Ушбу Йўриқноманинг амал қилиши давлат ресурсидаги дон маҳсулотлари ва улуш қўшиш тарзидаги дон билан операцияларни амалга оширувчи корхоналарга ва бошқа хўжалик юритувчи субъектларга татбиқ этилади».

ЎЗБЕКИСТОН РЕСПУБЛИКАСИ ВАЗИРЛАР МАҲКАМАСИНИНГ ҚАРОРИ

267 Ўзбекистон Республикаси Маданият ишлари вазирлиги фаолиятини ташкил этиш масалалари тўғрисида

Ўзбекистон Республикаси Президентининг «Республика давлат бошқаруви органлари тизимини такомиллаштириш тўғрисида» 2003 йил 9 декабрдаги ПФ-3358-сон Фармони бажариш юзасидан ҳамда маданият ва санъатни ҳар томонлама сақлаш ва янада ривожлантириш вазифаларини ҳал этишда Маданият ишлари вазирлигининг ролини ошириш мақсадида Вазирлар Маҳкамаси **қарор қилади**:

1. Қуйидагилар Ўзбекистон Республикаси Маданият ишлари вазирлигининг асосий вазифалари этиб белгилансин:

маданият соҳасида давлат сиёсатини ўтказиш, асрлар давомида шаклланган юксак маънавият, анъаналар ва урф-одатлар, халқимизнинг бой маданий меросини миллий мустақиллик ғоялари асосида тиклаш ва янада ривожлантириш;

миллий мустақиллик ғоялари, Ўзбекистон халқининг маданий ва маънавий-ахлоқий анъаналаридан келиб чиққан ҳолда республика аҳолиси ўртасида маданий-маърифий ишларни амалга ошириш, фуқароларнинг маданий ва эстетик эҳтиёжларини янада тўлароқ қондириш, профессионал, халқ ва ҳаваскорлик ижодиётини кенг тарғиб қилиш;

театр, мусика, хореография, эстрада, цирк ва халқ амалий санъатини янада ривожлантириш, ижодий жамоаларга халқимиз тарихининг энг ёрқин саҳифаларини ва унинг ҳозирги ҳаётини, мамлакатимизни эркин демократик ривожлантиришни акс эттирувчи асарлар яратишда ҳар томонлама қўмаклашиш;

маданий-оммавий ва байрам тадбирларини чуқур ғоявий мазмун билан бойитишни таъминлаш, республика ижодий уюшмалари ва жамоат ташкилотлари билан узвий ҳамкорликни йўлга қўйиш, давлатлараро ва халқаро маданий алоқаларни кенгайтириш;

маданий мерос объектларини муҳофаза қилиш, улардан фойдаланилишини, шунингдек маданий бойликларнинг четдан келтирилишини ва четга олиб чиқиб кетилишини назорат қилиш;

кадрларни миллий ва умуминсоний кадриятлар, инсонпарварлик ва юксак маънавият руҳида тайёрлаш жараёнини такомиллаштириш, кишиларни ўзининг умумтаълим ва маданий савиясини оширишга интилишини рағбатлантириш, уларни миллий ва жаҳон маданиятининг энг яхши намуналарига эриштириш бўйича ишларни ташкил этиш;

кутубхоналар, театрлар, клублар, маданият уйлари ва саройлари, истироҳат боғлари, музейлар ва бошқа маданий-маърифий муассасаларни ривожлантириш ва уларнинг моддий-техника базасини мустаҳкамлаш, маънавий бой, интеллектуал ривожланган ва юксак маданиятли шахсларни тарбиялаш ишидаги имкониятларидан энг қўп ва самарали фойдаланиш;

ижодкор ёшларни ҳар томонлама қўллаб-қувватлаш, уларнинг ўз таланти ва истеъдодини тўлиқ намоён қилишлари учун зарур шарт-шароитлар яратиш.

2. Қуйидагилар:

Ўзбекистон Республикаси Маданият ишлари вазирлиги тизимининг ташкилий тузилмаси ва унинг марказий аппарати тузилмаси 1, 2-иловаларга мувофиқ;

Қорақалпоғистон Республикаси Маданият ишлари вазирлигининг тузилмаси, вилоятлар ва Тошкент шаҳри маданият ишлари бошқармаларининг намунавий тузилмаси ҳамда улар ходимларининг чекланган сони 3, 3а, 4-иловаларга мувофиқ;

Ўзбекистон Республикаси Маданият ишлари вазирлиги тўғрисидаги Низом 5-иловага мувофиқ тасдиқлансин.

3. Ўзбекистон Республикаси Маданият ишлари вазирлиги марказий аппарати ходимларининг чекланган умумий сони 38 нафар, шу жумладан бошқарув ходимлари сони 30 нафар этиб белгилансин.

Ўзбекистон Республикаси Маданият ишлари вазирлигига ходимларининг чекланган умумий сони ва унинг таъминоти харажатлари сметаси доирасида марказий аппарат тузилмасига ўзгартиришлар киритиш ҳуқуқи берилсин.

4. Ўзбекистон Республикаси Ҳукуматининг 6-иловага мувофиқ қарорлари ўз кучини йўқотган деб ҳисоблансин.

5. Мазкур қарорнинг бажарилишини назорат қилиш Ўзбекистон Республикаси Бош вазирининг ўринбосари А.А. Азизхўжаев зиммасига юклансин.


Вазирлар Маҳкамасининг Раиси И. КАРИМОВ

Тошкент ш.,
2004 йил 9 июнь,
272-сон

Ўзбекистон Республикаси Маданият ишлари вазирлиги тизимининг ташкилий тузилмаси




Ўзбекистон Республикаси Маданият ишлари вазирлиги марказий аппаратининг тузилмаси



Изоҳ: Ходимларнинг чекланган умумий сони — 38 киши, шу жумладан бошқарув ходимлари — 30 киши.

Вазирлар Маҳкамасининг
2004 йил 9 июндаги 272-сон қарорига
3-ИЛОВА

**Қорақалпоғистон Республикаси Маданият ишлари
вазирлигининг тузилмаси**



Вазирлар Маҳкамасининг
2004 йил 9 июндаги 272-сон қарорига
3а-ИЛОВА

**Вилоятлар ва Тошкент шаҳар маданият ишлари
бошқармаларининг намунавий тузилмаси**



*Бухоро, Самарқанд, Сурхондарё ва Хоразм вилоятларида.

Вазирлар Маҳкамасининг
2004 йил 9 июндаги 272-сон қарорига
4-ИЛОВА

**Маданият ишлари ҳудудий органлари ходимларининг
чекланган сони**

Т/ Р	Худудлар	Ходимлар- нинг чекланган умумий сони	шу жумладан бошқарув ходимлари сони	
			Қорақалпоғистон Республикаси Маданият ишлари вазирлиги, вилоятлар ва Тошкент шаҳар маданият ишлари бошқармалари	Туман (шаҳар) маданият ишлари бўлимлари
1.	Қорақалпоғистон Республикаси	28	8	18
2.	Андижон вилояти	25	5	18
3.	Бухоро вилояти	25	8	15
4.	Жиззах вилояти	20	6	13
5.	Қашқадарё вилояти	21	6	14
6.	Навоний вилояти	17	5	11
7.	Наманган вилояти	19	5	13
8.	Самарқанд вилояти	29	8	18
9.	Сирдарё вилояти	18	5	12
10.	Сурхондарё вилояти	24	7	15
11.	Тошкент вилояти	28	6	20
12.	Фарғона вилояти	26	5	19
13.	Хоразм вилояти	22	8	12
14.	Тошкент шаҳри	25	11	11
Жами:		327	93	209

Вазирлар Маҳкамасининг
2004 йил 9 июндаги 272-сон қарорига
5-ИЛОВА

**Ўзбекистон Республикаси Маданият ишлари
вазирлиги тўғрисида
НИЗОМ**

І. Умумий қоидалар

1. Ўзбекистон Республикаси Маданият ишлари вазирлиги (кейинги ўринларда Вазирлик деб аталади) давлат бошқаруви органи ҳисобланади.

Вазирлик ўз фаолиятида Ўзбекистон Республикаси Вазирлар Маҳкамасига ҳисоб беради.

2. Вазирлик ўз фаолиятида Ўзбекистон Республикаси Конституциясига ва қонунларига, Ўзбекистон Республикаси Олий Мажлисининг қарорлари ва бошқа ҳужжатларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, шунингдек ушбу Низомга амал қилади.

3. Вазирлик тизимига Қорақалпоғистон Республикаси Маданият ишлари вазирлиги, вилоятлар ва Тошкент шаҳри маданият ишлари бошқармалари, туман (шаҳар) маданият ишлари бўлимлари, «Ўзбектеатр» ижодий-ишлаб чиқариш бирлашмаси, «Ўзбекрақс» миллий рақс бирлашмаси, «Ўзбекдавлатцирки» республика бир-

Ўзбекистон Республикаси Қонун ҳужжатлари тўплами, 2004 й.

лашмаси, «Ўзбекмузей» республика жамғармаси, Республика халқ ижодиёти ва маданий-маърифий ишлар илмий-методик маркази, Республика методика ва ахборот маркази, Маданий мерос объектларини муҳофаза қилиш ва улардан фойдаланиш илмий-ишлаб чиқариш бош бошқармаси, Республика музейлари, «Сахнадаги цирк» кўчма корхоналар дирекцияси, Академик, халқ ва бадий жамоалар дирекцияси, «Гулистон», «Театр», «Мозийдан садо» журналлари таҳририятлари, Бадий экспертиза бошқармаси, Марказлаштирилган бухгалтерия, Оркестрлар (симфоник оркестр, камер оркестри, халқ чолғу асбоблари оркестри), Ижодкор ёшлар уйи, Вазирликка қарашли бошқа маданият ва таълим муассасалари киради.

Вазирликнинг ҳудудий бошқармалари ва бўлимлари икки томонлама бўйсундилар ҳамда Вазирликка ва маҳаллий давлат ҳокимияти тегишли органига ҳисоб беришади.

4. Вазирлик ўз фаолиятини давлат бошқарувининг бошқа органлари, маҳаллий давлат ҳокимияти органлари, жамоат бирлашмалари ва бошқа ташкилотлар билан ўзаро ҳамкорликда амалга оширади.

5. Вазирлик, унинг ҳудудий бошқармалари ва бўлимлари, Вазирлик тизимига кирувчи бошқа ташкилотлар фаолиятини молиялаштириш давлат бюджети маблағлари, шунингдек қонун ҳужжатларида тақиқланмаган бошқа манбалар ҳисобига амалга оширилади.

6. Вазирлик, унинг ҳудудий бошқармалари ва бўлимлари, Вазирлик тизимига кирувчи бошқа ташкилотлар юридик шахс ҳисобланади, Ўзбекистон Республикаси Давлат герби тасвири туширилган ва ўз номи ёзилган муҳрга эга бўлади.

II. Вазирликнинг вазифалари ва функциялари

7. Қуйидагилар Маданият ишлари вазирлигининг асосий вазифалари ҳисобланади:

маданият соҳасида давлат сиёсатини ўтказиш, асрлар давомида шаклланган юксак маънавият, анъаналар ва урф-одатлар, халқимизнинг бой маданий меросини миллий мустақиллик ғоялари асосида тиклаш ва янада ривожлантириш;

миллий мустақиллик ғоялари, Ўзбекистон халқининг маданий ва маънавий-ахлоқий анъаналаридан келиб чиққан ҳолда республика аҳолиси ўртасида маданий-маърифий ишларни амалга ошириш, фуқароларнинг маданий ва эстетик эҳтиёжларини янада тўлароқ қондириш, профессионал, халқ ва хаваскорлик ижодиётини кенг тарғиб қилиш;

театр, мусиқа, хореография, эстрада, цирк ва халқ амалий санъатини янада ривожлантириш, ижодий жамоаларга халқимиз тарихининг энг ёрқин саҳифаларини ва унинг ҳозирги ҳаётини, мамлакатимизни эркин демократик ривожлантиришни акс эттирувчи асарлар яратишда ҳар томонлама қўмаклашиш;

маданий-оммавий ва байрам тадбирларини чуқур ғоявий мазмун билан бойитишни таъминлаш, республика ижодий уюшмалари ва жамоат ташкилотлари билан узвий ҳамкорликни йўлга қўйиш, давлатлараро ва халқаро маданий алоқаларни кенгайтириш;

маданий мерос объектларини муҳофаза қилиш, улардан фойдаланилишини, шунингдек маданий бойликларнинг четдан келтирилишини ва четга олиб чиқиб кетилишини назорат қилиш;

кадрларни миллий ва умуминсоний кадриятлар, инсонпарварлик ва юксак маънавият руҳида тайёрлаш жараёнини такомиллаштириш, кишиларни ўзининг умумтаълим ва маданий савиясини оширишга интилишини рағбатлантириш, уларни мил-

лий ва жаҳон маданиятининг энг яхши намуналарига эриштириш бўйича ишларни ташкил этиш;

кутубхоналар, театрлар, клублар, маданият уйлари ва саройлари, истироҳат боғлари, музейлар ва бошқа маданий-маърифий муассасаларни ривожлантириш ва уларнинг моддий-техника базасини мустаҳкамлаш, маънавий бой, интеллектуал ривожланган ва юксак маданиятли шахсларни тарбиялаш ишидаги имкониятларидан энг кўп ва самарали фойдаланиш;

ижодкор ёшларни ҳар томонлама қўллаб-қувватлаш, уларнинг ўз таланти ва истеъдодини тўлиқ намоён қилишлари учун зарур шарт-шароитлар яратиш.

8. Вазирлик ўзига юкланган вазифаларни бажариш учун қуйидаги функцияларни амалга оширади:

вазирликлар, идоралар, жамоат бирлашмалари, корхоналар, муассасалар, ташкилотларнинг маданият соҳасидаги ишларини мувофиқлаштиради;

Вазирлик ваколатига тааллуқли масалалар бўйича қонун ҳужжатларига риоя қилиш мониторингини олиб боради, уни такомиллаштириш бўйича таклифлар ишлаб чиқади ва уларни кўриб чиқиш учун белгиланган тартибда Вазирлар Маҳкамасига киритади;

маданий ҳамкорлик бўйича халқаро лойиҳаларни ишлаб чиқади ва қабул қилинган халқаро битимларнинг бажарилишини таъминлайди;

театр, мусиқа, хореография, эстрада, цирк ва халқ амалий санъатини ривожлантиришни таъминлайди, ижодий жамоаларга халқимиз тарихининг энг ёрқин саҳифаларини, унинг ҳозирги ҳаётини, мустақил ривожланиш тажрибасини акс эттирувчи асарлар яратишда ҳар томонлама ёрдам беради;

кадрларни миллий ва умуминсоний кадриятлар, инсонпарварлик ва юксак маънавият руҳида тайёрлаш жараёнини, кишиларни ўзининг умумтаълим ва маданий савиясини оширишга интилишини рағбатлантириш, уларни миллий, жаҳон маданияти ва санъатининг энг яхши намуналарига эриштириш бўйича ишларни амалга оширишни ташкил қилади;

музейларда миллий мустақиллик ғояларига ҳамоҳанг бўлган, ўзбек халқининг бой маданий меросини, унинг инсоният тарихидаги роли ва аҳамиятини, унинг ривожланиш босқичларини ҳаққоний акс эттирувчи экспозицияларнинг ташкил этилишини, шунингдек замонавий ривожланиш истиқболларини чуқур ўрганишни, музейшунослик, музейлар фондларидаги экспонатларнинг ягона каталогини юритиш бўйича умуммиллий сиёсатнинг амалга оширилишини таъминлайди;

республика аҳолисини Ўзбекистон халқлари тарихи тўғрисида хабардор қилувчи чет элларда сақланаётган буюмлар, шунингдек мамлакатимиз музейларида намоёйиш қилинаётган ноёб экспонатлар билан кенг таништириш воситасида кишиларда умуминсоний кадриятларни, бой миллий маданий меросни ҳурмат қилиш ва эътироф этиш туйғусини тарбиялашга кўмаклашади;

маданий мерос объектларини муҳофаза қилиш ва улардан фойдаланиш бўйича қонун ҳужжатларининг юридик ва жисмоний шахслар томонидан бажарилиши устидан давлат назоратини амалга оширади;

маданий мерос объектларини муҳофаза қилиш, қўриқлаш, тарғиб қилиш ва улардан фойдаланиш бўйича давлат дастурларини ишлаб чиқишда қатнашади;

маданий мерос объектларини жорий этиш, консервация ва реконструкция қилиш ва улардан фойдаланиш бўйича давлат дастурларининг амалда рўёбга чиқарилишини таъминлайди;

маданий мерос объектларини аниқлаш, рўйхатдан ўтказиш, муҳофаза қилиш, тарғиб этиш ва улардан фойдаланишни таъминлайди;

маданий мерос объектларининг давлат кадастрини юритади, уларни тарихий-маданий экспертизадан ўтказишни ташкил қилади ва амалга оширади;

маданий қийматга эга бўлган буюмларнинг Ўзбекистон Республикаси Вазирлар Маҳкамаси томонидан белгиланган тартибда классификациясини аниқлайди;

маданий бойликларнинг четга олиб чиқиб кетилиши, вақтинчалик олиб чиқиб кетилиши тўғрисида қарорлар қабул қилади;

четга олиб чиқиб кетиладиган ва четдан олиб келинадиган, шунингдек вақтинчалик олиб чиқиб кетиладиган ва вақтинчалик олиб келинадиган маданий бойликларни рўйхатдан ўтказиши;

четга олиб чиқиб кетиладиган, вақтинчалик олиб чиқиб кетиладиган, шунингдек олиб чиқиб кетилгандан кейин қайтариб олиб келинган маданий бойликларнинг экспертизадан ўтказилишини таъминлайди;

маданий бойликларни четга олиб чиқиб кетиш ва вақтинчалик олиб чиқиб кетиш ҳуқуқига сертификатлар беради;

тутиб қолинган ёки қонун ҳужжатларида белгиланган тартибда мусодара қилинган маданий бойликларни тегишли давлат органларидан қабул қилиб олади, уларни экспертизадан ўтказиши ва улардан фойдаланиш тартибини белгилайди;

Вазирлик тизимида кирувчи ташкилотларнинг жамоалари ва солистларининг гастроль-концерт фаолиятини, шу жумладан чет эллардаги гастроль-концерт фаолиятини ташкил қилади;

республикада ва хорижий мамлакатларда фестиваллар, кўрик-танловлар, профессионал санъат ва ҳаваскорлик санъати кўргазмалари ўтказишни ташкил қилади;

Эстрада санъатини ривожлантириш ва мувофиқлаштириш кенгаши билан биргаликда республика маданият саройларида, концерт залларида ва стадионларида ўтказиладиган маданий-маърифий ҳамда концерт тадбирларининг мавзуларини, репертуар режалари ва дастурларини такомиллаштиришга доир ишларнинг мувофиқлаштирилишини таъминлайди;

мамлакатимиз таълим муассасаларида дарс бериш учун республика ва хорижий мамлакатларнинг таниқли ижрочиларини ва санъат арбобларини, етакчи мутахассис педагоглари таълим қилади;

чет элларда ўқиётган ва самарали ижодий фаолият кўрсатаётган Ўзбекистон ижодкор ёшларининг республикада ўтказиладиган кўрикларда, танловларда ва фестивалларда қатнашишини таъминлайди;

иктидорли ёшларнинг ижодий сафарларини ташкил қилади ҳамда уларнинг халқаро миқёсда ва республика миқёсида санъат соҳасида ўтказиладиган кўрикларда, танловларда, фестивалларда, бошқа анжуманларда иштирок этишини таъминлайди;

культурологияни, театршуносликни, санъатшуносликни, мусиқашуносликни ва мазкур соҳадаги бошқа илмий йўналишларни ривожлантириш, олий ўқув юртларида ва илмий-тадқиқот муассасаларида илмий ва илмий-педагог кадрлар тайёрлаш чора-тадбирларини кўради.

9. Вазирлик ўзига юкланган вазифалар ва функцияларни бевосита, шунингдек ўзининг ҳудудий бошқармалари ва бўлимлари ҳамда ўзига қарашли бошқа ташкилотлар орқали амалга оширади.

III. Вазирликнинг ҳуқуқ ва мажбуриятлари

10. Вазирлик ўзига юкланган вазифалар ва функцияларни амалга ошириш учун қуйидаги ҳуқуқларга эга:

маданиятнинг барча соҳаларига тааллуқли тегишли ахборотларни вазирликлар, идоралар, корхоналар, ташкилотлар ва муассасалардан олиш;

Вазирлик тизимига кирувчи театр-томоша ташкилотлари, маданий-маърифий ва таълим муассасаларини жиҳозлаш учун зарур бўлган ёритиш ва овоз кучайтириш асбоб-ускуналарини, мусиқа асбобларини, бошқа зарур жиҳозларни сотиб олиш;

музей фондларини ва асарлар кўргазмаларини тўлдириш учун тарихий-бадий қимматга эга бўлган материалларни, тасвирий ва декоратив-амалий санъати, кино асарларини, ноёб қадимий раритетларни, шунингдек сахна ва мусиқа асарларини, қўшиқларни аниқлаш ва сотиб олиш, музейлар фондларидаги экспонатларнинг ягона каталогини нашр этиш;

республикада ўтказиладиган халқаро танловлар, кўриклар, фестиваллар ва бошқа тадбирларда қатнашиш учун хорижий жамоаларни ва алоҳида ижрочиларни таклиф этиш;

маданият муассасалари бадий ҳаваскорлик жамоаларига «Халқ ҳаваскорлик жамоаси» фахрий унвонини бериш;

тегишли вазирликлар ва идоралар билан биргаликда Вазирлик тизимига кирувчи ташкилотлар тоифаларини ўзгартириш;

маданият соҳасидаги иқтидорли ёшлар вакилларини аниқлаш, уларни чет элларга ўқишга юбориш;

Вазирлик тизимига кирувчи ўқув юртларида, таълим муассасаларида дарс бериш, шунингдек мастер-класслар ўтказиш учун юқори малакали профессорлар ва ўқитувчиларни, республикамизнинг ва чет эллардаги таниқли санъат арбобларини шартнома асосида таклиф этиш;

энг иқтидорли санъат арбоблари, алоҳида фидокорлик ва меҳнатсеварлик фазилатларини намоён қилган маданият соҳаси ходимлари номзодларини мукофотлашга тақдим этиш.

Вазирлик Ўзбекистон Республикасининг қонун ҳужжатларида назарда тутилган бошқа ҳуқуқларга ҳам эга бўлиши мумкин.

11. Вазирлик ўз ваколатлари доирасида вазирликлар, давлат қўмиталари, идоралар, маҳаллий давлат ҳокимияти органлари, корхоналар, ташкилотлар, муассасалар, мансабдор шахслар ва фуқаролар томонидан бажарилиши мажбурий бўлган норматив-ҳуқуқий ҳужжатларни қабул қилишга ҳақлидир.

Вазирлик, зарур ҳолларда, бошқа вазирликлар, давлат қўмиталари ва идоралар билан биргаликда қўшма қарорлар ва бошқа норматив ҳужжатлар қабул қилиш ҳуқуқига эга.

12. Вазирлик маданият соҳасидаги давлат сиёсати амалга оширилиши ва ўзига юкланган вазифаларнинг самарали бажарилиши таъминланиши учун жавоб беради.

IV. Вазирлик фаолиятини ташкил этиш

13. Вазирликка қонун ҳужжатларида белгиланган тартибда лавозимга тайинланадиган ва лавозимдан озод қилинадиган Вазир бошчилик қилади.

Вазирнинг уч нафар ўринбосари, шу жумладан бир нафар биринчи ўринбосари бўлади.

14. Вазир:

Вазирлик фаолиятига якка бошчилик асосида умумий раҳбарлик қилади ва Вазирликка юкланган вазифалар ва функциялар бажарилиши учун шахсан жавоб беради;

зарурат бўлганда, ходимларнинг белгиланган чекланган умумий сони доирасида Вазирлик марказий аппаратининг тузилмасига ўзгартиришлар киритади, штат жадвалини, шунингдек Вазирлик марказий аппарати, Вазирлик тизимиغا кирувчи ташкилотлар ва муассасалар харажатлари сметасини тасдиқлайди;

Вазирликнинг таркибий ва ҳудудий бошқармалари ва бўлимлари тўғрисидаги низомларни, Вазирлик тизимиغا кирувчи бошқа ташкилотлар ва муассасалар тўғрисидаги низомларни белгиланган тартибда тасдиқлайди;

Вазирлик марказий аппарати ходимларини, ҳудудий бошқармалар ва бўлимлар, Вазирлик тизимиغا кирувчи бошқа ташкилотлар ва муассасалар раҳбарларини белгиланган тартибда лавозимга тайинлайди ва лавозимдан озод қилади.

Вазир қонун ҳужжатларига мувофиқ бошқа ваколатларни амалга оширади.

15. Вазирликда 7 киши — Вазир (раис), унинг ўринбосарлари (лавозимига кўра), шунингдек Вазирликнинг бошқа раҳбар ходимларидан иборат таркибда ҳайъат ташкил этилади. Ҳайъатнинг шахсий таркиби Вазир тақдимномасига кўра Ўзбекистон Республикаси Вазирлар Маҳкамаси томонидан тасдиқланади.

Вазирлик ҳайъати Вазирлик фаолиятининг асосий масалаларини кўриб чиқади, Вазирликнинг таркибий ва ҳудудий бўлимлари, Вазирлик тизимиغا кирувчи бошқа ташкилотлар ва муассасалар раҳбарларининг ҳисоботларини эшитади, Вазирликнинг муҳим буйруқлари ва бошқа ҳужжатлари лойиҳаларини кўриб чиқади.

Ҳайъат қарорлари Вазирнинг буйруқлари билан амалга оширилади.

16. Қорақалпоғистон Республикаси Маданият ишлари вазирлиги, вилоятлар ва Тошкент шаҳар маданият ишлари бошқармалари ўз фаолиятини Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимликлари билан келишилган ҳолда тасдиқланган низомларга мувофиқ амалга оширадилар.

Туман (шаҳар) маданият ишлари бўлимлари ўз фаолиятини туман (шаҳар) ҳокимликлари билан келишилган ҳолда Қорақалпоғистон Республикаси Маданият ишлари вазирлиги, вилоятлар ва Тошкент шаҳар маданият ишлари бошқармалари томонидан тасдиқланган низомларга мувофиқ амалга оширадилар.

Қорақалпоғистон Республикаси Маданият ишлари вазирлиги, вилоятлар ва Тошкент шаҳар маданият ишлари бошқармалари раҳбарлари тегишли равишда Қорақалпоғистон Республикаси Вазирлар Кенгаши, вилоятлар ва Тошкент шаҳар ҳокимларининг тақдимномасига биноан Вазир томонидан тайинланади.

Туман (шаҳар) маданият ишлари бўлимлари мудирлари тегишли туман (шаҳар) ҳокимлари тақдимномасига биноан тегишли равишда Қорақалпоғистон Республикаси Маданият ишлари вазири, вилоятлар ва Тошкент шаҳар маданият ишлари бошқармалари бошлиқлари томонидан тайинланади.

17. Маданият ишлари вазирлигини қайта ташкил этиш ва тугатиш қонун ҳужжатларига мувофиқ амалга оширилади.

Вазирлар Маҳкамасининг
2004 йил 9 июндаги 272-сон қарорига
6-ИЛОВА

Ўзбекистон Республикаси Ҳукуматининг ўз кучини йўқотган қарорлари рўйхати

1. Вазирлар Маҳкамасининг «Ўзбекистон Республикаси Маданият ишлари вазирлигининг тузилмаси ва фаолиятини такомиллаштириш тўғрисида» 1992 йил 27 апрелдаги 207-сон қарори.

Ўзбекистон Республикаси Қонун ҳужжатлари тўплами, 2004 й.

2. Вазирлар Маҳкамасининг «Ўзбекистон Республикаси Маданият ишлари вазирлиги тўғрисидаги Низомни тасдиқлаш ҳақида» 1992 йил 30 июндаги 305-сон қарори.

3. Вазирлар Маҳкамасининг «Ўзбекистон Республикасида маданий бойликларнинг олиб чиқилиши ва олиб кирилиши масалаларини тартибга солиш тўғрисида» 1999 йил 23 мартдаги 131-сон қарорининг 6-банди ва ушбу қарорга 3-илова (Ўзбекистон Республикаси ҚТ, 1999 й., 3-сон, 15-модда).

4. Вазирлар Маҳкамасининг «Маданий мерос объектларини муҳофаза қилиш ва улардан фойдаланишни янада такомиллаштириш чора-тадбирлари тўғрисида» 2002 йил 29 июлдаги 269-сон қарорига 5-илованинг II бўлими (Ўзбекистон Республикаси ҚТ, 2002 й., 7-сон, 45-модда).

БЕШИНЧИ БЎЛИМ

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИНИНГ
ҚАРОРИ

268 Давлат эҳтиёжлар учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига ўзгартириш ва қўшимчалар киритиш тўғрисида

*Ўзбекистон Республикаси Адлия вазирлиги томонидан 2004 йил
4 июнда 653-З-сон билан давлат рўйхатидан ўтказилди*

(2004 йил 14 июндан кучга киради)

Ғалла, ун ва шоли сотишдан тушаётган маблағларни аккумуляция қилиш механизмини такомиллаштириш мақсадида **қарор қиламиз:**

1. Ўзбекистон Республикаси Молия вазирлиги ва Марказий банки томонидан 1999 йил 8 февралдаги 10-01, 111-В-сон билан тасдиқланган «Давлат эҳтиёжлар учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига (1999 йил 8 февраль, рўйхат рақами 653-сон) ўзгартириш ва қўшимчалар иловага* мувофиқ тасдиқлансин.

2. Ушбу қарор Ўзбекистон Республикаси Адлия вазирлигида рўйхатдан ўтган кундан бошлаб ўн кундан сўнг кучга киради.

Марказий банк Бошқаруви раиси Ф. МУЛЛАЖОНОВ

Тошкент ш.,
2004 йил 28 апрель,
111-В-3-сон

Молия вазири М. НУРМУРАТОВ

Тошкент ш.,
2004 йил 28 апрель,
56-сон

* Илова рус тилидаги матнда берилади.

ЎЗБЕКИСТОН РЕСПУБЛИКАСИ ИҚТИСОДИЁТ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ВА
ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
«ОЛМАЛИҚ КМК» ОАЖ
«ЎЗИККИЛАМЧИРАНГЛИМЕТАЛЛ» ОАЖ
ЎЗБЕКИСТОН РЕСПУБЛИКА ТОВАР ХОМ АШЁ БИРЖАСИНИНГ
ҚАРОРИ

269 Кимошди савдоларида тозаланган мис, металл рух ва иккиламчи алюминийни сотиш тартиби тўғриси- даги вақтинчалик низомни тасдиқлаш ҳақида

*Ўзбекистон Республикаси Адлия вазирлиги томонидан 2004 йил
4 июнда 1367-сон билан давлат рўйхатидан ўтказилди*

(2004 йил 14 июндан кучга киради)

Ўзбекистон Республикаси Вазирлар Маҳкамасининг 2004 йил 5 февралдаги «Маҳсулотлар, хом ашё ва материалларнинг юқори ликвидли турларини сотишнинг бозор механизмларини жорий этишни давом эттириш тўғрисида»ги 57-сон қарорига мувофиқ **қарор қиламиз:**

1. Кимошди савдоларида тозаланган мис, металл рух ва иккиламчи алюминийни сотиш тартиби тўғрисидаги вақтинчалик низом иловага* мувофиқ тасдиқлансин.
2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Иқтисодиёт вазири Р. АЗИМОВ

Тошкент ш.,
2004 йил 29 март,
24-сон

Давлат мулки қўмитаси раиси М. АСҚАРОВ

Тошкент ш.,
2004 йил 29 март,
01/24-15-сон

Молия вазири М. НУРМУРАТОВ

Тошкент ш.,
2004 йил 29 март,
53-сон

* Илова рус тилидаги матнда берилди.

«Олмалик КМК» ОАЖ Бошқаруви раиси К. САНАҚУЛОВ

Тошкент ш.,
2004 йил 29 март,
948-сон

«Ўзиккиламчиранглиметалл» ОАЖ Бошқаруви раиси Д. БОБОХОНОВ

Тошкент ш.,
2004 йил 29 март,
283-01-сон

Ўзбекистон республика товар хом ашё биржаси Бошқаруви
раиси Т. ТОХТАБАЕВ

Тошкент ш.,
2004 йил 29 март,
42-01/142-сон

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ СОЛИҚ ҚЎМИТАСИНING
ҚАРОРИ

270 Ўзбекистон Республикаси ҳудудида нақд чет эл валютасини қабул қилиш тартиби тўғрисидаги низомга ўзгартириш ва қўшимчалар киритиш ҳақида

*Ўзбекистон Республикаси Адлия вазирлиги томонидан 2004 йил
4 июнда 1165-1-сон билан давлат рўйхатидан ўтказилди*

(2004 йил 14 июндан кучга киради)

Ўзбекистон Республикасининг «Ўзбекистон Республикаси Марказий банки тўғрисида» ва «Валютани тартибга солиш тўғрисида» (янги таҳрирда)ги қонунларига асосан Ўзбекистон Республикаси Марказий банки Бошқаруви, Молия вазирлиги ва Давлат солиқ қўмитаси **қарор қилади:**

1. Ўзбекистон Республикаси Марказий банки Бошқаруви, Молия вазирлиги ва Давлат солиқ қўмитасининг 2002 йил 27 июлдаги 222-В, 89, 2002-62-сон қарори билан тасдиқланган Ўзбекистон Республикаси ҳудудида нақд чет эл валютасини қабул қилиш тартиби тўғрисидаги низомга (2002 йил 12 август, рўйхат рақами 1165-сон — Меъёрий ҳужжатлар ахборотномаси, 2002 й., 15-16-сон) иловага* мувофиқ ўзгартириш ва қўшимчалар киритилсин.

* Илова рус тилидаги матнда берилади.

2. Мазкур қарор Ўзбекистон Республикаси Адлия вазирлигида давлат рўйхатига олинган санадан 10 кун ўтгач кучга киритилсин.

Марказий банк Бошқаруви раиси Ф. МУЛЛАЖОНОВ

Тошкент ш.,
2004 йил 17 апрель,
222-В-1-сон

Молия вазири М. НУРМУРАТОВ

Тошкент ш.,
2004 йил 14 апрель,
69-сон

Давлат солиқ қўмитаси раиси Б. ПАРПИЕВ

Тошкент ш.,
2004 йил 17 апрель,
2004-32-сон

ЎЗБЕКИСТОН РЕСПУБЛИКАСИ ИҚТИСОДИЁТ ВАЗИРЛИГИ
ЎЗБЕКИСТОН РЕСПУБЛИКАСИ ДАВЛАТ МУЛКИНИ БОШҚАРИШ ВА
ТАДБИРКОРЛИКНИ ҚўЛЛАБ-ҚУВВАТЛАШ ДАВЛАТ ҚўМИТАСИ
ЎЗБЕКИСТОН РЕСПУБЛИКАСИ МОЛИЯ ВАЗИРЛИГИ
ЁҒ-МОЙ ВА ОЗИҚ-ОВҚАТ САНОАТИ УЮШМАСИ
ЎЗБЕКИСТОН РЕСПУБЛИКА ТОВАР ХОМ АШЁ БИРЖАСИНИНГ
ҚАРОРИ

271 Кимошди савдоларида пахта шроти (кунжара)ни ва пахта чигити шелухасини сотиш тартиби тўғрисидаги вақтинчалик низомни тасдиқлаш ҳақида

Ўзбекистон Республикаси Адлия вазирлиги томонидан 2004 йил 7 июнда 1368-сон билан давлат рўйхатидан ўтказилди

(2004 йил 17 июндан кучга киради)

Ўзбекистон Республикаси Вазирлар Маҳкамасининг 2004 йил 5 февралдаги «Маҳсулотлар, хом ашё ва материалларнинг юқори ликвидли турларини сотишнинг бозор механизмларини жорий этишни давом эттириш тўғрисида»ги 57-сон қарорига мувофиқ **қарор қиламиз:**

1. «Кимошди савдоларида пахта шроти (кунжара)ни ва пахта чигити шелухаси-

ни сотиш тартиби тўғрисида»ги вақтинчалик низом иловага* мувофиқ тасдиқлансин.

2. Мазкур қарор Ўзбекистон Республикаси Адлия вазирлигида давлат рўйхатидан ўтказилган кундан бошлаб ўн кун ўтгандан кейин кучга киради.

Иқтисодиёт вазири Р. АЗИМОВ

Тошкент ш.,
2004 йил 6 май,
32-сон

Давлат мулки кўмитаси раиси М. АСҚАРОВ

Тошкент ш.,
2004 йил 6 май,
01/24-30-сон

Молия вазири М. НУРМУРАТОВ

Тошкент ш.,
2004 йил 6 май,
61-сон

**Ёғ-мой ва озиқ-овқат саноати уюшмаси Бошқаруви
раиси М. ХУДОЁРОВ**

Тошкент ш.,
2004 йил 6 май,
4-1-167-сон

**Ўзбекистон республика товар хом ашё биржаси
Бошқаруви раиси Т. ТОХТАБАЕВ**

Тошкент ш.,
2004 йил 6 май,
42-01/245-сон

* Илова рус тилидаги матнда берилади.

Ўзбекистон Республикаси
Адлия вазирлиги маълум қилади:
вазирликлар, давлат қўмиталари ва идораларининг
умумий мажбурий тусдаги меъёрий ҳужжатларини давлат
рўйхатидан ўтказиш ҳолати тўғрисида
2004 йил 29 майдан 10 июнгача бўлган маълумот

1. Давлат рўйхатидан ўтказилди:

1. «Давлат эҳтиёжлар учун харид қилинадиган ғалла ва гуруч-шолига Жамғарма томонидан аванс бериш ва ҳисоб-китоб қилиш учун ажратиладиган маблағларни қайтариш учун дон маҳсулотлари корхоналарининг ғалла, ун ва гуруч-шолини сотишдан тушаётган маблағларини аккумуляция қилиш тартибига ўзгартириш ва қўшимчалар киритиш тўғрисида» *Ўзбекистон Республикаси Марказий банки бошқаруви, Молия вазирлигининг 2004 йил 28 апрелдаги 111-В-3, 56-сон қарори.*

2004 йил 4 июнда 653-3-сон билан рўйхатдан ўтказилди (2004 йил 14 июндан кучга киради).

2. «Кимошди савдоларида тозаланган мис, металл рух ва иккиламчи алюминийни сотиш тартиби тўғрисида вақтинчалик низомни тасдиқлаш ҳақида» *Ўзбекистон Республикаси Иқтисодиёт вазирлиги, Давлат мулки қўмитаси, Молия вазирлиги, «Олмалиқ КМК» ОАЖ, «Ўзиккиламчиранглиметалл» ОАЖ, Ўзбекистон республика товар хом ашё биржасининг 2004 йил 29 мартдаги 24, 01/24-15, 53, 948, 283-01, 42-01/142-сон қарори.*

2004 йил 4 июнда 1367-сон билан рўйхатдан ўтказилди (2004 йил 14 июндан кучга киради).

3. «Ўзбекистон Республикаси ҳудудида нақд чет эл валютасини қабул қилиш тартиби тўғрисидаги низомга ўзгартириш ва қўшимчалар киритиш ҳақида» *Ўзбекистон Республикаси Марказий банки Бошқаруви, Молия вазирлиги, Давлат солиқ қўмитасининг 2004 йил 17 апрелдаги 222-В-1, 69, 2004-32-сон қарори.*

2004 йил 4 июнда 1165-1-сон билан рўйхатдан ўтказилди (2004 йил 14 июндан кучга киради).

4. «Кимошди савдоларида пахта шроти (кунжара)ни ва пахта чигити шелухасини сотиш тартиби тўғрисида вақтинчалик низомни тасдиқлаш ҳақида» *Ўзбекистон Республикаси Иқтисодиёт вазирлиги, Давлат мулки қўмитаси, Молия вазирлиги, «Ёғмойтамакисаноат» уюшмаси, Ўзбекистон республика товар хом ашё биржасининг 2004 йил 6 майдаги 32, 01/24-30, 61, 4-1-167, 42-01/245-сон қарори.*

2004 йил 7 июнда 1368-сон билан рўйхатдан ўтказилди (2004 йил 17 июндан кучга киради).

